

S T E N O G R A M

**16. Hitne sjednice Skupštine Kantona Sarajevo
ODRŽANE 03.02.2021. godine sa početkom rada u 10,00 sati**

Predsjedavajući Elvedin Okerić (u daljem tekstu predsjedavajući):

Evo mi krećemo. Prijavljujemo prisustvo zastupnika i zastupnica. Molim vas da se izjasnite. Zamolio bih zastupnike Čamparu, Marića i Poturka da potvrde. Potvrdite u aplikaciji. Budite strpljivi da otklonimo ove tehničke nedostatke.

Dino Šehović direktor ZIS-a:

Molim zastupnike ovi koji nisu glasali, ako im se pokazuje ovo glasanje. Imate u donjem desnom ćošku tri tačkice, kliknete, imate aplikaciju tu će vam otvoriti. Mada oni koji idu preko mobitela njima bi automatski trebalo da izbací prozor. A oni koji su preko laptopa treba da otvore s desne strane automatski. Po ovome još nisu zastupnici Poturak i Čampara glasali.

Poslanik/zastupnik Aljoša Čampara:

Evo ja mislim da sam se sad prijavio, moram ići ovo malo pješke jer mi ne izbacuje. Znači moram ići na ovo dole poling ali ne izbacuje meni automatski na mobitel, na ekran. Samo da znate.

Predsjedavajući:

Zastupnice Poturak treba li vam pomoć da glasate?

Poslanik/zastupnik Dževad Poturak:

Tu sam, tu sam prisutan sam ali nema mi da pokazuje vjerovatno ću u međuvremenu izbaciti. Uglavnom tu sam, prisutan sam.

Dino Šehović direktor ZIS-a:

Imate na mobitelu tri tačkice sa strane kada kliknete imate varijantu ovog glasanja pošto vidim da ste preko mobitela.

Poslanik/zastupnik Dževad Poturak:

Evo da ne zadržavamo sjednicu, znači prisutan sam, tu sam. Dok evo, bit ću za nekoliko minuta tražim parking i dolazim.

Predsjedavajući:

Kolega Poturak imate tri tačkice, kada kliknete imat ćete priliku da vidite u padajućem meniju da potvrdite prisustvo.

Zaključujem glasanje. Molim službu da objavi rezultate. Po evidenciji službe imamo 31 zastupnika prisutnog i evo, pustiti ćemo samo da TVSA pusti nas uživo prijem. Strpite se još malo.

Otvaram 16. Hitnu sjednicu Skupštine Kantona Sarajevo.

Pozdravljam uvažene kolegice i kolege zastupnike, članove Vlade, sve one koji prate rad današnje sjednice.

Svima nama želim uspješan rad i ugodnu radnu atmosferu.

Prema evidenciji Službe, **ONLINE** sjednici prisustvuje 31 zastupnik, što je dovoljan broj za punovažan rad i odlučivanje.

Izostanak sa ove sjednice pravdao je samo zastupnik Sabahudin Delalić.

U skladu sa članom 71. Poslovnika konačnu odluku o utvrđivanju hitnog karaktera sjednice Skupštine donosi Kollegij Skupštine.

Kolegij Skupštine Kantona Sarajevo je na sjednici održanoj 29.01.2021.godine utvrdio da postoji osnov za sazivanje Hitne sjednice Skupštine Kantona Sarajevo i utvrdio termin održavanja iste dana 03.02.2021.godine u 10,00 sati.

U skladu sa članom 65. Poslovnika Skupštine Kantona Sarajevo, dnevni red za ovu sjednicu utvrdit ćemo danas.

Molim zastupnike da predlože tačke za dnevni red današnje sjednice.

Poslovnička intervencija zastupnik Mirza Čelik.

Poslanik/zastupnik Mirza Čelik:

Zahvaljujem predsjedavajući. Pozdravljam sve prisutne, vas predsjedavajući, dopredsjedavajući, sekretara Skupštine Kantona Sarajevo, premijera i ostale članove Vlade, kao i zastupnice i zastupnike u Skupštini Kantona Sarajevo, a naše cijenjene gledaoce kao i predstavnike medija koji nas danas i prate i prenose ovu sjednicu koju imamo. Ja bih vas lijepo molio predsjedavajući obzirom da smo dobili mail od Vlade za prijedlog budžeta da se razmatra po hitnom postupku, znači neko od članova Vlade bi trebao da da prijedlog za dnevni red a kada neko predloži dnevni red, ja ću svakako tražiti još jednu poslovničku intervenciju jer smatram da bi ovo što smo dobili od Vlade, ako predloži Vlada ovaj dnevni red, imat ću sigurno da predložim nešto. Pa evo poslije prijedloga Vlade ja ću tražiti ponovo poslovničku kako bih dao prijedlog i molim tu svakako da date na glasanje taj prijedlog. Hvala vam.

Predsjedavajući:

Zahvaljujem zastupniče Čelik. Sljedeći prijavljeni zastupnik Haris Zahiragić. Zastupniče Zahiragić jeste li tu? Evo dat ćemo zastupniku Konakoviću s obzirom da se javio za prijavu dok vi riješite tehničke probleme. Zastupniče Konaković izvolite imate riječ.

Poslanik/zastupnik Elmedin Konaković:

Hvala predsjedavajući. Da provjerimo čuje li se ton? Jel sve OK? Srdačno vas pozdravljam, sve svoje kolegice i kolege, gledaoce koji putem malih ekrana prate našu današnju online sjednicu i svima nama želim ugodan rad i ugodnu radnu atmosferu. Da ne bi smo trošili previše vremena ja ću predložiti ove dvije tačke koje nam je Vlada dostavila a smatramo ih vrlo važnim, a zbog njih smo sazvali sjednicu. Dakle prva tačka

1. Prijedlog Budžeta Kantona Sarajevo za 2021.godinu – hitna procedura,

Druge tačka

2. Prijedlog Zakona o izvršavanju Budžeta Kantona Sarajevo za 2021. godinu , također hitna procedura. Hvala predsjedavajući.

Predsjedavajući:

Zastupnica Neira Dizdarević se prijavila, izvolite imate riječ.

Poslanik/zastupnik Neira Dizdarević:

Hvala predsjedavajući. Također pozdravljam sve kolege i kolegice kao i građane koji prate naš današnji rad. Ja ću danas za dnevni red predložiti jednu tačku, to je:

Prijedlog Rezolucije o prevenciji suzbijanja uznemiravanja na osnovu spola i seksualnog uznemiravanja i nasilja u Kantonu Sarajevo.

S obzirom da je već na Kolegiju iznesena ova tačka i da je postojala da kažem jednoglasna volja da danas ovu Rezoluciju razmatramo predložiti ću da je razmatramo (smetnja) jedan. Službi sam dostavila u elektronskoj formi Rezoluciju. Zamolit ću da proslijedi sekretar

Skupštine svim zastupnicima i zastupnicima a evo ukoliko bude bilo potrebe, naravno u uvodnoj riječi mogu reći nešto malo više odnosno koja je uopšte intencija da mi, kao Skupština Kantona Sarajevo, pošaljemo danas jednu nedvosmislenu poruku za nultu toleranciju za bilo koji oblik nasilja. Toliko. Hvala.

Predsjedavajući:

Evo zbog tehničkih problema u Klubu SDA, predsjednik Kluba Mahir Dević traži pauzu od 15 minuta kako bi otklonili tehničke probleme.

PAUZA 15 MINUTA.

NASTAVAK NAKON PAUZE

Poslanik/zastupnik Haris Zahiragić:

Čujemo li se predsjedavajući? Ja sam se javio prije ranije zapravo kako bi predložio dodatnu tačku dnevnog reda, međutim, prije nego što predložim tačku dnevnog reda zamolio bih samo kolege koji su se prijavljivali ranije a govorile su u onom trenutku prije pauze, mi ovdje u Klubu SDA nismo mogli ništa na žalost čuti radi tehničkih problema i konekcije koja je ovdje pucala. Pa tako kada završim ja svoju diskusiju ako može da se ponove one diskusije koje su ranije bile da bi se čulo o čemu se govorilo. Ja predlažem da se na dnevni red uvrsti Zahtjev za održavanje Skupština uživo. Obrazloženje je isto kao i prošli i pretprošli put. Dok je prošla Skupština trajala sva općinska vijeća su taj dan u Kantonu Sarajevo njih šest održavali svoje sjednice. Dom naroda Parlamenta FBiH koji broji više ljudi nego mi, također održavao svoje sjednice. I ukupno ni jedan zakonodavni organ u BiH, bilo kojeg nivoa ne održava online sjednice, nego svi održavaju žive sjednice, gdje je članstvo mnogo brojnije nego Skupštine Kantona Sarajevo. U tom smislu tražit ću tu inicijativu. Alternativno, ukoliko kolege ne podrže da se to uvrsti u dnevni red, kolege iz Kluba će predložiti da se podnese inicijativa da se zastupnici odreknu 50% svojih primanja dok rade online jer nije moralno zarađivati velike plate, pune plate a raditi od kuća. Pojedini zastupnici su jučer izašli u javnost sa inicijativom da se smanje plate svim uposlenicima u javnom sektoru. Od najnižeg uposlenika koji rade fizičke poslove preko doktora, policajaca, nastavnika, profesora, svi oni rade uživo. I ne možemo mi njima smanjivati plate a mi primati pune plate i raditi online. U tom smislu predsjedavajući predlažem da se na dnevni red uvrsti ta inicijativa a ukoliko kolege odbiju, ne usvoje tu inicijativu, ukoliko to ne podržite, moj kolega iz kluba će predložiti da se smanje plate za 50% dok se radi online. Zapravo i plate i paušali. Zahvaljujem.

Predsjedavajući:

Hvala zastupniče Zahiragić. Imamo prijavu zastupnika Konakovića da ponovi svoje izlaganje.

Poslanik/zastupnik Elmedin Konaković:

hvala predsjedavajući. Dakle još jednom samo da ponovimo zbog Kluba SDA koji je imao tehničke probleme. Predlažem dvije tačke dnevnog reda, da ne gubimo vrijeme, Vlada nam je već rekla šta treba, dostavila svoje prijedloge.

1. Prijedlog Budžeta Kantona Sarajevo za 2021. godinu – hitna procedura,

Druga tačka:

2. Prijedlog Zakona o izvršavanju Budžeta Kantona Sarajevo za 2021. godinu, također hitna procedura. Hvala predsjedavajući.

I samo jedan mali komentar. Načelno se ja slažem s kolegom Zahiragićem. Ne glasam za ove njegove prijedloge zato što ne mislim da je Skupština dužna da na takav način obavezuje, uređuje. Imamo Kolegij koji treba da odredi način rada sjednica. Ja ću na sjednicama Kolegija podržati zahtjev da se vratimo u klupe. A ne glasam to u Skupštini zato što mislim da to nije skupštinsko pitanje. Hvala predsjedavajući.

Predsjedavajući:

Zahvaljujem se. Zastupnica Neira Dizdarević također da ponovi svoje izlaganje.

Poslanik/zastupnik Neira Dizdarević:

Hvala predsjedavajući. Pa evo ponovit ću. Načelno je i Kolegij jednoglasno prihvatio ovu inicijativu da se na današnji dnevni red stavi Prijedlog Rezolucije o prevenciji suzbijanja uznemiravanja na osnovu spola i seksualnog uznemiravanja i nasilja u Kantonu Sarajevo. Predložiti ću da ide kao tačka jedan iz razloga što smatramo da je neophodno da ovaj dom odnosno Skupština Kantona Sarajevo zauzme jasan stav da imamo nultu toleranciju na bilo koji oblik nasilja. I naravno da najavimo korake odnosno zadatke koje stavljamo pred samu Vladu Kantona Sarajevo i sve relevantne institucije. Evo pozivam još jednom kolegice i kolege da se jednoglasno odlučimo i damo podršku ovoj inicijativi. Toliko hvala.

Predsjedavajući:

Zahvaljujem. Zastupnik Mirza Čelik također se prijavio.

Poslanik/zastupnik Mirza Čelik:

Zahvaljujem. Pa evo Konaković je iskoristio priliku umjesto Vlade pa predložio ove tačke dnevnog reda, naravno što podržavam. Svaki zastupnik ima pravo ali razmatrati ove zakone po hitnom postupku. Evo samo ću se osvrnuti jer sam i najavio da ću se osvrnuti vezano za hitnu proceduru. Ja mislim da mnogi su uskraćeni za neku javnu raspravu koju bi trebali da provedemo po osnovu ova dva Zakona pa tako ni jedna kantonalni organ uprave, JP; ustanove, lokalne samouprave i javnost Kantona Sarajevo neće biti u mogućnosti ukoliko danas usvojimo da se razmatra Prijedlog Zakona po hitnom postupku nećemo imati mogućnost da građanima Kantona ostavimo mogućnost da daju primjedbe, sugestije ili komentare na ovaj budžet. A tako evo i zastupnici su samo dobili naravno ovaj prijedlog budžeta. Javnost evo, niti na stranici Skupštine Kantona, niti na Vladi nije mogla da vidi. Ja sam nekoliko građana koji su tražili i javili se da dostavim budžeta, ja sam to dostavio. Ali evo, zaista je to anomalija. Kako će se Skupština izjasniti po osnovu tog pitanja ja bih volio da ne usvojimo hitnu proceduru da to ide u redovnu proceduru i da ostavimo mogućnost svakako nekoliko mail adresa Ministarstva finansija kako bi građani mogli dati primjedbe sugestije i da ostavimo javnu raspravu bar evo sedam dana i da prijedlog razmatramo iduće sedmice. To je ono na što sam htio da ukažem. A dopunu dnevnog reda bih svakako molio i to jedna tačka. Evo izašlo je u javnost da su naši školarci, odnosno šesti razredi osnovne škole uskraćeni za odvijanje nastave na planini Bjelašnici odnosno Igmanu. Škola skijanja ove godine neće biti iz razloga što se nije mogla provesti javna nabavka za prevoz naših školaraca do planine Igmana i Bjelašnice. S tim u vezi ja bih predložio današnju tačku dnevnog reda jeste da razmatramo način na koji možemo omogućiti djeci da pohađaju nastavu a u skladu sa nastavnim planom i programom ili da zadužimo Ministarstvo da provede anketu kod roditelja. Jer evo često se koriste ankete o nekim tehničkim pitanjima poput eksterne mature, poput odvijanja nastave, da li će biti online, da li će djeca ići u školu. A roditelje nismo pitali. Ja sam dobio na desetine poziva od roditelja, pogotovo šestih razreda. Ja sam imao sreću i privilegiju da kao roditelj, dijete mi prošlo obuku škole skijanja na planini Bjelašnica i Igmanu i znam zasigurno da mnoga djeca po riječima svoje djece nisu stala na skije niti obukli pancerice. Stoga bih vas zaista molio da ne uskratimo četiri hiljade naših đaka, da nemaju mogućnost da odu do planine Bjelašnice i Igmana da obuku pancerice, da stanu na skije i da dožive taj osjećaj koji mnogi skijaši evo imaju. I gajim zaista velike nade da ćemo danas naći načina da izbjegnemo ovu situaciju i da jednoj generaciji koja je šesti razred ne bi trebali uskratiti školu skijanja i stoga ja delegiram jednu tačku dnevnog reda, to je: Način iznalaženja problema a tiče se skijanja za šesti razred osnovnih škola u Kantonu Sarajevo. Hvala predsjedavajući.

Predsjedavajući:

Kolega Čelik zamolio bih da decidnije i konkretnije definišite vaš prijedlog dnevnog reda.

Poslanik/zastupnik Mirza Čelik:

Evo ako mi dozvolite predsjedavajući mogu odmah znači Informacija o realizaciji nastavnog plana i programa za djecu šestog razreda osnovne škole a tiče se realizacije škole skijanja na planini Bjelašnica i Igman. Ako treba da ponovim, mogu.

Predsjedavajući.

Može još jednom. Možete napisati u viber grupi.

Poslanik/zastupnik Mirza Čelik:

Evo mogu kolegice i kolege pratiti pa mogu svakako navesti ali evo ponovit ću i radi naših građana koji prate ako imamo primjedbe ili prijedloge, evo zamolit ću svakako naše građane koji prate ako treba da dopunimo ovu tačku dnevnog reda sa još nečim, evo zaista stojimo na raspolaganju. Znači Informacija o realizaciji nastavnog plana i programa za djecu šestog razreda osnovni škola u Kantonu Sarajevo. Zahvaljujem predsjedavajući.

Predsjedavajući:

Poslovnička intervencija Elmedin Konaković.

Poslanik/zastupnik Elmedin Konaković:

pošto se po Poslovniku utvrđuju tačke dnevnog reda na samoj sjednici shvatio sam namjeru kolege Čelika. Imam molbu za njega i naravno podržavam njegov prijedlog. Slažem se sa ovim dijelom u kojem je govorio o tome da se jedna generacija nakon ne znam koliko šest, sedam generacija koje su imale uredno implementiranu nastavu skijanja na Bjelašnici. Ali da to ne tretiramo tačkom dnevnog reda. Ja ću u okviru budžeta ili ću predložiti da Vlada amandmanom vrati tu poziciju. Ustvari da taj projekat ne zaustavljaju. Ako odemo samo na tačku dnevnog reda, bojim se da suštinski nećemo ništa ni postići. Dobit ćemo informacije a suština se mijenja samo ako u budžetu budu planirana sredstva za ovu namjenu. Mogu planirati manji iznos a onda tokom realizacije preraspodjelama Vlade dopunjavati. Ali podržavam kolegu Čelika. Mislim da bi bila šteta da nakon nekoliko generacija i jedan razred, jedna generacija šestih razreda ne nastavi ovo sa implementacijom ovog projekta.

Predsjedavajući:

Kolega Čelik ostajete li pri ovome ili prihvatate prijedlog zastupnika Konakovića?

Poslanik/zastupnik Mirza Čelik:

Zahvaljujem predsjedavajući. Pa ono što bi bila intencija jeste da Skupština usvoji bar neki zaključak. Evo ja ću moliti kolegice i kolege iz resorno Ministarstvo da pripremi taj zaključak i da Skupština se izjasni o tom prijedlogu zaključka. A to je zaključak da ide u tom smjeru da se ne prekida realizacija nastavnog plana i programa za učenike šestih razreda osnovnih škola u Kantonu Sarajevo. A tiče se škole skijanja na našim planinama. I da se naravno iznađu sredstva za realizaciju istog. A u svakom slučaju morali bi zadužiti i Gras pošto je već kasno za javnu nabavku ili za neki direktni sporazum, mislim da mi možemo kao Skupština zadužiti Gras da u februaru iznađe načina da izvrši prijevoz naših učenika i nastavnika na planine Igman i Bjelašnicu. To bi trebalo zaista napraviti da ima Ministarstvo zaključak koji može realizovati sa KJKP Gras odnosno sa Ministarstvom saobraćaja i ne vidim zaista razloga da jedan takav zaključak ne bi napravili i dali ga pred Skupštinu na usvajanje a evo i roditelji danas koji prate zasjedanje Skupštine Kantona Sarajevo mislim da će biti zadovoljni i

oduševljeni kao i naši učenici šestih razreda. Hvala vam predsjedavajući. Mi vas ne čujemo predsjedavajući.

Predsjedavajući:

Zahvaljujem kolega Čelik. Zastupnik Mahir Dević se prijavio za riječ.

Poslanik/zastupnik Mahir Dević.

Zahvaljujem. Da li se čujemo predsjedavajući? Naravno pridružujem se na samom početku ono što je kolega Zahiragić rekao ovo vezano za ove sjednice online više stvarno postaje degutantno. Posebno to neko političko, kako da ga nazovem, pod navodnim znacima licemjerje u kome smo mi kao zvanično za sjednice da se održavaju redovne jer u cijeloj državi se održavaju, a onda kao ne možemo glasati. Evo mi stalno imamo probleme. Jutros smo izgubili pola sata ovdje zato što nam ne valja Internet u Klubu. To je naše radno mjesto ovdje na koje mi dolazimo. Dobijamo visoke plaće, izuzetno visoke plaće u odnosu na standarde i uslove naših građana i radimo online. Dajte stvarno da se to više prestane i da od ove Skupštine Kantona Sarajevo napravimo instituciju s dignitetom a ne da radimo ovako kako radimo. Predsjedavajući, vas upozoravam vezano sada za ovo usvajanje dnevnog reda, da li postoji pravni osnov za donošenje Budžeta Kantona Sarajevo u prijedlogu? Što se Kluba SDA tiče ovakav pravni osnov ne postoji. Procedura vezano za donošenje budžeta je vrlo jasno pripisana u članu 15 Zakona budžetima FBiH u kojim je eksplicitno propisano koje su to procedure u donošenju budžeta. Naravno nacrt, prijedlog, javna rasprava. Itd. Također u članu 105 istog tog Zakona stoji da su odredbe drugih Zakona i propisa koji su u suprotnosti sa ovim zakonom, da će se primjenjivati ovaj Zakon kao lex specialis Zakon. Prema tome, ne postoji nikakav Kolegij na svijetu, ne postoji nikakva Vlada na svijetu, bila ona Fejsbuk Vlada ili Viber Vlada koja nešto ovako može predložiti. Razumijem s druge strane možda da vi imate potrebu da se ta procedura ubrza, da imate probleme sa ovim ministarstvima na što smo mi vas upozoravali kao Klub SDA na prošloj sjednici Skupštine Kantona Sarajevo. Razumijemo hitnost da dođete do budžeta. Međutim, usvajati Prijedlog budžeta za 2022 godinu a preskočiti.

Predsjedavajući:

Kolega Deviću ja bih vas upozorio mi smo sada na tački dnevnog reda gdje utvrđujemo dnevni red. A imat ćete prilike u raspravi da iznesete svoje mišljenje i svoje stavove. Tako da bih vas zamolio ako imate prijedlog za današnji dnevni red dajte nam. Ako nemate sačekajte kada bude diskusija pa onda diskutujete o hitnoj proceduri.

Poslanik/zastupnik Mahir Dević.

Gospodine Okeriću vi ste tu predsjedavajući ustvari izvinjavam se. Pomiješali ste ja imam prijedlog za izmjenu dnevnog reda, a doću do toga, moram obrazložiti naravno. Znam šta radim. Nemate potrebu da me upozoravate. Naravno ukoliko usvojimo dnevni red mi ćemo u samoj proceduri ovo sve ponoviti. Naravno da ću predložiti. Predložiti ću Vladi Kantona Sarajevo šta da uradi ali moram doći do toga i molim vas nemojte me prekidati i ja se ponašam u skladu s Poslovníkom naravno. Znači u članu 105 tog Zakona koji je federalnog nivoa koji je lex specialis, je kristalno jasno rečeno da se odredbe tog Zakona moraju primjenjivati. U konkretnom prijedlogu kojeg je predložio gospodin Konaković u ime Vlade taj Zakon se krši. Također vas upozoravam predsjedavajući na član 12. stav 6 i 9 Poslovnika o radu Skupštine Kantona Sarajevo. U kojem su jasno propisane vaše dužnosti i nadležnosti. Da ste dužni da ih se pridržavete, pročitajte te stavove, da ih ja ne bih citirao. Član 133 Poslovnika kristalno jasno kaže da je postupak za donošenje Zakona obuhvata nacrt i prijedlog Zakona. S obzirom da je budžet Zakon, on mora proći ovu fazu. Također u članu 137 nacrt se razmatra po isteku od 12 dana a da ne kažemo prijedloge. Tako da ovdje su

pitanja sljedeća. Da li smo mi razmatrali nacrt budžeta Kantona Sarajevo? Nismo. Kako ćemo utvrditi prijedlog budžeta Kantona Sarajevo bez nacрта? Nemoguće je. Prema tome, moj prijedlog za dnevni red je sljedeći. Predlažem predlažaču Vladi Kantona Sarajevo da se današnja tačka dnevnog reda preimenuje i da se zove Nacrt Budžeta Kantona Sarajevo za 2021. godinu, a da utvrdimo Nacrt budžeta svi zajedno zbog hitnosti, važnosti, žurbe. Da ne pravimo od Skupštine Kantona Sarajevo cirkus kršeći zakone propise, procedure. Da skratimo javnu raspravu evo ako treba na sedam dana, i da zakažemo sjednicu za sedam dana na kojoj ćemo utvrditi Prijedlog budžeta za 2021. godinu. Ukoliko vi uradite ovo danas na ovakav način ja mislim da je Skupština Kantona Sarajevo zaista predsjedavajući u potpunosti izgubila smisao i vi ste odgovorni. Pozivam vas ponovo na član 12 stav 6 i 9 da ih pročitate na član 133, na član 105 Zakona o budžetima FBiH. Razumijemo žurbi, potrebu, i sve ostalo, ali nemojte uskraćivati demokratiju u Kantonu Sarajevo. Na ovaj način se suspenduje demokratija u Kantonu Sarajevo. Ako imamo situaciju da 400.000 stanovnika Kantona Sarajevo nije u situaciju da učestvuje u javnoj raspravi od 15 dana već neka interesna grupa od pet, šest, sedam zastupnika to treba da radi. Vi ste dužni da čuvate dignite ove Skupštine. Predlažem da to bude Nacrt budžeta predsjedavajući. To je moj prijedlog.

Predsjedavajući:

Zastupnica Bibija Kerla ima riječ. Izvolite.

Poslanik/zastupnik Bibija Kerla:

Dobar dan svima prisutnim, gledaocima pored TV ekrana. Ustvari meni se čini da sve jedna sjednica ima neki poseban način odnosno režim iz razloga što nije uopšte tema ovog dnevnog reda s obzirom da je bila sjednica migranti. Na ovoj sjednici smo delegirali dnevni red budžet Kantona Sarajevo i mi sada predlažemo nekih desetak, dvanaest tačaka dnevnog reda. Zašto se jednostavno ne pridržavati svaki puta jednog te istog metoda. Imamo toliko vremena. Svo vrijeme ovoga svijeta je naše. Zašto ne održavamo svaki dan sjednice Kolegija? Zašto ne predlažemo tačke dnevnog reda? Zašto Kolegij ne usvoji dnevni red pa ga predloži Skupštini Kantona Sarajevo? Nego jednostavno gubimo, nije stvar vremena, nego jednostavno zamajavao ljude pored TV Ekrana da mi ustvari nešto radimo a mi ustvari.

Predsjedavajući:

Zastupnice Kerla imate li prijedlog današnjeg dnevnog reda?

Poslanik/zastupnik Bibija Kerla:

Pa imam prijedlog da idemo na hitnu sjednicu budžeta i da sve ostalo što je delegirano ide na sjednicu Kolegija i da se održi sjednica što je moguće prije. Hvala prije.

Predsjedavajući:

Ukoliko smatrate da je ovo vaš prijedlog dnevnog reda, možete li nam ga molim vas definisati tačno? Možete napisati u viber grupi. Kolega Konaković prijava. Izvolite imate riječ.

Poslanik/zastupnik Elmedin Konaković:

Hvala predsjedavajući. Pokušat ću zaista kratko da ukažem sa dobrom namjerom da ukažem samo nekoliko sa dobrom namjerom da ukažem samo na nekoliko važnih činjenica usvajanja današnjeg budžeta i apelujem na kolege iz SDA da se ponašamo onako kako govore. U interesu građana Kantona radimo, da shvate situaciju zbog čega je ovaj budžet jako bitan jer mi nismo maliciozno otvorili ovu raspravu. I nismo rekli ono što ja sada moram reći. Dakle ono o čemu govori kolega Dević je propis u članu 15 Zakona o budžetima koji kaže šta je sve Vlada morala uraditi u pripremi budžeta, pa su poznati rokovi iz budžetskog kalendara i to na žalost Vlada SDA nije uradila. Nije problem Fortine Vlade, nego je problem što oni nisu do

15.oktobra, ili možda čini mi se Ministarstvo finansija jeste dostavilo Vladi nacrt budžeta ali od tada se ništa nije desilo. Mi do 01. novembra nismo imali od Vlade utvrđen nacrt budžeta, mi do 05. novembra nismo dostavili nacrt i prateću dokumentaciju parlamentu i mi do 31. decembra nismo donijeli budžet.

paralelno govore predsjedavajući i zastupnik Konaković

Predsjedavajući:

Zastupniče Konaković imamo poslovničku intervenciju zastupnik Dević.

Poslanik/zastupnik Elmedin Konaković:

Nismo htjeli danas da pričamo političke probleme što se na taj način bavimo, evo zamajavamo javnost. Ali je ovo ljudi suština. Govorim kao predlagač u ime tačaka koje su prebitne danas da bi se zbog privrede, zbog zdravstva i zbog svih ostalih hitnih stvari podsjećamo vas.

Predsjedavajući;

Kolega Konakoviću izgleda da ste isključili ton. Poslovnička intervencija Mahir Dević.

Poslanik/zastupnik Mahir Dević:

Čujemo li se predsjedavajući. Ja sam poslovničku intervenciju znači kolega Konaković nam se napričao još 20, 30 rečenica nakon toga. Ne znam da li je to do tehničkih problema ili je namjerno. Kolega Konaković je predložio dnevni red. Ne znam u kojoj formi je dobio ponovo riječ da nam objašnjava šta on želi ili ne želi. Mi nismo utvrdili dnevni red da on nama daje u raspravi obrazloženje zašto je to predložio. Nije tražio repliku, nije poslovničku intervenciju. U kojoj formi je on dobio riječ? Da nam ovo objasnite.

Predsjedavajući:

Imamo prijedloge dnevnog reda i ukoliko više nema prijavljenih. Evo imamo poslovničku intervenciju Elmedin Konaković.

Poslanik/zastupnik Elmedin Konaković:

Hvala predsjedavajući. Jel u redu ton? Čujemo li se? Dakle kao predlagač dvije tačke morao sam odgovoriti na ono što kolega Dević problematizira a prije glasanja kako bih dao argumente za tačke koje sam predložio. Dakle Poslovnik daje pravo da predložimo tačke. Ja sam u ime većine i u ime Vlade da sada ne zamaramo ljude i ne trošimo vrijeme predložio ove dvije tačke. I moram još jednom naglasiti njihovu važnost i hitnost. I još jednom ustvrditi radi stenograma i zapisnika. Apsolutno je sve u skladu s propisima. Da je moguće vratiti vrijeme i da je Vlada Edina Forte mi bi smo u skladu s budžetskim kalendarom predložili sve u rokovima. Evo ne ružimo ni Nenadića ni tu Vladu, ne pravimo političku priču, jer je ta Vlada odlazila. Evo sve je OK. I nismo tome dali političku. Pozivam vas još jednom da se ne igrate danas politike.

Predsjedavajući:

Imamo poslovničku intervenciju Mahir Dević.

Poslanik/zastupnik Elmedin Konaković.,

Nemojte mi prekidati moju poslovničku intervenciju. Šta Dević galami, ruži, on uzima otima riječ.

Predsjedavajući:
Imamo poslovničku intervenciju Mahir Dević.

Poslanik/zastupnik Elmedin Konaković:

Ja nisam bio završio svoju poslovničku intervenciju. Dakle Poslovnik mi daje kao predlagачu pravo da objasnim tačke koje je problematizirao kolega Dević. I ne može on prekidati poslovničku intervenciju, poslovničkom intervencijom. Kada ja završim, koliko god njemu smetalo, vidim da mu smeta. Neka se malo koncentriše. E sada da vam kažem, vaša nesposobna Vlada nije usvojila sve što je trebala. I vi bi ste danas zaustavili i privredu i zdravstvo, obrazovanje i sve procese. Nećete tako moći.

Predsjedavajući:
Hvala. Izvolite kolega Dević.

Poslanik/zastupnik Mahir Dević:

Predsjedavajući kolega je tražio poslovničku intervenciju i pitam koji član Poslovnika je povrijeđen i na bazi čega mu dajete ponovo riječ da on diskutuje ovdje i da galami. Tu galamu nek ostavi za neke druge adrese. Kolega je predložio tačke dnevnog reda obrazložio je i u kojoj formi vi njemu dajete riječ dva puta.

Predsjedavajući:
Kao što sam dao i vama da obrazložite i vi svoje. I pravili ste puno duži uvid.

Poslanik/zastupnik Mahir Dević.

Ja sam obrazložio i dao prijedlog i završio svoju priču kao što je i kolega obrazložio i onda nakon toga vi njemu ponovo dajete objašnjenje, pa mu dajte ponovo monolog i recitaciju, pa mu dajete nepostojeću poslovničku intervenciju.

Predsjedavajući:
imamo ispravku krivog navoda zastupnik Zahiragić. Izvolite zastupniče Zahiragiću.

Poslanik/zastupnik Mahir Dević:

Odgovorite mi koji član Poslovnika je povrijeđen kada je tražio kolega Konaković. Tražite mu koji član Poslovnika drugi put kada se javi. I nemojte da galami na nas, prepada nas. Hvala lijepa.

Poslanik/zastupnik Haris Zahiragić:

Nisam imao namjeru da se javljam predsjedavajući, no međutim s obzirom da je kolega Konaković prilikom svoje diskusije u poslovničkoj intervenciji iznio niz neistina moram samo ispraviti neke od navoda. Kazao je nesposobna Vlada. Ja s druge strane mislim da je to najsposobnija Vlada koju je ovaj Kanton imao u posljednjih deset godina. S druge strane nije ni istina da je Vlada Kantona Sarajevo pod vodstvom Marija Nenadića i Ministarstvo finansija pod vodstvom gospodina Halebića nije ostavila ovoj Vladi budžet pripremljen. Druga stvar jeste da ova Vlada nije htjela utvrditi Nacrt budžeta da bi ova Vlada nova, pošto je najavljena, ne bi bila robom našim ili stavki te Vlade. Jer ova Vlada ima svoju politiku i ranija Vlada im je dozvolila da oni prave budžet. Kada se zakasnilo sa svim tim kalendarima onda je usvojena Odluka o privremenom finansiranju, koja traje do 31. marta tako da karakter hitnosti u kontekstu neophodnosti usvajanja budžeta se ne može povoditi tim da nisu ispoštovani kalendari, jer svakako kalendari nisu ispoštovani. A kada se oni ne ispoštuju onda ide privremeno finansiranje. E sada predsjedavajući druga stvar i druga tema potpuno je zbog čega kada smo mi upozoravali da se ne razdvajaju Ministarstva, da ćemo imati ovaj problem

danas, ste vi to ignorisali. To je skroz nova tema i to ćemo kroz diskusiju. I na kraju, molim vas predsjedavajući, molim gospodina Konakovića, podizanje tona i dizanje prstiju mu ne daje na snazi argumenata. Ja ne znam gdje je on naučio tako da govori i kome to prolazi. Ovdje to ne može proći. Molim ga da poštuje svoje kolege zastupnike i kolegu Devića i vas i cijelu Skupštinu i građane Kantona Sarajevo. Ukoliko ćemo galamiti, možemo mi svi galamiti i nećemo ništa postići. Građanima je dosta galame. Hoće rezultate rada i dobili ste povjerenje i radite. Hvala.

Predsjedavajući:

Hvala kolega Zahiragiću. Poslovnička intervencija, Bibija Kerla.

Poslanik/zastupnik Bibija Kerla.

Pa mene interesuje ima li ova Skupština svoju Vladu? Zašto neko iz Vlade kao npr premijer ili ministar finansija nije predložio ovu tačku dnevnog reda. Ja mislim da bi smo izbjegli sve ove tačke koje se sada trenutno dešavaju između SDA i NiP. Nemam ništa protiv što je to predložio Dino Konaković. A zašto nije predložio premijer. Skupština očekuje od Vlade Kantona Sarajevo da ona da svoj prijedlog. Hvala lijepo.

Predsjedavajući.

Zahvaljujem se zastupnice Kerla.

S obzirom da se predlaže razmatranje zakona po hitnom postupku, u skladu s odredbama člana 161. Poslovnika Skupštine Kantona Sarajevo o prijedlozima zakona po hitnom postupku, Skupština odlučuje kao o prethodnom pitanju prije utvrđivanja dnevnog reda sjednice.

Stoga u okviru prethodnog postupka prelazimo na Prijedlog Budžeta Kantona Sarajevo za 2021.godinu, po hitnom postupku.

Molim predstavnika Predlagača da obrazloži razloge donošenja Prijedloga Budžeta po hitnom postupku? Molim službu da uključite premijera.

Premijer Edin Forto:

Dobar dan svima. Ministar finansija ministar Čičić će obrazložiti naš zahtjev da se ova dva Zakona raspravljaju po hitnom postupku u prijedlogu. Ministre izvolite.

Ministar Davor Čičić:

Dobar dan svima. Poštovani predsjedavajući. Poštovane zastupnice i zastupnici, članovi Vlade i gledaoci ispred malih ekrana. Izrada Nacrta budžeta Kantona Sarajevo za 2021 godinu je počela 15.07.2020. donešen je budžetska konstrukcija broj 2. izrada zahtjeva za dodjelu sredstva iz budžeta Kantona Sarajevo za 2021 od strane Ministarstva finansija Kantona Sarajevo. Ministarstvo finansija je 15.07.2020 dostavilo svim budžetskim korisnicima budžetske instrukcije broj 2 sa rokom dostave zahtjeva za odobrenje budžetskih rashoda do 15.08.2020. obzirom da svi budžetski korisnici nisu ispoštovali krajnji rok za dostavu svojih zahtjeva za odobrenje budžetskih rashoda, Ministarstvo finansija je dana 31.08.2020.godine uputilo urgencije za dostavljanje budžetskih zahtjeva. Kako ni nakon toga svi budžetski korisnici nisu dostavili svoje zahtjeve, dana 28.09.2020.godine Ministarstvo finansija uputilo je drugu urgenciju za dostavljanje budžetskih zahtjeva. Ministarstvo finansija je u zakonskom roku obavilo konsultacije, razgovore sa resornim ministrima i odgovornim rukovodiocima organa uprave na kojima su razmatrani dostavljeni zahtjevi kao i zahtjevi za dodatnim sredstvima iz budžeta. Ministarstvo finansija je 15.10.2020.godine dostavilo Nacrt budžeta Kantona Sarajevo za 2021 godinu Vladi Kantona Sarajevo na utvrđivanje. Nacrt budžeta Kantona Sarajevo za 2021 iznosio je 911. 013.384 KM i sadržavao je elemente iz člana 25.

Zakona o budžetima u FBiH i to: detaljan prikaz svih javnih prihoda i primitaka budžeta utvrđenih u članovima 10., 11 ovog Zakona. Rashode i izdatke svakog budžetskog korisnika iskazane po kategorijama, podkategorijama, glavnim grupama, projektima, izvorima finansiranja. Prijedlog rasporeda budžetskog suficita odnosno izvora za finansiranje budžetskog deficita. Vlada Kantona Sarajevo u ranijem sazivu nije razmatrala pripremljeni Nacrt budžeta Kantona Sarajevo iz razloga koji nama nisu poznati. Skupština Kantona Sarajevo na sjednici održanoj 05.01.2021.godine imenovala novi saziv Vlade Kantona Sarajevo. Vlada Kantona Sarajevo je na sjednici održano 14.01.2021.godine a usljed činjenice da su protekli rokovi za usvajanje budžeta u okviru redovnog zakonsko propisane procedure a prema kojim se Nacrt budžeta za narednu godinu dostavlja Skupštini do 05.11. ali iz razloga hitnosti zbog epidemije covid-19 donijela zaključak broj:02-04-1209-1/21 kojim se nalaže Ministarstvu finansija Kantona Sarajevo da izradi Prijedlog budžeta Kantona Sarajevo za 2021 godinu. Razlog leži u činjenici da je prema trenutno važećoj Odluci o privremenom finansiranju budžetskim korisnicima otvorena mogućnost budžetskim korisnicima otvorena mogućnost utroška sredstva u prvom kvartalu godine, koji usljed.

Predsjedavajući:

Ja se izvinjavam, imamo poslovničku intervenciju.

Poslanik/zastupnik Haris Zahiragić:

Može i na vas poslovnička intervencija uvaženi premijeru čuli smo vas. Dakle ukoliko je gospodin Konaković formalno predložio tačku dnevnog reda kao zastupnik onda je on predlagač, onda bi on trebao obrazlagati. Dogovorite se da li je gospodin Konaković ili Vlada predlagač i ko je premijer uostalom dogovorite se i to. Imate problem ponovo kao i kada je Vlada šestorke bila da dogovorite ko je premijer. Meni se čini da je gospodin Konaković opet premijer. Hvala vam.

Predsjedavajući:

Hvala gospodine Zahiragiću. Ministre nastavite.

Ministar Davor Čičić:

Razlog leži u činjenici da je prema trenutno važećoj Odluci o privremenom finansiranju budžetskim korisnicima otvorena mogućnost utroška sredstva u prvom kvartalu godine koja usljed pada prihoda u Kantonu Sarajevo, a zbog pandemije covid-19 moguće da neće imati ovu likvidnost Kantona.

Predsjedavajući:

Ministre oprostite molim vas opet poslovnička intervencija Elmedin Konaković.

Poslanik/zastupnik Elmedin Konaković:

Predsjedavajući, izvinjavam se zaista ministre vama, izvinjavam se cijeloj Vladi. Gospodine Zahiragiću šokirate nas svojim nepoznavanjem propisa. Potpuno je suprotno i dva su različita pojma: predlagač materijala i uvodničar i predlagač tačke dnevnog reda. Da li je moguće da vi to ne znate? Dakle, predlagač tačke dnevnog reda sam danas formalno bio ja jer se na hitnoj sjednici to može i to kaže Poslovnik i pozivam se na tu tačku Poslovnika. Šta kada je Kolegij predlagač dnevnog reda jel Kolegij uvodničar po tačkama? Naravno da nije jer premijer i ministar finansija u ime Predlagača obrazlažu Zahiragiću. Kako je moguće da to ne znate? Zaista (nerazumljivo).

Predsjedavajući:

Ispravka krivog navoda. I ukoliko bude ovo se zloupotrebljavalo da znate da ću vam oduzeti riječ.

Poslanik/zastupnik Haris Zahiragić:

Nema zaista potrebu gospodine Okeriću da zloupotrebljavam nego naravno da imam potrebu da ne dozvolim gospodinu Konakoviću da mene uči propisima. Dakle on nakon godina i godina koje sjedi u ovoj Skupštini, nakon što je vodio Vladu. Evo treći put je vodi trebao bi da zna da je ovo rasprava o hitnosti. Dakle mi raspravljamo i obrazlažemo prethodno pitanje koje nije Vlada utvrdila neko Kolegij. I on je uzeo da ispred Kolegija to govori itd. Gospodinu Konakoviću molim vas čitajte Poslovnik o radu, pročitajte bilo šta drugo osim Poslovnika o radu, jer vi očito imate tri, četiri kasete i pustite play i samo znate vrijeđati. Znam ja gospodine Konakoviću vrlo dobro iako sam ovdje tek mjesec dana.

Predsjedavajući:

Kolega Zahiragiću hvala vam. Hvala vam. Nastavite uvaženi ministre. Oprostite.

Ministar Davor Čičić:

Svjetska zdravstvena organizacija je dana 11.03.2020.godine proglasila pandemiju novog covid-19 u svijetu. U navedenim okolnostima te prepoznajući složenu situaciju nastalu usljed pandemije covid-19 a u cilju poduzimanja preventivnih mjera u borbi protiv iste, kao sanacije posljedica nastalih po privredne subjekte pristupilo se hitnoj izradi Prijedloga budžeta Kantona Sarajevo za 2021 godinu čime su ispunjeni uslovi iz Poslovnika koji propisuju hitnu proceduru. Ministarstvo finansija je sačinilo prijedlog budžeta Kantona Sarajevo u iznosu od 909.511.114 KM i istu dostavilo Vladi Kantona Sarajevo 21.01.2021.godine na utvrđivanje. Vlada Kantona Sarajevo je na sjednici održanoj 26.01.2021.godine razmatralo Prijedlog budžeta Kantona Sarajevo za 2021godinu i procijenila da će u narednom periodu usljed oporavka privrede doći do blagog porasta prihoda. I zbog naprijed navedenog Vlada Kantona Sarajevo je uvećala Prijedlog budžeta Kantona Sarajevo te isti utvrđen na iznos od 974.200.500 KM. I proslijeđen je u skupštinsku proceduru. To bi bilo naše obrazloženje.

Premijer Edin Forto:

Predsjedavajući, mogu li ja kratko?

Predsjedavajući:

Naravno, imate riječ izvolite.

Premijer Edin Forto:

Znači samo da pojednostavimo. Kolegij Skupštine je donio odluku o održavanju hitne sjednice. Na samoj sjednici se utvrđuje dnevni red. Kada se utvrdi dnevni red, ide se na način kako se zakoni usvajaju hitna procedura kako smo mi tražili. Ovo je bilo obrazloženje o hitnoj proceduri iz Vlade. Ako nekome nešto nije jasno ja ne razumijem zašto. Ali molim vas da pređemo na tačku dnevnog reda jer dok se vi raspravljate oko ovih, ja bih mogao reći čak i trivijalnih stvari, u ovom trenutku ljudi čekaju budžetski korisnici čekaju, ogromni iznosi koje smo pripremili za povrat privredi čekaju jer dok mi raspravljamo ljudi doslovno ostaju bez radnih mjesta. Molim vas samo da budemo malo konstruktivniji, jer ovako kako je krenulo mi ne znam kada će se ovo završiti. Hvala vam.

Predsjedavajući:

Zahvaljujem se premijeru. Mi se moramo izjasniti o ovim tačkama o njihovoj hitnoj proceduri ove prve dvije tačke koje je zastupnik Elmedin Konaković naveo, tako da ne možemo još uvijek usvojiti dnevni red. Imamo li prijavljenih za?

Da li predstavnici radnih tijela žele riječ? Ima li pitanja? Otvaram raspravu. Ukoliko se niko više ne javlja za raspravu zaključujem raspravu.

Molim zastupnike da pristupe izjašnjavanju da se Prijedlog Budžeta Kantona Sarajevo za 2021.godinu donese po hitnom postupku.

Zamolio bih službu da formira anketu a zastupnice i zastupnike da se izjasne. Zaključujem glasanje. Molim službu da nam objave rezultate.

ZA JE GLASALO 22 ZASTUPNIKA, PROTIV 6 I SUZDRŽANO 3.

Konstatujem da je Skupština usvojila Prijedlog da se Budžet Kantona Sarajevo za 2021.godinu donese po hitnom postupku.

Kao drugi materijal u okviru prethodnog postupka je Prijedlog Zakona o izvršavanju Budžeta Kantona Sarajevo za 2021.godinu, po hitnom postupku.

Molim predstavnika Predlagača da obrazloži razloge donošenja ovog Prijedloga zakona po hitnom postupku? Predstavnik Vlade, premijer ili ministar, imate riječ. Izvolite.

Ministar Davor Čičić:

Zahvaljujem. Znači obrazloženje je u biti isto kao i za Budžet Kantona Sarajevo, obrazloženje hitnosti podrazumijeva se da je isti način da ne čitamo ponovo. Predlažemo da se usvoji kao i za Prijedlog budžeta.

Predsjedavajući:

Zahvaljujem se ministre. Da li predstavnici radnih tijela žele riječ? Ima li pitanja? Otvaram raspravu. Ukoliko se niko ne javlja za raspravu zaključujem raspravu.

Molim zastupnike da pristupe izjašnjavanju da se Prijedlog Zakona o izvršavanju Budžeta Kantona Sarajevo za 2021.godinu donese po hitnom postupku.

Također molim službu da obezbijedi uslove za glasanje. Evo imate anketu, izvolite. Možete glasati. Zaključujem glasanje. Molim službu da objavi rezultate.

ZA JE GLASALO 23 ZASTUPNIKA, PROTIV 6 I SUZDRŽANO 4.

Konstatujem da je Skupština usvojila Prijedlog da se Zakon o izvršavanju Budžeta Kantona Sarajevo za 2021.godinu donese po hitnom postupku.

S obzirom da smo imali od strane zastupnika Zahiragića i Čelika prijedlog za tačke dnevnog reda i zastupnice Neire Dizdarević, a sada predlažem zastupnicima da se izjasnimo o Prijedlogu tačke dnevnog reda zastupnice Neire Dizdarević koja glasi:

Prijedlog Rezolucije o prevenciji i suzbijanju uznemiravanja na osnovu spola i seksualnog uznemiravanja i nasilja u Kantonu Sarajevo.

Molim službu da objavi anketu. Molim zastupnike da se izjasne. Zaključujem glasanje, molim službu da objavi rezultate.

33 ZA, protiv ništa i suzdržanih ništa.

Konstatujem da je ovaj prijedlog za tačku dnevnog reda uvršten u današnji dnevni red.

Zatim stavljam na glasanje inicijativu za održavanje sjednica uživo, na prijedlog zastupnika Zahiragića.

Molim službu da objavi anketu i zastupnike da se izjasne. Zaključujem glasanje. Molim

službu da objavi rezultate.

Za je glasalo 16, protiv 11, suzdržanih 4.

Konstatujem da ova inicijativa ne može biti uvrštena u današnji dnevni red.

Evo imamo poslovničku intervenciju Mahira Devića koji traži pojedinačno izjašnjavanje po ovoj tački.

Molim sekretara da sjedne na moje mjesto i da prozove zastupnike.

Sekretar Skupštine Aida Zeković:

Dobar dan svima molim da se izjasnite

- | | | |
|-----|----------------------------|-------------------|
| 1. | Aljović Hamed | ZA |
| 2. | Bešlija Vildana | PROTIV |
| 3. | Bišćević-Tokić Jasmina | ZA |
| 4. | Čampara Aljoša | PROTIV |
| 5. | Čelik Mirza | ZA |
| 6. | Delalić Sabahudin | OPRAVDANO ODSUTAN |
| 8. | Dević Mahir | ZA |
| 9. | Dizdarević Neira | PROTIV |
| 10. | Duraković Jasna | ZA |
| 11. | Handžić Vibor | PROTIV |
| 12. | Hasagić Amra | ZA |
| 13. | Hasanović Senad | ZA |
| 14. | Hodžić Admela | PROTIV |
| 15. | Jakupović Vedran | PROTIV |
| 16. | Junuzović-Kaljić Amra | PROTIV |
| 17. | Kerla Bibija | ZA |
| 18. | Konaković Elmedin | PROTIV |
| 19. | Krstić Danijela | PROTIV |
| 20. | Marić Zvonko | ZA |
| 21. | Marjanović Damir | SUZDRŽAN |
| 22. | Mekić Amel | PROTIV |
| 23. | Memić Arijana | PROTIV |
| 24. | Milavica Sead | SUZDRŽAN |
| 25. | Nikšić Damir | ZA |
| 26. | Okerić Elvedin | PROTIV |
| 27. | Pecikoza Fahrudin | PROTIV |
| 28. | Pleho Haris | ODSUTAN |
| 29. | Poturak Dževad | ZA |
| 30. | Srna- Bajramović Segmedina | ZA |
| 31. | Stojanović Igor | PROTIV |
| 32. | Suljević Samir | ZA |
| 33. | Šahman Bilsena | SUZDRŽANA |
| 34. | Viteškić Smiljana | ZA |
| 35. | Vreto Elvis | SUZDRŽAN |
| 35. | Zahiragić Haris | ZA |

Predsjedavajući:

Nakon pojedinačnog izjašnjavanja za je glasalo 15, 14 protiv i suzdržano 4.
konstatujem da ova tačka nije uvrštena u današnji prijedlog dnevnog reda.

Kolega Čelik da li želite da pročitam zaključak koji ste naveli maloprije, s obzirom da ste se prijavili. Hoćete li da kažete?

Poslanik/zastupnik Mirza Čelik:

Poštovani predsjedavajući ako mi dozvoljavate.

Predsjedavajući:

Možete, imate riječ. Bilo je nekih tehničkih problema nismo vas čuli.

Poslanik/zastupnik Mirza Čelik:

Zahvaljujem predsjedavajući. Pa ja bih prije svega molio, evo ja sam poslao u viber grupu, a znači ta bi tačka glasila kao što sam već poslao, vrlo kratko radi stenograma i radi javnosti znači

Informacija o realizaciji škole skijanja za VI razrede osnovnih škola u Kantonu Sarajevo. I molio bih da ova tačka bude broj 1 jer bi ostavili mogućnost i Ministarstvu jednom i drugom da kada usvojimo ovaj zaključak, ako naravno bude tačka uvrštena u dnevni red i ako se usvoji ovaj prijedlog zaključka da mogu istog momenta reagovati i napraviti sve što je potrebno za organizaciju škole skijanja. Ja sam taj zaključak, ta bi tačka trajala bukvalno vrlo kratko. Evo imamo prijedlog zaključka ja ću ga pročitati:

da se zadužuje ministarstvo za odgoj i obrazovanje Kantona Sarajevo da nastavi sa realizacijom nastavnog plana i programa iz predmeta tjelesni i zdravstveni odgoj i realizuje u toku školovanja za učenike VI razreda OŠ u zimskom periodu na uređenim skijalištima u Kantonu Sarajevo. Škole će direktnim sporazumom angažovati predviđeni broj autobusa za prijevoz djece.

Ja sam maloprije kontaktirao Kazazović Elvira koji je bio ministar resornog Ministarstva i kazao je da je to u prvoj godini kada je taj Zakon i donesen, odnosno nastavni plan i program da je u prvoj godini ovako bila realizacija nastavnog plana i programa, da su indirektno dodijelili sredstva školama a oni su putem direktnih sporazuma do 2000 KM, mogu direktne sporazume, tako da ne bi bilo problema za realizaciju ovog projekta. Evo zahvaljujem predsjedavajući i molit ću da bude tačka dnevnog reda ukoliko se uvrsti za današnju sjednicu Skupštine. Hvala.

Predsjedavajući:

Kolega Čelik ja bih samo molio da ako možete ovaj svoj prijedlog pošaljete u skladu sa praksom na mail kako bi zastupnici mogli vidjeti i nije problem da možemo da stavimo na izjašnjavanje.

Kolega Čelik da li slažete da naziv današnje tačke glasi:

Skupština donosi zaključak da se ne prekida realizacije škole skijanja za VI razrede OŠ u Kantonu Sarajevo.

Poslanik/zastupnik Mirza Čelik:

Predsjedavajući ja se izvinjavam ako mi dozvoljavate. Znači nije problem ali evo u sklopu informacije o realizaciji škole skijanja za VI razrede osnovnih škola možemo ovaj zaključak i mislim da ne bi ništa bilo sporno. Znači da se tačka zove Informacija o realizaciji škole skijanja za VI razrede OŠ. Znači vrlo jednostavno a prijedlog zaključka sam u grupu evo sada ću proslijediti na mail sekretara Skupštine. Tako da bi vrlo kratko ta tačka dnevnog reda trajala. Ja neću ni uvodne napomene iznositi već ćemo samo razmatrati ovaj prijedlog zaključka, ukoliko neko od kolega i kolegica ima prijedlog dopune ovog zaključka, evo ima u viber grupi pa možemo sumirati. Molim stručnu službu ako može ovo proslijedi zastupnicima na mail. Hvala vam.

Predsjedavajući:
Poslovnička intervencija Elmedin Konaković.

Poslanik/zastupnik Elmedin Konaković:
Samo još jednom da podsjetim iako na samoj sjednici utvrđuje dnevni red kako Poslovnik kaže ipak postoji neki normativ koji po važnosti selektiraju tačke. Ni u kom slučaju ne bih podržao bilo što (nerazumljivo) kao tačka broj 1. prije Zakona. Prije budžeta i Zakona o izvršavanju budžeta. Molim kolegu Čelika da odustane barem od tog zahtjeva. Ako bi onda bi se mogla skupiti većina da podrži.

Predsjedavajući:
Molim zastupnike da se izjasne i službu da pripremi anketu Informacija o realizaciji škole skijanja za VI razrede osnovnih škola u Kantonu Sarajevo.

Poslovnička intervencija kolega Čelik.

Poslanik/zastupnik Mirza Čelik:
Zahvaljujem predsjedavajući. Evo svakako podržavam prijedlog znači i po metodologiji za dnevni red ova tačka bi zaista trebala ići poslije Prijedloga budžeta, odnosno poslije Zakona. Predlažem da bude poslije ova dva Zakona. Hvala.

Predsjedavajući:
Zaključujem glasanje. Molim službu da objave rezultate.
Za je glasalo 33, pardon, za je glasalo 30. suzdržanih i protiv nije bilo.
Konstatujem da je ova tačka na prijedlog zastupnika Mirze Čelika uvrštena na današnji dnevni red.

NAKON NAPRIJED RAZMATRANOG, PRIJEDLOG DNEVNOG REDA DANAŠNJE, 16. HITNE SJEDNICE, GLASI:

1. Prijedlog Budžeta Kantona Sarajevo za 2021.godinu – hitni postupak,
2. Prijedlog Zakona o izvršavanju Budžeta Kantona Sarajevo za 2021.godinu – hitni postupak,
3. Prijedlog Rezolucije o prevenciji i suzbijanju uznemiravanja na osnovu spola i seksualnog uznemiravanja i nasilja u Kantonu Sarajevo,
4. Informacija o realizaciji škole skijanja za šeste razrede osnovnih škola u Kantonu Sarajevo.

Molim službu da uspostavi anketu za glasanje i zastupnice i zastupnike da se izjasne.
MOLIM ZASTUPNIKE DA SE IZJASNE O PREDLOŽENOM DNEVNOM REDU.
ZA JE GLASALO 27 ZASTUPNIKA, PROTIV 1 I SUZDRŽANO 4.

KONSTATUJEM DA JE SKUPŠTINA ZA 16. HITNU SJEDNICU SKUPŠTINE KANTONA SARAJEVO USVOJILA DNEVNI RED, KAKO JE I PREDLOŽEN.

AD - 1.

PRIJEDLOG BUDŽETA KANTONA SARAJEVO ZA 2021.GODINU – HITNI POSTUPAK

Molim Predlagača da podnese uvodne napomene. Predstavnik Vlade, izvolite, imate riječ.

Ministar Davor Čičić:

Materijali vezani za obrazloženje Prijedloga budžeta Kantona Sarajevo za 2021 godinu ste dobili u puno opširnije obliku. Ja ću pokušati da budem koncizan i da prvo obrazloženje sumiram prema najbitnijim stavkama. Prije svega prihodovna strana Budžeta Kantona Sarajevo za 2021 planirana je u manjem iznosu na Budžet 2020 zbog novonastale situacije izazvane pandemijom covid-19. Ostali porezni i neporezni prihodi koji pripadaju Kantona Sarajevo su planirani na osnovu trenda ostvarenja u protekloj godini u kojoj je priliv prihoda bio izuzetno umanjen usljed pandemije covid-19 koja je pogodila cijelu državu a samim tim i Kanton Sarajevo. Vlastiti prihodi, namjenski prihodi, donacije i transferi su oni planirali budžetski (nerazumljivo) u skladu s Instrukcijama broj 2i DOB-a od 2021 do 2023 godine. Ministarstvo finansija Kantona Sarajevo u skladu sa projiciranim prihodima i u skladu sa zakonom o budžetima u FBiH, uravnotežilo prihodovnu i rashodovnu stranu budžeta. Prijedlog budžeta Kantona Sarajevo u skladu sa članom 33 stav 1) Zakona o budžetima FBiH poslan je na mišljenje Federalnom Ministarstvu finansija. Na sjednici Vlade Kantona Sarajevo 26.01.2021 utvrđen je Prijedlog budžeta Kantona Sarajevo za 2021.godinu u iznosu 974.200.500 KM. Prihodovna strana Prijedloga budžeta Kantona Sarajevo za 2021 od 974.200.500 KM po vrstama prihoda i primitaka predstavljena je kako slijedi: posmatrajući račun prihoda uslijedile su značajne izmjene u odnosu na 2020 godinu i na prihoda na osnovu direktnih i indirektnih poreza. Što se može vidjeti iz najznačajnijih prihoda Budžeta Kantona Sarajevo. Prihod od poreza nad obit preduzeća, prihodi od poreza na dohodak, prihodi od indirektnih poreza, koji pripadaju Kantonu Sarajevo, su uvršteni u Prijedlog budžeta u skladu sa revidiranim projekcijama javnih prihoda Federalnog Ministarstva finansija broj 05-12-5-5361-2/20 od 29.10.2020.godine. Vlada Kantona Sarajevo je na sjednici od 26.01.2021 godine odlučila povećati prihodovnu stranu budžeta u iznosu od 64.689.376 KM. Pozicije ostali povrat povećana je za 4 miliona KM na ime povrata neutrošenih sredstava od Privredne komore Kantona Sarajevo na osnovu javnog poziva za dodjelu sredstava za finansiranje dijela minimalne mjesečne neto plaće u FBiH za mjesec juni i juli 2020.godine jer je Ministarstvo privrede Kantona Sarajevo u decembru 2020.godine prebacilo 8 miliona KM na račun Privredne komore Kantona Sarajevo na ime navedenog javnog poziva. Budući da je obračun u toku, procjenjujemo da će ostati 4 miliona KM koje će Privredna komora Kantona Sarajevo vratiti u Fond za pomoć privredi. Prihodi od indirektnih poreza koji pripadaju Kanton Sarajevo povećani su za iznos od 45.378.686 KM u odnosu na revidirane projekcije javnih prihoda Federalnog Ministarstva od 29.10.2020 tj (nerazumljivo) to je iskorišteno u izradi Prijedloga budžeta Kantona Sarajevo za 2021.godine. Naime u godini (nerazumljivo) pojavila se doza optimizma da će stanje u privredi značajno revitalizirati u narednih 12 mjeseci. U narednom periodu viši organi vlasti u BiH, država i entiteti trebali bi implementirati mjere koje treba da pomognu lokalnoj privredi u post pandemijsko vrijeme. U skladu sa navedenim Vlada Kantona Sarajevo je zauzela stav da će prihodi od indirektni poreza biti ostvareni u većem iznosu od precijenjenih jer će isti koji su u 2020 godini doživjeli pad usljed lock down u mjesecu aprilu i maju, biti ostvareni uz pretpostavku da u 2021 godini neće biti lock down. Za smanjenje naknada za korištenje opće korisnih funkcija šuma u iznosu od 2.500.000 najavljena su nova smanjenja parafiskalnih nameta privrednim subjektima u Kantonu Sarajevo. Kao i subvencioniranje i otvaranje novih podrška privrednim aktivnostima kroz odgovarajuće programe Ministarstva privrede. U tekućim transferima na razdjel Ministarstva privrede Kantona Sarajevo uvršten je poprilično izvjestan tekući transfer Federacije iz paketa makro finansijske pomoći EU, koji predstavlja finansijsku pomoć za ublažavanje posljedica pandemije corona virusa a koji prvobitno nije predviđen (nerazumljivo) Kantona Sarajevo za 2021. godinu. Prijedlog budžeta Kantona Sarajevo za 2021 poredeći ukupne planirane prihode i primitke je manji za 14,19% u odnosu

na usvojene izmjene i dopune budžeta Kantona Sarajevo za 2002.godinu u kojima su sadržani i razgraničeni prihodi i primici budžetskih korisnika iz 2019 u 2020 godinu u iznosu od 132. (nerazumljiv)49.813 KM. Usljed smanjenja računa prihoda u 2021 godini došlo je do potrebe za zaokruživanjem te račun finansiranja budžeta Kantona Sarajevo za 2021 godinu planiran je u iznosu od 97.686.824 KM. Neporezni prihodi, prihodi preduzetničke aktivnosti, imovine, naknade i takse, prihodi od sopstvenih djelatnosti, neplanirane uplate kao i novčane kazne planirane su u iznosu 115.741.680 KM. Razlog smanjenja ove grupe prihoda je da u odnosu na Budžet Kantona Sarajevo za 2020.godinu u budžetu Kantona Sarajevo za 2021 godinu nisu uvršteni razgraničeni prihodi iz 2020 godine koji će biti poznati tek nakon izrade završnog računa budžeta Kantona Sarajevo za 2020.godinu. Ukupno planirani prihodi u iznosu od 974.900.500 KM raspoređeni su na rashodnoj strani prijedloga budžeta Kantona Sarajevo za 2021 godinu kako slijedi:

pojedinačno svaka pozicija rashoda utvrđena je na sljedeći način:

plaće i naknade troškova zaposlenih i doprinosi poslodavaca su planirane od strane svakog budžetskog korisnika u okvirima odobrenih gornjih granica rashoda koje je usvojila Vlada Kantona Sarajevo.

Procjena bruto plaća, predviđa osnovicu od 315 KM koja je planirana za isplatu bruto plata u 2021.godini. U skladu sa navedenim prijedlog budžeta Kantona Sarajevo za 2021.godinu planiran je u iznosu (nerazumljivo) na poziciji bruto plaća, naknada i doprinosa. Broj zaposlenih u prijedlogu budžeta Kantona Sarajevo za 2021 godinu iznosi 14.014 zaposlenih. Nije došlo do povećanja ukupnog broja zaposlenih u odnosu na 2020 godinu, međutim kada se uzme u obzir činjenica da je u javnoj ustanovi Djeca Sarajeva broj zaposlenih povećan zbog otvaranja novih vrtića može se konstatovati da je došlo do smanjenja planiranog broja zaposlenih kod ostalih budžetskih korisnika.

Izdaci za materijal i usluge su planirani u iznosu 89.203.875 KM u skladu sa potrebama budžetskih korisnika. U ovu grupu izdataka spadaju: putni troškovi, izdaci za energiju, izdaci za edukaciju i komunalne usluge, nabavke materijala i sitnog inventara, izdaci za usluge prevoza i goriva, unajmljivanja imovine, opreme, nematerijalne imovine, izdaci za tekuće održavanje, izdaci osiguranja, bankarskih usluga i usluga platnog prometa, i ugovorene i druge posebne usluge. Kao značajniji izdaci unutar ove grupe rashoda izdvajaju se: izdaci za materijal i usluge UNSA koji su neophodni za normalno funkcioniranje visokoškolskih ustanova u iznosu od 22.375.219 KM od čega 6.518.483 KM su budžetska sredstva izvor 10. izdaci za materijal i usluge Ministarstva komunalne privrede i infrastrukture, prostornog uređenja, građenja i zaštite okoliša iznose 5.823.574 KM budžetskih sredstava izvor 10. od čega se 5.500.100 KM odnosi na izdatke za energiju, odnosno održavanje javne rasvjete. Tekući transferi su planirani prioritarno u skladu sa zakonskim obavezama i u skladu sa realnim mogućnostima prijedloga budžeta Kantona Sarajevo za 2021 godinu i iznose 235.489.308 KM. U tekuće transfere spadaju tekući transferi drugih nivoa vlasti, fondova, tekući transferi pojedincima, tekući transferi neprofitnim organizacijama, subvencije javnih preduzećima, subvencije privatnim preduzećima i poduzetnicima, tekući transferi u inostranstvu i drugi rashodi. Svako od navedenih pozicija pojedinačno po resornim ministarstvima imate u obrazloženju prijedloga budžeta. Izdaci za obaveze po kreditima i otplate dugova planirani su iznosu od 25.286.025 KM. Iznos izdataka za obaveze po kreditima i otplate dugova izračunate na osnovu otplatnih planova za ino i domaće kredite kao i procjene za planirano zaduživanje u 2021 godini. Kapitalni rashodi sastoje se iz kapitalnih transfera, izdataka za nabavku stalnih sredstava koji čine kapitalni budžet Kantona Sarajevo i iznose 150.552.892 KM. Kapitalne transfere i izdatke također pojedinačno po resornim ministarstvima imate detaljno u obrazloženju prijedloga budžeta. Glavne stavke po resorima i razdjeli pokušat ćemo sublimirati samo one najvažnije. Razdjel Ministarstva pravde i uprave planiran u iznosu 44.083.092 KM najznačajnije izdvajanje odnosi se na subvencije za javna preduzeća odnosno TVSA, u iznosu od 3.400.000 KM. Plan Ministarstva za boračka pitanja

iznosi 36.060.746 KM u kojem najveći iznos od 7, 6 miliona KM se odnosi na izmirivanje obaveze predviđene Federalnim zakonom o pravima demobiliziranih branilaca i članova njihovih porodica. Značajna sredstva planirana su za kupovinu stanova za dodjelu u vlasništvo boračkoj populaciji 7 miliona KM. U resoru saobraćaja izdvojeno je 100.547.091 KM. Najviše je planirano za subvenciju za javni prijevoz i pokrića akumuliranog gubitka KJKP Gras 21 milion KM: obezbjeđena su sredstva za obaveze po Sporazumu sa Poreznom upravom FBiH i Upravom za indirektno oporezivanje u BiH, odnosno pokrića akumuliranog gubitka KJKP Gras u iznosu od 14 miliona KM. Planirana su i značajna sredstva za infrastrukture projekte u oblasti saobraćaja. Izgradnja zgrade na trasi Južne longitudinalne, izgradnja saobraćajnice Prve transferzale i slično. MUP zajedno sa Upravom policije planirano je u iznosu od 85.770.783 KM. Najznačajnija izdvajanja su za nabavku specijalne opreme vojne i policijske u iznosu od 3,9 miliona KM i nabavku materijala za javni red i sigurnost, bojnog materijala i uniforme za policijske službenike u iznosu od 1,1 milion KM. U razdjelu ministarstva privrede ukupno je planirano 61.071.280 KM. Obzirom na negativne posljedice u privredi koje su izazvane pandemijom korona virusa kao podrška privredi u saniranju posljedica izazvanih pandemijom planiran je iznos od 21 milion KM. Ministarstvo finansija je planirano u iznos od 32.261.006 KM kojem je najveći iznos planiran za otplatu kredita, i kamata. Oblast zdravstva je planirana u iznosu od 143.562.500 KM od čega se 3,8 miliona KM odnosi na troškove primjenu odluke o proširenom obimu prava RVI sa područja Kantona Sarajevo. Dok se 7,8 miliona KM odnosi na nabavku opreme, izgradnju, rekonstrukciju i sanaciju javnih zdravstvenih ustanova. Oblast odgoja i obrazovanja kao novi resor u budžetu Kantona Sarajevo planiran u iznosu od 204.386.605 KM. Najveća stavka u okviru tog budžeta su plaće uposlenicima a veći od čega pored toga imamo i 3,8 miliona KM koje se odnosi na tekuće transfere neprofitnim organizacijama uz predškolsko i osnovno obrazovanje 2 miliona KM na tekuće transfere neprofitnim organizacijama, pomoć usluge u obrazovanju. 1,5milion KM za subvencioniranje izgradnje OŠ na Šipu. Oblast visokog obrazovanja nauke i mladih, planirana je iznos od 171.281.334 KM. Za transfer za nauku je izdvojeno 4,9 miliona KM, transfer za visoko obrazovanje 1 milion KM, i 3,5 miliona KM izdvojeno je za izgradnju Akademije scenskih umjetnosti. Resor kulture i sporta planiran je u iznosu od 32.093.248 KM. Tu su planirani tekući transferi neprofitnim organizacijama iz oblasti kulture, planirani su iznosu 3,3, miliona KM, a tekući transferi neprofitnim organizacijama iz oblasti sporta 4,3 miliona KM. Razdjel Ministarstva za rad, socijalnu politiku i raseljena lica i izbjeglice planiran je iznosu od 84.456.890 KM. I tu se najviše odnosi na stavke zaštita porodice sa djecom koja iznos 30,6 miliona KM: socijalna zaštita 15,7 miliona KM, dok zaštita civilnih žrtava rata je planirana u iznosu od 15,3 miliona KM. Novo formirano Ministarstvo komunalne privrede infrastrukture, prostornog uređenja, građenja i zaštite okoliša Kantona Sarajevo iznosi 59.293.181 KM od čega se 19 miliona odnosi na subvencioniranje troškova iz segmenta zaštite zajedničke komunalne potrošnje. 5,5, miliona KM za javnu rasvjetu, 4,2 miliona KM za stambeni razvoj i 3 miliona za smanjenje i uspostavu prečišćavanja procjednih voda Smiljevići i druge potrebe na Centru Smiljevići. Vlada Kantona Sarajevo je Prijedlog budžeta Kantona Sarajevo za 2021.godinu planirana kreditno zaduženje iz domaćih izvora u iznosu od 94.248.824 KM. Ova sredstva su namijenjena za kapitalne projekte koje će doprinijeti ekonomskom oporavku Kantona Sarajevo. Kreditna sredstva će se koristiti za izgradnju saobraćajne infrastrukture, infrastrukturno uređenje rješavanje imovinsko pravnih odnosa privrednim i poslovnim industrijskim zonama Kantona Sarajevo, izgradnju, rekonstrukciju i sanaciju zdravstvenih ustanova, kao i nabavku opreme za iste. Izgradnju i rekonstrukciju obrazovnih ustanova, kupovinu stanova za boračke populacije i slično. Također planirano je zaduženje iz ino izvora u iznosu od 150. 378.060 KM. Najveće izdvajanje odnosi se na oblast saobraćaja i infrastrukture od kojih izdvajamo projekat gradske saobraćajnice Sarajevo Prva transferzale, tunel Kobilja glava i Deveta transferzala projekt Sanacije, rekonstrukcije i modernizacije

tramvajske pruge u Sarajevu, projekat Obnove voznog parka II faza, nabavka tramvaja i projekat izgradnje tramvajske pruge za Hrasnicu. Tekuća rezerva u Budžetu je planirana u iznosu od 1.920.000 KM. Tekuća rezerva predviđa sredstva za nepredviđene namjene, za koje u budžetu nisu planirana sredstva ili za namjene za koje se tokom godine pokaže da za njih nisu utvrđena dovoljna sredstva, jer ih pri planiranju budžeta nije moguće predvidjeti. U sredstvima planiranim za tekuću rezervu (smetnje) predviđena redovna tekuća rezerva i dio sredstva za izvršenje sudskih presuda u skladu sa zakonom i izvršenjem o izvršnom postupku, odnosno troškova kamata i advokata. Akumulirani deficit je planiran u iznosu od 1.800.000 iz tekuće suficita. U planiranom iznosu za akumulirani deficit nalazi se i dio za realizaciju glavnice u skladu sa zakonom o izvršnom postupku koji je popisom obaveza postao sastavni dio akumuliranog deficita. Ovo je bio pokušaj da koncizno ovo obrazloženje budžeta svedemo na razumnu vremensku dinamiku i predlažem da ako imate pitanja kroz ovo detaljnije obrazloženje koje smo poslali Skupštini da pitanja postavite prema Vladi.

Premijer Edin Forto:

Evo, predsjedavajući, nakon što je ministar iznio ove osnovne podatke, imajući u vidu vrijeme koje nam je potrebno da bi prošli kroz pitanja, eventualno i amandmane i druge rasprave, ja bih molio za riječ da također izvršim neku vrstu pregleda ovog budžeta. Da li mogu imati tu riječ?

Predsjedavajući:

naravno, premijeru izvolite.

Premijer Edin Forto:

Prije svega zastupnici ali i javnost mislim da je potrebno da razgovaramo o kontekstu u kojem mi donosimo ovaj budžet. Mi smo imenovani u januaru ove godine usred najgore krize koja je zadesila Kanton Sarajevo naravno i šire, ali govorimo za Kanton Sarajevo, od rata na ovamo. Kriza se ne mjeri samo gubitkom ljudskih života i pritiskom na naš zdravstveni sistem. Kriza se mjeri također i ekonomskim posljedicama o kojima ste dosta čuli ali o kojima se ne govori dovoljno. Zbog toga je prema posao koji mi obavljamo suštinski nas tjera da o hitnosti donošenja ovog budžeta neupitna. Iako ste vi o tome raspravljali u prethodnom pitanju prije usvajanja ovog dnevnog reda, želim samo ukazati vama i javnosti da je hitnost donošenja ovog budžeta nama svakodnevna. Dakle mi svaki dan se susrećemo sa izazovima od našeg imenovanja, gdje nam je budžet potreban ne samo kako bi bio ogledalo naše politike u dužem periodu, u cijeloj godini, nego kako bi što prije mogli odgovoriti na naše izazove koje smo zatekli. Ne želim se vraćati na prethodnu Vladu jer su radili u vanrednim okolnostima, ali i zbog toga možda nije bilo mogućnosti da se donese budžet u nekom propisanom, zakonski propisanom roku. Ali moram vam reći kada govorimo o hitnosti mi to ne smatramo samo kao hitna procedura na Skupštini, nama je ovo hitno svaki dan. To je kontekst u kojem mi danas raspravljamo o ovom budžetu. A koje su glavne karakteristike ovog budžeta? On je manji za 160 miliona KM, i moram vam reći da veliki dio tih sredstva za koji je on manji, to su ona gotovinska sredstva koja smo mi mogli u prošlosti, npr u 2019 i 18, kada se već izašlo iz prethodne finansijske krize nakon 2010 godine, to su sredstva koja smo mi mogli ubaciti u programe koji su nam se sviđali, koje su tražili građani, tražili zastupnici. Ovaj budžet je pravljen u potpuno drugim okolnostima gdje tih sredstava jednostavno nema. Međutim, mi smo se potrudili da sve ono što ide u naše zakonske obaveze i ono što moramo raditi gotovinskim, budžetskim sredstvima, stavili smo prioritet na to i navest ću samo neke od njih. A sve drugo, u smislu razvoja i razvojnih projekata stavili smo kroz zaduživanje. Vrlo je bitno jer javnost često je negativna prema zaduživanju naših institucija i Vlada, ja to potpuno razumijem imajući u vidu da su se u prošlosti da smo se zaduživali pa možda netransparentno trošili novac. Mi nećemo bježati od zaduživanja jer će javnost biti vrlo dobro upoznata sa

načinom na koji ćemo trošiti i gdje ćemo ga uložiti. Osim što je manji za 160 miliona KM, mi smo odlučili da potrebe građana koje smo možda u prvom dijelu mandata u 2019 godini anketirali, naučno potvrđenom anketom smo pitali građane 2019 koji je najveći problem u Kantonu Sarajevo? Dobili smo odgovor javni prijevoz. I onda smo u budžetiranju za 2020 najveći dio sredstava odvojili za javni prijevoz i kreditno i budžetski. To je po meni kako jedna odgovorna Vlada radi. Ono što ćemo mi raditi sada u drugom dijelu mandata kao Vlada, bez ankete ali uvjereni da smo u pravu kada kažemo da su ekonomske posljedice pandemije nešto najteže sa čim se mi sada susrećemo, i na to smo odgovorili tako što smo stavili u budžet u resor privrede rekordni iznos ikada. Znači bez obzira što nema ovog novca mi smo ga skinuli sa nekih drugih stvari i stavili smo na privredu na isti način kako smo to radili u 2019 kada smo radili za javni prijevoz. Ovo je naš odgovor jer je budžet ogledalo politike jedne Vlade i vizije jedne Vlade. U 2021 želimo da se obratimo privatnom sektoru, spasu radnih mjesta, i pokretanju ekonomske aktivnosti. Zbog toga ćete se i sami uvjeriti i vidjeti na koji način smo tačno razložili stavke za privredu, za poticaje i povrat sredstva u privatni sektor. Osim covid-a i posljedica covid-a neki od prioriteta su dugoročni i tu naravno možemo se vratiti na ono o čemu smo pričali u normalnim vremenima i nešto o čemu ćemo mi razgovarati naravno budućnosti čim na neki način prebrodimo ovu pandemiju. To su i dalje javni prijevoz, to su zrak i okoliš, to je nauka u Kantonu Sarajevo, to je razvoj predškolskog obrazovanja, razvoj kreativne industrije, to su svi oni prioriteti koje ćete moći vidjeti dijelom i u ovom budžetu i u narednim godinama nadam se daleko i više. Evo ja ću vam reći da smo iako smo to je ministar već rekao. Broj zaposlenih predviđenim ovim budžetom se nije povećao, ali smo mi povećali ljudstvo i planiramo povećanje ljudstva kao što sam rekao u nekim segmentima koji su nam bitni. Sigurnost građana Kantona Sarajevo imali smo na primjer prije nekoliko dana tematsku sjednicu vezanu za migrantsku krizu. Planiramo uvođenje u sistem 300 kadeta policajaca koji će po našoj procjeni u narednom periodu to će biti dobar način da napokon popunimo kadrom nešto što je ne možemo u ovom trenutku odgovoriti na terenu, sigurnosnim procjenama koje radi Uprava policija. Znači 300 novih policajaca, oni su sada budžetirani samo u smislu obuke, ali u narednom periodu već 21 godini dobar dio tih policajaca će ući u sistem preko plate. Dakle ući će na platu budžeta Kantona Sarajevo. U predškolskom obrazovanju mislim da će 50 ljudi biti zaposleno zato što širimo obuhvat predškolskog obrazovanja, što je naše opredjeljenje i sada, a bilo je i u prvom dijelu mandata. Ured za korupciju će dobiti nove ljude, Zavod za izgradnju i Zavod za planiranje Kantona Sarajevo će dobiti nove ljude. Sve je ovo planirano a nismo povećali ukupan broj zaposlenih. Ovo je jasna poruka da tamo gdje moramo ćemo širiti i jačati ali to ne smije ugroziti činjenicu da je naša administracija nagomilana i da ne smije da raste u narednom periodu. Što se tiče razvojnog dijela Budžeta ovo je nešto što često ponavljam ali mislim daje dobro za građane da razumiju. Budžet Kantona Sarajevo je jedan veliki bankomat. Bankomat je iz sljedećeg razloga, najveći dio davanja iz budžeta i trošenja budžetskih sredstava je zakonski propisano. Mi imamo zaposlenih kojih je 14000. imamo budžetske i druge institucije. Imamo socijalna davanja koja su u skladu sa zakonskim propisima. Imamo davanja za borbe koji su u skladu sa nekim zakonima. Kada sve to uzmete plate i zakonske obaveze mi već imamo utrošeno preko 70% budžeta. Kada na to dodate povrat kredita i kamata mi već prelazimo i one osnovne materijalne troškove, to je ono što mi često kažemo to je onaj papir za printanje, mada nadam se da će toga biti digitalizacijom sve manje, ali to su oni osnovni materijalni troškovi. Mi smo onda ušli već daleko iznad 80% u smislu šta mi moramo svakako platiti. Kada se kaže da je budžet milijarda, ljudi moraju znati da to nije milijarda jer mi već imamo obaveze zakonske koje su daleko preko 80%. ono što je ostalo je razvoj. I taj razvoj mi na žalost u ovoj godini kreditiramo jer smo odvojili sva novčana sredstva, vanbudžetska sredstva za programe koji su nam ili zakonski potrebna ili kao odraz neke naše politike što ću vam navesti kao primjer vrlo brzo. Zbog toga, želim reći da je razvojni Budžet oko 150 miliona KM, jedina budžetska sredstva koja ulažemo u ove

projekte od 150 je ono obavezno učešće Kantona Sarajevo gdje moramo imati budžetska sredstva da uložimo u PDV. Neke od tih projekata ću vam samo blago pomenuti. Imate recimo javni prijevoz gdje mi smo već naručili te trolejbuse koji stižu, i pošto je to kreditno sredstvo preko inostranog zaduženja preko Europske banke za obnovu i razvoj, mi moramo budžetirati sredstva da platimo PDV. Također utopljavanje objekata, neki zastupnici su u prethodnim godinama govorili šta je sa tim utopljavanjem objekata zašto je to nama bitno. Evo reći ću vam samo par razloga mi smo podigli jedan kredit koji je 20 miliona KM. To smo radili u prvom dijelu mandata, ove godine ćemo ga aktivirati. Od tih 20 miliona, 4 miliona KM su grant sredstva, to su nam poklonjene pare jer se novac troši i ulaže u one oblasti koje EU podržava u smislu poticaja ulaganja u zaštitu okoliša. Ali da vam plastično prezentiram šta znači utopljavanje objekata i ovaj kredit. 40 objekata ćemo renovirati. Od tih 40, 38 je iz obrazovanja. To su osnovne škole, vrtići, srednje škole, fakulteti, instituti. I dva doma zdravlja. Tu također ubrajam i Studentski centar, dva paviljona na Bjelavama i velika renovacija velike zgrade na Nedžarićima koja također pripada Studentskom centru. Šta radimo kada se zadužimo na ovaj način vrlo povoljno jer od 20 miliona KM četiri miliona KM su nam grant. To su nam poklonjena sredstva. Zapošljavamo domaću radnu snagu, angažujemo eksperte, angažujemo građevinske firme, utopljavamo zgrade i štedimo energiju pa će se ovaj novac nama vrlo brzo vratiti kroz uštede energije i na kraju krajeva imat ćemo ljepši grad jer ćemo 40 zgrada javnih zgrada uljepšati. Zašto je neko nekad bio protiv ovoga meni je misterija. Ali ovo je pravac u kojem ćemo se mi kretati i u budućnosti. Također, šta još kreditiramo. Dižemo kredit za stambenu gradnju. Imamo već za one koji mislim da treba podsjetiti. Postoje porodice koje su interno raseljene u Sarajevu. Znači ljudi od rata nisu riješili svoje stambeno pitanje. Ministarstvo rada i socijale će podići kredit da ove porodice trajno smjeste. Radi se o izgradnji 25 stanova. Izgradnja stanova za borce, to je nešto što se godinama radilo jednom blagom pričom, mi želimo da to u narednoj godini, najduže u naredne dvije godine da napokon zaključimo stambeno zbrinjavanje boraca, njihovih porodica, šehidskih porodica i RVI na način da ćemo 200 stanova uručiti ključeve ovim porodicama jer oni zato imaju pravo po Zakonu i već su se kvalifikovali i nema nikakve svrhe da se to čeka godinama da ide pet po pet, po deset. Mi to želimo ići 50 po 50. idemo se zadužiti a isto ćemo onda pokrenuti ekonomski ciklus o kojem sam vam govorio kao i kod utopljavnja zgrada. Također ćemo graditi stanove koje ćemo poticajno dodjeljivati mladima i drugim kategorijama za koje Kanton i Vlada odlučuje da su bitne da dobije stambeno zbrinjavanje. Također jedan od projekata koji se deset godina gradi, to je Akademija scenskih umjetnosti. Mi smo bili svjedoci još u prvom dijelu mandata to se svake godine se odvoji po 1 milion. A zgrada je projektovana i usvojena takva vrlo je skupa. Mi ćemo u ovoj godini dići kredit od 3,5 miliona KM, da napokon završimo građevinske radove na ASU. I tu vas podsjećam da ulaganje u ovu vrstu infrastrukture, to je kulturna infrastruktura, za jedinstveni objekat koji u sebi ima i obrazovnu komponentu i kulturnu komponentu ali i ovu komponentu ekonomsku. Ulaganje u kulturnu industriju radi najveći povrat u budžete i to je dokazano, za svaku marku koju uložite u kulturnu industriju, preko dvije marke se vraća kroz poreze. Želim također reći da kroz neke resore samo da prođem: 7,6 miliona KM kod boraca za federalni Zakon koji propisuje nove naknade za određene kategorije boraca. Ne znam koliko će Kantona u BiH ispuniti ovo, ali Kanton Sarajevo će ispuniti svoju zakonsku obavezu i budžetirali smo budžetska sredstva, keš sredstva da se ovo može isplatiti i generalno u ovoj krizi Budžet za borce je rastao. Prije svega zbog ove stavke ali i zbog stavki gdje ćemo se zadužiti da gradimo stanove koje sam već pomenuo. U saobraćaju 21 milion subvencija za javni prijevoz i 14 miliona za sporazum. Problem Grasa je vrlo poznat i dugo je o njemu i naširoko govoreno. Ono što ćemo mi uraditi je dat ćemo sve od sebe da imamo kvalitetan javni prijevoz. Gras je jedan od učesnika u javnom prijevozu. Javni prijevoz ostaje naš prioritet. Ministarstvo unutrašnjih poslova, osim ove opreme koja je pomenuta mi također pokrećemo aktivnosti oko izgradnje policije. To je zgrada MUP-a koja mora biti moderni

centar sigurnosti u Kantonu Sarajevo. Kanton Sarajevo o tome smo puno govorili kada smo imali sukob sa automafijom. Kanton Sarajevo na vrlo specifičnom položaju i mora imati posebne sigurnosne konsideracije. Ono što je nama bitno da mi napokon budemo Vlada koja će ovu zgradu završiti. O privredi sam već govorio, 21 milion KM poticaja. Plus, navest ću vam primjer, Zakon o poljoprivrednim poticajima koji nema veze sa covidom propisuje minimalni procenat Budžeta koji se može dodijeliti poljoprivrednim poticajima. Mi smo taj procenat zbog ukupnog pada Budžeta povećali da ne bi ukupan poticaj prema poljoprivrednicima pao, isto tako prema malim obrtnicima. Također ćemo uraditi i ove posebne covid programe. Samo ću pomenuti iz obrazovanja dvije stavke. Želimo napokon da se višegodišnja, mislim šest ili sedam godina gradnja škole na ŠIP-u da se završi i zbog toga smo dodatno se zadužili u ovoj godini i u saradnji sa opštinom Centar izgradit ćemo školu na Šipu koja je već u jednom dobrom procentu sagrađane a onda je planirana da djeca usele u nju, da krenu u školu 22 u septembru. Mi smo obećali da ćemo to uraditi ove godine u septembru, da ćemo je opremiti kao i vrtić koji se planira u sklopu te škole. Iz visokog obrazovanja nešto što do sada nismo imali. Izdvajanja za nauku i naučno istraživački rad. Želim vas samo obavijestiti da su godinama na ovoj stavci bilo 500.000 KM. Godinama. U prvom dijelu našeg mandata mislim da smo bili izdvojili 1,6 miliona. U godini krize izdvajamo 3 miliona KM za nauku. Ovo je presedan na koji ćemo mi kao Vlada biti ponosni kao Vlada u slučaju da vi usvojite ovaj Budžet. 3 miliona KM vraćamo naučno-istraživačkoj zajednici. I to na koji način? Svako do resora će imati priliku da zatraži u smjernicama kada bude raspisan javni poziv za naučno istraživačku djelatnost, šta nam je bitno i gdje da uložimo ovaj novac. Evo ja ću vam dati primjer kvalitet zraka. Ja bih volio npr. da neko ko se bavi istraživanjem kvaliteta zraka, npr laboratorija na Mašinskom fakultetu, ili ako rade to neke druge visoko-školske ustanove, da nam se prijave na ovaj program kako bi ovim ulaganjem od 3 miliona KM uložili u znanje koje će onda mi ćemo opet poslije iskoristiti da bi se uhvatili u koštac sa nekim od naših najvećih problema. Ovo je također nešto što do sada nije rađeno. Uložiti ćemo (smetnje) u nešto čije znanje ćemo iskoristiti za dalju borbu sa problemima sa kojima se Kanton Sarajevo suočava. Također ću vas napomenuti da neki od korisnika ovih grantova iz prvog dijela mandata da su već napravili dovoljno naučnih radova koji onda kao neka vrsta nadogradnje povećavaju rejting našem Univerzitetu. Znači ovo ulaganje je nešto što nam se vraća, i to ne u narednoj budućnosti već u narednih par godina. I još ću reći jednu stvar, bit će jedan amandman Vlade. Mi smo u proteklom periodu, sve Vlade su pomagale zajednici u Srebrenici. Srebrenica je opština koja prima pomoć sa raznih strana ali uvijek je u tome prednjačio Kanton Sarajevo. I sa dobrim razlogom. Mi smo u prvom dijelu mandata izdvojili maksimalan iznos za saradnju sa opštinom Srebrenica. Tada je to bilo oko 300.000 KM u obnavljanje cesta, u prevoz učenika koji dugo putuju do svojih škola. Generalno u poboljšanje kvaliteta života u Srebrenici. Želimo nastaviti tom trendu, i želimo pored svih dosadašnjih projekata i stavki koje imamo za Srebrenicu dodati još jednu stavku, isključivo za MC Srebrenica. To će biti stavka od 100.000 KM. Još ćemo imati raspravu u pauzi, na sjednici Vlade u pauzi dok budemo razmatrali i neke druge amandmane ako dođu, ali bit će 100.000 KM za MC Potočari. Ono što bih također naglasio vezano za ovaj MC. To je rijetka institucija u BIH koja se kulturom sjećanja iz onoga što smo svi preživjeli bavi na jedan naučan, sa naučnim pristupom, sa visoko obrazovanim stručnjacima koji prave projekte i prave izložbe, i prave tu bazu podataka onoga svega što treba da se zna o događajima u Srebrenici na način koji je potpuno izdvojen iz politike. Ako ste primijetili u zadnjih par godina ovaj MC više nije politička tema. Mi smo radosni zbog toga i rado ćemo pomoći ovu upravu trenutnu u MC i sa dodatnim sredstvima i na taj način najavljujem amandman od 100.000 KM. Evo mi smo kao što je ministar rekao, otvoreni smo za sva pitanja. Ako budete uputili pitanje direktno bilo kojem od resora, ministri i ministrice će sami odgovarati i s vama komunicirati vezano za svaki resor. Ako imate nešto za cijelu Vladu ili za mene, ja sam također tu. Hvala. Vam.

Predsjedavajući:

Hvala premijeru. S obzirom da je predviđeno obraćanje radnih tijela prije nego što postavimo pitanja i otvorimo raspravu ja predlažem da u skladu sa Poslovnikom i članom 162. donesemo pauzu za komisije za privredu, zatim ekonomsku i finansijsku politiku, Komisija za Budžet i finansije i Zakonodavno-pravna komisija. Ove tri komisije da razmotre Prijedlog Budžeta i Zakona o izvršavanju Budžeta i odmah podnesu izvještaj Skupštini Kantona Sarajevo. Ukoliko mislite da se trebamo izjasniti o ovom prijedlogu, evo dajem na razmatranje zastupnicima da li se trebamo izjasniti o ovom mom prijedlogu ili je dovoljno da ja zatražim pauzu.

Poslovnička intervencija zastupnik Mirza Čelik.

Poslanik/zastupnik Mirza Čelik:

Zahvaljujem predsjedavajući. Pa evo ja bih zaista molio da ukoliko se usvoji da pauza bude, da možemo mi nastaviti raditi, komisija će vjerovatno raditi online, pošto evo ne vjerujem da su svi zastupnici u Skupštini Kantona Sarajevo nego rade od kuća pa evo s tim u vezi možemo donijeti jedan zaključak da se ove tačke koje se tiču, znači treća i četvrta razmatraju sada, dok je pauza, odnosno dok traju ove komisije koje ste već naveli. Hvala vam.

Predsjedavajući:

Kolega Čelik s obzirom da moram i ja prisustvovati sa službom dok budu prosljeđivali ove pozive, tako da bih zamolio da mi ipak napravimo pauzu od pola sata a nakon iscrpljenog dnevnog reda onda će biti ove dvije tačke koje vi spominjete. Tako da evo pauza pola sata kako bi komisije dostavile mišljenja o dvije prethodne tačke, a to je Prijedlog Budžeta i Zakona o izvršenju Budžeta i odmah podnesu izvještaj Skupštini Kantona Sarajevo. Pauza pola sata.

NASTAVAK NAKON PAUZE

Predsjedavajući:

Nastavljamo Hitnu sjednicu Skupštine Kantona Sarajevo. Pauzu smo imali kako bi radna tijela dostavila svoje mišljenje, tako da molim da predstavnici radnih tijela se izjasne i traže riječ na osnovu predloženih tačaka dnevnog reda, a to je Prijedlog Budžeta i Zakon o izvršenju Budžeta za 2021. Evo koja je prva, ko je predsjednik jedne od komisija koji je spreman neka se javi.

Poslanik/zastupnik Aljoša Čampara:

Evo predsjedavajući ako mogu ja kao predsjedavajući Zakonodavno-pravne komisije pošto smo mi završili?

Predsjedavajući:

Naravno zastupniče Čampara. Izvolite.

Poslanik/zastupnik Aljoša Čampara:

Dakle Zakonodavno-pravna komisija je razmatrala ova dva prijedloga i utvrdila da postoji pravni osnov i da je usklađen sa pravnim sistemom FBiH i kantonom i izvještaj će biti dostavljen svim zastupnicima.

Predsjedavajući:

Hvala kolega Čampara. Sljedeća predsjednica komisije za privredu zastupnica Admela Hodžić, izvolite, imate riječ.

Poslanik/zastupnik Admela Hodžić:

Zahvaljujem predsjedavajući. Evo pošto se prvi put javljam danas pozdravljam sve prisutne i gledaoce koji nas prate kao i medije koji nas prate i prenose rad današnje sjednice. Komisija za privredu, ekonomsku i finansijsku politiku zasjedala je na 23.sjednicu koju je održala. Sjednica se održala elektronskim putem, putem maila. Prisustvo su potvrdilo pet članova komisije. Komisija je razmatrala materijale koji su predloženi za dnevni red ove sjednice u skladu članom 27. Poslovnika Skupštine Kantona Sarajevo i podnosi Skupštini izvještaj:

1. Prijedlog budžeta Kantona Sarajevo za 2021. godinu - hitni postupak;
Komisija za privredu, ekonomsku i finansijsku politiku podržala je sa 4 glasa "ZA"
Prijedlog budžeta Kantona Sarajevo za 2021. godinu - hitni postupak.
2. Prijedlog Zakona o izvršavanju budžeta Kantona Sarajevo za 2021. godinu - hitni postupak;
Komisija za privredu, ekonomsku i finansijsku politiku podržala je sa 4 glasa "ZA"
Prijedlog zakona o izvršavanju Budžeta Kantona Sarajevo za 2021. godinu - hitni postupak.

Toliko zahvaljujem.

Predsjedavajući:

Zahvaljujem se kolegice Hodžić:

zastupnica Bilsena Šahman ima riječ. Izvolite.

Poslanik/zastupnik Bilsena Šahman:

Zahvaljujem predsjedavajući. Pozdravljam sve kolege, pozdravljam sve naše sugrađane. Komisija za Budžet i finansije također elektronsku sjednicu održala, ja sam mijenjala koleginicu Samru Čosović-Hajdarević koja više nije u Skupštini. Dnevni red je podržan sa svim ZA. A tačke Prijedlog Budžeta Kanton Sarajevo za 2021 podržan je sa 5 ZA i 1 Suzdržan, također i Prijedlog Zakona o izvršenja Budžeta Kantona Sarajevo 2021 – hitni postupak podržan je sa 5 ZA i 1 suzdržan. Zastupnici koji su u komisiji za finansije i Budžet će imati pitanja. Slušali smo izlaganje ministra finansija tako da ćemo u toku Skupštine postaviti pitanja i diskutovati ono šta nas zanima. Zahvaljujem.

Predsjedavajući:

Zahvaljujemo se zastupnici Šahman. Sada prelazimo na pitanja. Imamo već prijavljenih zastupnika. Prvi Mahir Dević se prijavio. Izvolite.

Poslanik/zastupnik Mahir Dević:

Zahvaljujem predsjedavajući. Čujemo li se? Hvala najljepša. Imam nekoliko pitanja. Naravno u diskusiji ću se osvrnuti na svu nerelgularnost i nezakonitost na koju sam ukazivao u uvodom dijelu ove sjednice. Pitanja su sljedeća: na temelju kojih procjena a u pravilu tu vrstu procjena dostavlja Federalno Ministarstvo finansija, ste u prijedlogu Budžeta povećali prihode od PDV, poreza na dobit i poreza na dohodak, kada svi mediji i svi relevantni stručnjaci upozoravaju na pad prihoda od PDV, poreza na dohodak i poreza na dobit, vi u Kantonu Sarajevo na temelju kojih fiskalnih procjena i čijih fiskalnih procjena povećate ove stavke i koliko je tačan iznos? Naravno ja znam koliko ali zbog građana da vidimo kako vi to, što bi rekli kolokvijalno, povećavate onako? Drugo pitanje, koliko ste tačno smanjili kapitalni iznos Budžeta Kantona Sarajevo u 2021? S obzirom da je najbolji odgovor na pandemiju ili ekonomsku krizu ulaganje uvijek u kapitalni dio budžeta koliko ste smanjili u procentima i ukupnoj masi milionima KM kapitalni dio Budžeta Kantona Sarajevo za 2021 godinu?

Treće pitanje, zašto ste ukinuli kapitalne transfere prema općinama, mislim prije svega na općinu Ilijaš. Hadžići i Trnovo koji su bili u redovnim transferima da ih tako nazovem i sve te

eventualno potencijalne investicije prebacili u kreditna sredstva? Tačnije, da li je to urađeno zato što su u tim općinama pobijedili načelnici iz SDA? Iz kog razloga ste ukinuli te kapitalne transfere prema ovim općinama?

Tačka četiri, da li u oblasti kulture i sporta povećavate finansijska sredstva određenim politički podobnim direktorima ustanova koje egzistiraju u tom Ministarstvu? Prema onome što se vidi izgleda da Budžet prilagođavamo nekim pojedincima koji tek treba da dođu na pozicije.

Tačka šest, ili šesto pitanje, da li ste kroz prijedlog Budžeta Kantona Sarajevo za 2021 tretirali adekvatno zaključke sa hitne sjednice Skupštine Kantona Sarajevo o migrantskoj krizi? da li se te stavke nalaze u Budžetu Kantona Sarajevo?

Sedam, hvali te se da ste povećali sredstva nauku u ovom Budžetu. Naravno mi smo upozoravali da ste vi prilagođavali raspodjelu Ministarstva pojedincima raspodjelom političkog plijena a ne funkcije tih naučnih radova o kojim su govorili, prema tome pitanje koja je opravdanost za ovako povećavanje finansijskih sredstava za ulaganje u nauku, uzimajući u obzir ovu raspodjelu Ministarstva i ovu svu finansijsku krizu a da to bude u vezi sa naučnim radovima koji se tiču rješavanja gorućih problema u Kantonu Sarajevo. Ja sam u svojim diskusijama upozoravao da takvi projekti koji se finansiraju oblasti nauke treba da rješavaju goruća pitanja u Kantonu Sarajevo. Pitanje saobraćaja, pitanje zagađenja zraka. E sada vas ja pitam koje smo mi to probleme riješili na bazi tih naučnih projekata? I zašto povećavamo ovoliko sredstava u tom segmentu ili je to neka ponovo raspodjela političkog plijena na relaciji ova dva Ministarstva. Evo tih sedam pitanja od mene na početku. Zahvaljujem predsjedavajući.

Predsjedavajući:

Hvala kolega Deviću. Sljedeći prijavljeni zastupnik Mirza Čelik. Izvolite.

Poslanik/zastupnik Mirza Čelik:

Zahvaljujem predsjedavajući. Ja ću imati nekoliko pitanja, pa molim Vladu da mi odgovori, da li premijer ili resorni ministar. (smetnje) samo me interesuje pošto smo već najavljivali nekoliko parafiskalnih nameta pa evo radi građana da li smo planirali u Budžetu taj dio prihoda a tiče se poreza na opšte korist šuma tj OKFŠ ? I da li je, kolegica isto dopredsjedavajuća Kristić najavljivala i upućena je od strane nje inicijativa za istaknutu firmu, te da li se u Budžetu nalazi prihod i da li ćemo u narednom periodu imati taj ukinut parafiskalni namet kako firmama tako i onim koji zaista u ovoj godini imaju otežano poslovanje? Pitanje može li se povećati oprema za Ured za borbu protiv korupcije i upravljanje kvalitetom mislim da je nedostatak sredstava koji je planiran za ovaj Ured? Mi težimo da ovaj Ured ojačamo kako bi zaista smanjili korupciju u Kantonu Sarajevo, te smatram da ovaj Ured trebamo finansijski ojačati i da on bude nešto što možemo da se pohvalimo u Kantonu Sarajevo, to je već sada a ukoliko bi dostatna sredstva koja su njima potrebna još povećali, mislim da bi bolje radio i Ured za borbu protiv korupcije u upravljanje kvalitetom. Škola na Stupu, znači mi često imamo i evo potreba je lokalne zajednice za školom na Stupu i smatram da bi se ona trebala naći u Budžetu Kantona Sarajevo za 2021 iako nisam vidio Budžet lokalne zajednice, on je u pripremi, nadam se da će izaći u nekih 20-tak dana. Mislim da će tamo biti dosta sredstava odvojeno za realizaciju ovog projekta kao i projekta za žičaru Hrasnice Igman i naravno one stare priče a to je izgradnja tramvajske pruge prema Hrasnici. Također interesuje me da li je kroz neko od ministarstava planirano izgradnja kanalizacije i vodovodne mreže u (smetnje) i u Osijeku? Imamo jedan dio Blažuja, to je iza zatvora jedno naselje. Tamo žive istočnjaci koji su silom prilika doselili tamo, njih ima oko 100-tinjak domaćinstava ali su oni bez vode. Smatram da bi to trebali što prije riješiti kao Kanton Sarajevo. Evo još jedno pitanje, video nadzor za ministra unutrašnjih poslova. Već smo imali jednu tematsku sjednicu te bih molio da čuju i građani Kantona Sarajevo da li

postoje mogućnosti i da li je u Budžetu planirano izgradnja video nadzora posebno na lokalnim zajednicama Hadžići i Ilidža jer znamo da je najveća koncentracija migranata na tim područjima. Pa evo i škola je krenula, ja sam o tome govorio, kada je bila tematska sjednica. Imamo česte pojave da ispred školskih okruženja, u školskim dvorištima imamo migrante koji djeci otimaju telefon, novac, torbe i sve ostalo. Pa mislim da bi putevi trebali biti pokriveni video nadzorom kako ne bi došlo do neželjenih efekata koje već imamo i već apeluju iz lokalnih zajednica da je to već učestala pojava. Projekti za ZOI, Maršal koji su na strani 54 Budžeta, mislim da je to mali iznos i da bi zaista evo pokazala je ova sezona da na Bjelašnici i na Igmanu možemo razviti turizam zimski, posebno evo ako ste imali priliku da vidite da su velike gužve i da bi trebali da planiramo izmještanje četverosjeda i možda izgradnja još dvije plave staze, to je bila inicijativa grupe „Inicijativa za Bjelašnicu” i oni su u mnogo čemu zaista bili u pravu i tražili su nekoliko kapitalnih projekata da se na Bjelašnici implementira kako bi smanjili gužve a to možemo slobodno kazati da smo ispunili nastojanje na Bjelašnici ali intencija treba da bude noćno skijanje i da se ovaj četverosjed koji imamo izmjesti i da izlazi nekada gdje bio trosjed. Tako da bi tu stazu trebalo osvijetliti i imali bi za sljedeću godinu zaista jedno skijalište koje može ponuditi i biti prvo u regiji za noćno skijanje. Smatram da je nedostatno ovih sredstava a tiče se ZOI'84. Nedostatak sredstava u JKP Komunalac, Vodostan i Trnovo je nešto o čemu bi zaista trebali svi malo da se pozabavimo, evo imamo izgradnju implementacija projekta EBRD, izgradnju kanalizacione mreže koja će biti realizovana posredstvom KJKP VIK, ali evo vidite mi smo se zadužili i cijeli Kanton se zadužio i to ćemo vraćati, naravno svi građani Kantona Sarajevo ali radit ćemo mreže gdje nisu planirane u Hadžićima u Trnovu i Ilijašu, stoga bi trebalo ojačati kroz Budžet ove tri firme kako bi i oni, a evo možemo se zaista pohvaliti posebno na lokalitetu Hadžića Komunalac njihov je zaista uradio u proteklom periodu dosta i vodovodne i kanalizacione mreže, mislim njima nedostaje nešto sredstava kako bi riješili gorući problem na lokalitetu Pazarića i Donjih Hadžića kako bi mogli uspostaviti tu novu mrežu i ne bi bilo problema u snabdijevanju vode za građane na toj lokalnoj zajednici. Također bih molio da mi se odgovori koji su projekti, odnosno koliko je sredstava planirano za sanaciju aero zagađenja u Kantonu Sarajevo? Imali smo tematsku sjednicu, građani se nerijetko pitaju koliko je sredstava planirano i evo molio bih da nam se odgovori. Tekuća rezerva, smatram da je trebamo povećati, obzirom da će krenuti ako bog da i kod nas nabavka vakcina. 1.920.000 KM su nedostatna sredstva, ima prostora da se može 3% povećati ta tekuća rezerva i da se može promptno djelovati za nabavku vakcina kada dođe vrijeme za to, pa mislim da bi olakšali Vladi ukoliko bi povećali tu Tekuću rezervu. Zahvaljujem predsjedavajući i nadam se odgovorima. Hvala vam.

Predsjedavajući:

Hvala kolega Čelik. Sljedeći prijavljeni zastupnik Zvonko Marić, izvolite.

Poslanik/zastupnik Zvonko Marić.

Zahvaljujem predsjedavajući. Dame i gospodo, drugarice i drugovi, poštovani građani, dakle ja sam slušao pozorno izlaganje premijera i ministra finansija vezano za Budžet. Međutim nameće se veliki broj pitanja, no nešto od toga ću govoriti kroz diskusiju ali ću postaviti pitanja koja interesiraju građane a prenatglášena su bila kada je riječ i izlaganju gospodina premijera Forte. On je prenatglášeno i sa ponosom, razumije, podržavam, govorio o velikim ulaganjima u sistem obrazovanja. Međutim mene interesira da li i na koji način će riješiti problem, riješit će problem definitivno zato što građani, odnosno ljudi roditelji tih dobrih studenata koji imaju prosjek iznad 8,1 da nisu ušli u onaj djelokrug budžetskog finansiranja nego se samofinasiraju a 6000 KM u ovom vremenu nije teško, a gospodin Forto je rekao da se ulaže u znanje. Ja vjerujem da ti ljudi koji imaju prosjek iznad 8,1 imaju znanje i to je potencijalno znanje i treba ulagati i u tom smislu. Ali su neki studenti prešli u sljedeću

školsku godinu iako nisu imali taj prosjek i očigledno je to jedan od razloga možda za smetnje ali mene interesira da li ovi studenti koji imaju prosjek iznad 8,1 će ući u taj djelokrug samo odnosno finansiranja ili budžetskog finansiranja ili im je suspendovano pravo na to koje su do sada imali. Njih je oko 120, prevashodno me zanimaju i oni studenti koji studiraju na Fakultetu za medicinske nauke, odnosno Medicinu. Druga stvar, neko je već pomenuo parafiskalne namete, ja sam govorio i u prošlom mandatu u nekoliko navrata, čak ministar mi nije za četiri godine mi nije znao odgovoriti koliki je broj parafiskalnih nameta na području Kantona Sarajevo. Nisu znali ni kasnije ministri privrede i uvijek je to tako ostalo nedovršeno. Ali se demagoški svaki put priča o ukidanju parafiskalnih nameta a svjedočimo povećanju broja parafiskalnih nameta. I ta demagoška priča zaista već se oteže jako dugo. Mene interesira da mi ministar finansija ili ministar privrede odgovori napokon kada već se zalaže ova Vlada za ukidanje parafiskalnih nameta, koji su bespotrebni, kako i na koji način ih želi ukinuti jer svi su govorili o ukidanju a samo su se uvećavali brojevi, suprotno od onoga što su se zalagale i prethodne Vlade pa me zanima taj mehanizam, način ukidanja zapravo parafiskalnih nameta koji se nameću sve više i guše inicijativu, dakle privatnu inicijativu i investitore itd i mnogi od njih odustaju a zapravo mi znamo da se onaj parazitski dio administracije upravo finansira iz tih sredstava. Pomenuta je škola na Stupu, nadam se da mislimo na istu školu, a to je bilo obećanje predizborno aktuelnog načelnika da će se u naselju koji mi zovemo kolokvijalnom govoru Tibra, onoliko naselje, četvrt gradska nema škole, a u Budžetu nije to predviđeno i kada je riječ o tim ulaganjima u obrazovanje, zamislite vi znate za izreku kada negdje nešto fali to drastično nedostaje, obično se kaže to vam je kao selo bez škole. Ovdje pola grada bez škole i nisam vidio ali vidjet ćemo šta će i na koji način će uraditi ova Vlada da se ulože sredstva ili skupa sa lokalnom zajednicom na Ilidži i čekamo taj proračun i općine Ilidža. Nema u vidu i nećemo vjerovatno tražim da mi se odgovori da li će se finansirati taj projekat koji je neophodan na tom području toliki broj stanova, zgrada i da ne ulazim u takve stvari. Ali da li će se to uspjeti riješiti na neki način i započeti taj projekat. I na kraju za Ministarstvo privrede. Dugo vremena sam govorio o hotelu Maršal koji propada na Bjelašnici i to je jedan nekorektan odnos, nemaran odnos svih Vlada koje su prethodile ovoj. Znam da je bilo tu tajkunskih pokušaja da se privatizira taj hotel na atraktivnom mjestu na Bjelašnici i pitam se šta se dešava s tim hotelom? Zar nije bilo moguće da se na neki način konzervira krov, da se izdvoji Vlada, da izdvoji u svoju imovinu da uloži i da se zaštiti. Zašto nije to predviđeno, nego sasvim sigurno poslije ove zime će biti desetostruko veće štete na tom hotelu i ne znam kako ne vodimo računa i ta nebriga vezana za imovinu Kantona Sarajevo. Toliko za ovaj put. Javit ću se naravno za diskusiju. Hvala vam.

Predsjedavajući:

Hvala kolega Mariću. Zastupnica Amra Hasagić se prijavila. Izvolite imate riječ.

Poslanik/zastupnik Amra Hasagić:

Da li se čujemo? Predsjedavajući je li OK? Pozdravljam uvaženo rukovodstvo, kolegice i kolege zastupnike, članove Vlade, medije i sve one koji na bilo koji način prate rad današnje sjednice. Ja sam spremila tri pitanja i može odgovoriti resorni ministar ili sam premijer. 21 milion je izdvojen za pomoć odnosno podršku privredi zbog posljedice izazvane pandemijom, što je impozantna cifra ali mene zanima na koji način se planira realizovati ovaj vid podrške? Premijer je u svom uvodnom izlaganju pomenuo ovaj iznos ali ne i načine njegovog utroška. Moje drugo pitanje zašto je stavka „Subvencionisanje mladih pri rješavanju stambenog pitanja” nula KM? Moje posljednje pitanje zašto nisu izdvojena sredstva za finansiranje sedam institucija iz oblasti kulture u okviru Ministarstva za kulturu i sport koje su od izuzetnog značaja za KS? Hvala puno.

Predsjedavajući:
Hvala kolegice Hasagić. Zastupnica Tokić.

Poslanik/zastupnik Haris Zahiragić:
Poštovani predsjedavajući, kolegica Bišćević-Tokić je saglasna da zamijenimo diskusije pošto sam ja naredni na pitanjima, a moram ići na ovu dženazu, pa ako možemo samo zamijeniti nas dvoje uloge. Ona je saglasna, red ustvari.

Predsjedavajući:
Može, naravno. Postavite pitanje.

Poslanik/zastupnik Haris Zahiragić:
Hvala. Prije svega htio sam da pitam zašto je Budžet na hitnoj sjednici ovako u formi prijedloga predložen? Da li je razlog i da li je opravdanje njihove hitnosti činjenica da je prije mjesec dana promijenjen Zakon kojim su razdvojena i spojena Ministarstva a kada smo mi upozoravali da ukoliko to urade neće imati vremena za javnu raspravu. Neće imati vremena za redovnu proceduru Budžeta i u konačnici Budžet će biti usvojen ad hock kao što vidimo da je predložen ad hock što je mimo svih procedura i pravila. Dalje, zanima me na koji način ste povećali prihodovnu stranu na indirektnim porezima a porezu na dobit i porezu na dohodak, kada je poznato da su to porezi koje ubire država BIH i Federacija BIH. U tom smislu iako su projekcije iz države i FBIH dolazile na način da će biti manji indirektni porezi, porezi na dohodak i na dobit, vi ste povećali te prihode. Na osnovu kojih parametara? I da li kada ne budete naplatili i ostvarili ta budžetska sredstva ćete ponovo posezati za kreditima i zaduživati građane Kantona Sarajevo i djecu njihovu i unuke čak, kako ste krenuli? Treće pitanje, u Budžetu se vidjeli jasno da je Ministarstvo finansija predložilo cca 900 miliona, čini mi se 908 miliona Vladi, na osnovu procjena i parametara koji su objektivni, koji su utemeljeni na komunikaciji sa višim nivoima vlasti i koji su temeljeni na projekcijama prihoda u Budžetu. Međutim, isti dan, Vlada Kantona Sarajevo nakon što je Ministarstvo finansija reklo da je 908 realan uz sve ove kredite Budžet, podiže Budžet na 970 miliona. Želim da pitam premijera Fortu da li je to umišljani put u deficit Kantona Sarajevo po prvi put u historiji se ovako nešto dešava. Tako da molim vas da mi jasno obrazložite na koji način ste od mišljenja Ministarstva finansija koje zakonski nadležno da to predloži, 908 povećali na 980 miliona? Bojim se da ćete na ovaj način urušiti finansijsku stabilnost Kantona Sarajevo koja je vrlo pažljivo decenijama građena i nikada nije došlo u takvu situaciju kakvu ćete je vi dovesti na način na koji ste krenuli. Dalje, dok ministar Kapidžić, spomenuo ga je premijer svom izlaganju, nije obustavio kredit EBRD-a, u tom smislu moram reagovati. Dakle projekat utopljanja kreditom EBRD nije zaustavljen nego je bio loše pozicioniran, loše su bili predviđeni radovi, nadzor koji je angažovan projektant zapravo nije bio nadzor, tako da je nakon što bi se projektovale te fasade niko to ne bi nadzirao. I generalni stav tadašnje struke, ministra Kapidžića koji je jedan ozbiljan arhitekt i urbanista, je bila da taj kredit se realizira na takav način je pripremljen da će te fasade propasti za par godina. I oni su uložili dodatne napore, za ista sredstva, za iste pare su puno bolji projekat napravili koji je dočekao vas premijeru Fortu, i u tom smislu, koliko para ćete vi para utrošiti za taj projekat? Peta stvar šta je sa subvencijama za mlade? Ja sam zaista šokiran da po prvi put nakon što su u kontinuitetu trajala subvencije prošli put kada je ranija Vlada smanjila, zapravo promijenila uslov subvencioniranja čuli smo iz opozicije mnogo kritika na taj račun. Iako je prošle godine čini mi se izvršeno 1,9 miliona za subvencioniranje stanova mladih, ovoga puta vi ste predvidjeli nulu. Molim vas odgovorite zašto ste predvidjeli nulu? Ja sam vidio da ste vi planirali stambenu izgradnju stanova za mlade, što je zapravo bila vizija i ideja ministra Kapidžića i ranije Vlade, međutim ovaj period dok se to ne riješi, mladi koji čekaju, koji su prošle godine kupili stan i koji su se nadali toj subvenciji, će prema vašem mišljenju, prema vašem Budžetu

dobiti nula KM? I želim da vas pitam na osnovu čega ste to uradili i kako ćete pogledati te mlade ljude u oči koji taj iznos od 10.000 KM zaista puno znače. Pogotovo u uslovima pandemije kada su mnogi od njih koji su digli kredite ostali čak i bez posla? Šesto pitanje zapravo jeste, vidjeli ste da je tema aktuelna pitka voda u Kantonu Sarajevo. Prema izvještajima, javnost je bila vrlo zabrinuta, ta pitka voda je ugrožena i mislim da bi to u konsultacijama s ekspertima bilo riješeno ovom kanalizacionom mrežom. Koliko vidim vi tu kanalizacionu mrežu niste predvidjeli niti jednu marku za nju. U tom smislu želim da vas pitam da li je vama uopšte stalo do zdravlja građana, do pitke vode, i da li ćete išta uraditi tim povodom, i da li ste u Budžetu išta predvidjeli tim povodom? Sedma stvar, za mene možda najšokantija koja dolazi do vas koji se volite često busati kulturom i koji uživate podršku dijela kulturnih djelatnika, kako je moguće da nakon što je ministar Alikadić po prvi put nakon 20 godina u suradnji sa Međunarodnom zajednicom, višim nivoima vlasti doveo pravnu situaciju do toga da sedam institucija od značaja kulture mogu opstati, ne predvidjeti niti jednu jedinu marku za njih. Sramotno premijeru Forto i svim članovima Vlade. Ja vas pozivam da ispravite tu grešku, i taj skandal koji ste uradili i da te stvari predvidite u Budžetu jer kultura i te značajne ustanove za kulturu su uslov opstanka ove države, jer narod koji ne poštuje svoju kulturu, svoju historiju, svoju tradiciju nema šansu. Nema perspektivnu budućnost. Osmo pitanje, da li je razlog i povećanje granta za nauku, koji je evo kako kažu prošlogodišnji vrlo sumnjivo dodijeljen prema medijskim natpisima i nekim mišljenjima iz Ministarstva obrazovanja, povećan i da li je razlog zbog tog povećanja što je Sifet Kukuruz kao pomoćnik ministra koji se starao za zakonitost i tog i svakog drugog granta, po Zakonu prebačen u drugo Ministarstvo. Prema najavama kolega iz Skupštine treba biti prebačen u komunalno. Deveto pitanje, kako je to moguće da u sred korone povećavate 80.000 KM na poziciji granta predsjedavajućeg? Nije malo 80.000 KM da predsjedavajući, uz dužno poštovanje, ja vjerujem da bi on za razliku od ranijih predsjedavajućih, te grantove pravedno i časno dijelio. Odakle da je to prioritet a nema marke za stambene subvencije mladima? I posljednje pitanje, zbog činjenice da nemam vremena, a ostala ću kroz diskusiju kazati u kabinetu premijera je smanjen broj zaposlenih. Međutim povećan je iznos plata za zaposlene. Pa želim da pitam premijera na koji način iako je smanjen broj zaposlenih je povećan trošak na plate, da li planira povećanje plata ili sistematizaciju kojom bi obezbijedio da ti zaposleni u kabinetu premijera imaju mnogo veće plate ili planira ugovore o djelu, koji su visoki, kao onaj što je bio u ZOI od 5000 KM; što je također rezultat vaše Vlade šestorke. Hvala.

Predsjedavajući:

Hvala kolega Zahiragić. Zastupnica Bišćević-Tokić je prijavljena za pitanja. Izvolite.

Poslanik/zastupnik Jasmina Bišćević-Tokić:

Zahvaljujem predsjedavajući. Imam da kažem nekoliko sličnih pitanja koje su kolege već postavile u ranijim pitanjima ali evo da ponovim. Zašto i Vlada Kantona Sarajevo nije ispoštovala projekcije o poreznim prihodima koje dolaze od strane Federalnog Ministarstva finansija kada je pripremila ovaj Budžet? U odnosu na oko 430 miliona KM koliko iznose prihodi od PDV, to je otprilike cca oko 10%. zašto je Vlada Kantona Sarajevo ignorisala projekcije Federalnog Ministarstva finansija u tolikoj mjeri, kao što sam već rekla 10% i tražim da mi u suštini navedu razlog zbog kojeg je tako nešto urađeno. Dalje, da mi premijer odgovori na pitanje u obrazloženju Budžeta na strani 2, pod stavkom obrazloženje, povećali su Budžet za prvobitnih 909 miliona KM na 974 miliona, što je povećanje za 65 miliona. Zanima me da mi decidno kaže iz kojih izvora je to povećanje? Za parafiskalne namete već su moje kolege Čelik i Zvonko Marić rekli, zanima me na pozicijama koje se odnose na tu inicijativu a mislim da je moja uvažena kolegica Vildana Bešlija takvu inicijativu dala, a to su prihodi od administrativnih sudski taksi, na strani 4 Budžeta, gdje je vidljivo smanjenje parafiskalnih nameta, pošto nije po ovom Budžetu uopšte planirano, naprotiv. Pa da mi kaže

premijer da li je to samo bila populistička inicijativa ili ne podržava stav svoje kolegice? Kolega Zahiragić je već pitao za kabinet predsjedavajućeg da tekući transferi pojedincima i neprofitnim organizacijama rastu za 90.000 KM. Prethodni predsjedavajući Skupštine, gospodin Čelik je na toj poziciji imao 16000 a novi predsjedavajući ima 106.400 KM zanima me da mi objasnite koji je razlog tog povećanja pogotovo zato što znamo da je privreda ugrožena zbog covid-19? Pozicija putnih troškova na kabinetu premijera. Na toj poziciji je bilo oko 500 KM kada je bio premijer Nenadić na čelu ove Vlade. Sada je to 7000 KM što u suštini predstavlja povećavanje za 6500 KM. Pa me zanima je li to jedno od ograničenja upotrebe svih benefita iz njegovog Ekspozea koji nam je predlagao? Zatim zdravstveno osiguranje trudnica i porodilja, koje je da kažem njegova Vlada prije dvije godine usvojila za obavezno zdravstveno osiguranje porodilja, bilo je 100.000 KM a sada se smanjuje na 20.000 KM. Zanima me razlog zbog čega smanjuje ovu stavku za 80.000? pitanje za ministra zdravstva, kapitalni transferi za KCUS su nula KM u ovom Budžetu. Zanima me zbog čega je to? Da li je odluka koju je ministar zdravstva donio stvar političke prirode? Svjedoci smo da medicina svake godine napreduje i da ne smijemo prestati ulagati u opremu. Naravno mislim i na novu opremu i na zamjenu postojeće, znamo da je KCUS najveća zdravstvena ustanova čiji je i suvlasnik KS, i da li može javno reći ministar zdravstva u suštini građanima Kantona Sarajevo da u suštini prestaje u ulagati u takvu zdravstvenu instituciju. U Ekspozeu ove Vlade bilo je da se daje podrška za natalitet. Pa me zanima dami premijer Forto kaže gdje je on stavio da kažem za svaku novorođenu bebu po 1000 KM u ovom Budžetu, ja nisam mogla da nađem. Također za dječji doplati koji je govorio. Pa evo ja bih volila da tako nešto preusmjerimo da kažem sa stavke helikopterske jedinice i da stavimo na socijalnu pomoć. Npr kako bi mogli izravnati primanja porodilja koje su zaposlene i koje nisu zaposlene. I ono što je kolega Haris Zahiragić već rekao da šokantna je stvar da će ova Vlada postati grobar kulture. Da ništa u Budžetu Kantona Sarajevo nije planirano za sedam takvih institucija. Smatram da bi trebalo povećati na kapitalna ulaganja a ne totalno ih ukinuti. I evo ako se još nešto sjetim, puno je pitanja, za sada predsjedavajući toliko što se tiče mene. Zahvaljujem.

Predsjedavajući:

Zahvaljujem se kolegici Bišćević-Tokić. Sljedeća zastupnica prijavljena za pitanja uvažena zastupnica Jasna Duraković.

Poslanik/zastupnik Jasna Duraković.

Da li se čujemo predsjedavajući? Zahvaljujem predsjedavajući. Naravno srdačan pozdrav za sve kolegice i kolege danas prisutne na ovom skupštinskom zasjedanju kao i sve one koji prate rad današnje sjednice. Evo za ovaj dio sjednice, imam samo dva pitanja. Prvo pitanje je upućeno premijeru, tj Vladi Kantona Sarajevo, tj zanima me da li ste razmotrili i da li ćete uvrstiti amandman koji su smo podnijeli jučer na prijedlog Budžeta Kantona Sarajevo? Riječ je o amandmanu koji tretira pitanje opremanja studentske učionice, tj studentskog kabineta u Studentskom domu Bjelave. U nekom minimalnom iznosu od 10.000 KM. Neću čitati naravno čitav amandman. Vlada je to već primila k znanju, samo me zanima da li mi možete odgovoriti da li će taj isti biti uvršten i da li će ta sredstva biti alocirana sa pomenutih ekonomskih kodova u ukupnom iznosu od 10.000 KM za ovu namjenu. Drugo pitanje je, s obzirom da je ponovo nejasno u Budžetu bilo činjenica naravno da je formiran novi resor, Ministarstvo za visoko obrazovanje i nauku, tako da se spominju tekući transferi, mene zanima šta podrazumijevamo pod tom stavkom? Zašto su ta sredstva namijenjena, jer se nigdje ne spominju Studentski domovi, kako Nedžarići tako i dom Bjelave? Koja su to sredstva i kao dopuna tom pitanju, zanima me šta je sa projektom utopljanja studentskog doma Bjelave? Ovo pitam iz razloga što sam se lično uvjerila sa zajedno sa svojom kolegicom Bilsenom Šahman i kolegom Vedranom Jakupovićem koji smo posjetili studentski dom Bjelave. Uvjerili se u katastrofalne uvjete u kojima studenti žive, gdje evo sada konkretno u

ovom zimskom periodu čak nemaju ni adekvatno grijanje. Dakle to sramota svih nas, i zanima me evo koja su to sredstva ako jesu, koja su predviđena za projekat utopljavanja studentskog doma Bjelave. I da li to podrazumijeva pod ovom stavkom tekući transferi? Samo da mi to objasnite i kada planiramo realizirati ovaj projekat utopljavanja? Toliko i zahvaljujem.

Predsjedavajući:

Hvala kolegice Duraković. Zastupnica Segmedina Srna Bajramović, imate riječ. Izvolite.

Poslanik/zastupnik Segmedina Srna Bajramović:

Hvala predsjedavajući. Pozdravljam sve prisutne. Pa evo ja sam svoja pitanja nekako koncipirala po ministarstvima, i tako bih zamolila i da mi ministrice i ministri odgovore na ista. Najprije pitanje za Ministarstvo finansija. U obrazloženju korekcije prihoda Budžeta, navodite kako će se u godini pred nama vratiti optimizam te da će se stanje u privredi značajno normalizirati u sljedećih 12 mjeseci. Zanima me na bazi kojih konkretnih parametara to očekujete? Ako praktično nismo ništa uradili u smislu vakcionisanja kao važnog preduslova i činjenice da sva naša međunarodna tržišta idu u najveći lock down od početka pandemije? Sljedeće pitanje izdaci za obaveze po kreditima i otplate dugova planirani su u iznosu od 25.286.022 KM. Koliki je ukupan dug Kantona? Te kakva je struktura istog i rodnost? Da li Budžet predviđa finansiranje prava iz svih potpisanih kolektivnih ugovora, također je moje pitanje za ministra finansija? Dalje, pitanje za ministra privrede. Koje konkretne aktivnosti predviđa rasta od 3 miliona KM, sa 9 na 12 na stavci tekući transfer KSC Skenderija, ZOI'84, hotel Maršal, zaštita podsticaju razvoju male privrede, zapošljavanje mladih, podrška razvoju IT industrije i ostali transferi iz oblasti industrije. Dalje, da i će aktivnosti koje nas očekuju u okviru zaštite vodotoka i tretman animalnog otpada biti zadovoljeni u smislu smanjenog finansiranja sa 3,7 miliona na 1,3 miliona KM. Sljedeće pitanje, rehabilitacija ski centara Bjelašnica i Igman umanjena je sa 2,3 miliona KM na 800.000. uzimajući u obzir informacije koje imamo u javnosti, pitam šta je konkretno planirano uraditi a ovih 800.000? još jedno pitanje za ministra privrede, odnosi se na kapitalne projekte iz šumarstva, sa 6.824.497 na milion u ovom Budžetu? O čemu se konkretno radi kada je u pitanju ovakav nivo umanjenog ulaganja, je li to podrazumijeva da je pa da kažem investicioni ciklus završio s prošlom godinom? Prelazim na Ministarstvo zdravstva. Pitanje za ministra. Da li Budžet planira sredstva za višegodišnji štrajk zdravstvenih radnika? Drugo pitanje, ukupna raspoloživa sredstva Ministarstva smanjena su sa 22 miliona na 13 miliona. Pa me interesuje šta to umanjenje konkretno podrazumijeva u smislu najavljenih reformi? Posebno uzimajući u obzir da kapitalni transferi sa 16 miliona iz 2020 godine padaju na 8 miliona u 2021 godini. I treće pitanje, da li Budžet planira sredstva za realizaciju projekta zdravstvenog osiguranja za svu našu djecu? Prelazim na pitanja za MUP. Odnosi se na nabavku opreme Ministarstvu sa 2 miliona na 80.000. iskreno iznenadio me je procenat umanjenja, jednako kao i stavci sredstva za realizaciju prioriteta 1 iz Akcionog plana koja je sa 2,5 miliona pala na milion, pa pitam da li će se to odraziti na kvalitet realizacije predmetnih aktivnosti iz Akcionog plana? Jedno pitanje i za ministricu pravde. Zašto u Pravobranilaštvu u odnosu na prošlu godinu rastu izdaci za komunikaciju i komunalne usluge, nabavka materijala i sitnog inventara sa 100% izda energije 50%? da li je prethodna godina bila nerealno planirana? Ministarstvo za boračka pitanja. Šta podrazumijeva smanjenje stavke troškovi rente i uređenja za objekte boračke populacije za 300.000 i realizacija projekta od interesa za boračku populaciju u saradnji sa neprofitnim organizacijama za 200.000? da li se u ovom momentu zna šta tačno podrazumijeva ovo umanjenje? Sljedeće pitanje, na koji se stambeni fond konkretno misli kada je u pitanju rast stavke za otprilike 3 miliona KM a koja se odnosi na kupovinu stanova za boračku populaciju? Ministarstvo saobraćaja. Da li predviđenih 44 miliona subvencija za javni prijevoz i vraćanje dugova u 2021 godini podrazumijeva i konkretan plan reorganizacije

firme u cilju konsolidacije iste, ako jeste šta konkretno i u kojim rokovima? Zanimalo bi me i zamolila bih odgovor koji se odnosi na sljedeće pitanje: izgradnja i rješavanje imovinsko pravnih odnosa na primarnim gradskim saobraćajnicama sa 14 miliona prošle na 0 KM ove godine. Izgradnja i rješavanje imovinskih sa 10 miliona prošle na 0 ove godine. Izgradnja zgrade na južnoj longitudinali sa 5 miliona na 0? jel si ove aktivnosti mogu smatrati završenim ili su prošle godine bili prevara? Ili se odustalo? Ili jednostavno ima neki drugi konto koji je to obuhvatio po nekoj novoj metodologiji, što ja nisam možda i vidjela, prihvatam. Šta je sa stavkom izgradnjom i opremanjem tramvajskih stajališta za kontrolisanu naplatu karata i uvođenje elektronskog sistema naplate koja je ove godine 0 a prošle 11 miliona? Stavka rekonstrukcija i održavanje sa 26 miliona 10 miliona? O čemu se ovdje konkretno radi? Usporavamo realizaciju projekata, prilagođavamo je realnosti ili nema više potrebe za istom u ranijim iznosima. I dopustit ćete mi na kraju kao predstavnica većine koja je podržala ovu Vladu moram vas pitati za koliko kratkoročnih mjera i principa četvorke su obezbjeđenja sredstva u Budžetu, a za koliko nije? Molim da mi taksativno navedete kao i razlog za svaku mjeru za koju nisu uvrštena sredstva i zašto nisu? Toliko. Zahvaljujem.

Predsjedavajući:

Hvala kolegice Srna Bajramović. Zastupnica Neira Dizdarević ima pitanje.

Poslanik/zastupnik Neira Dizdarević:

Hvala predsjedavajući. Ja također imam par pitanja. Neka su već postavljena od strane mojih prethodnika, neka ću i ponoviti. Da li su planirana sredstva u iznosu od 20.000 KM dostatna za zdravstveno osiguranje trudnica i porodilja? Znamo da nakon što je moja inicijativa usvojena planirana su sredstva od 100.000 KM da li sada imamo neko izvršenje, odnosno podatke koje pokazuju da će ova sredstva biti dovoljna? Vjerujem da je teško naravno prognozirati ali evo neki trend mi smo već do sada morali imati. Moje drugo pitanje koji iznos sredstva je planiran za inkluziju, ako može analitički. Da li Vlada planira dugoročno riješiti pitanje angažmana asistenata u nastavi djeci sa poteškoćama, jer prema dosadašnjoj praksi asistenti u nastavi su angažovani na po četiri mjeseca, što naravno je svaki put dodatna neizvjesnost i izvor stresa kako roditeljima tako i djeci sa poteškoćama, da li će njihov angažman biti pravovremeno osiguran? Treća pitanje da li će se iznaći sredstva za nabavku mamomata, odnosno mamografa za Zavod za žene i materinstvo u nekoj od organizacionih jedinica? Sa žaljenjem moram konstatovati da je iznos za preventivno zdravstvenu zaštitu smanjen. Pa evo zanima me da li će se na ovaj način pokušati barem neka prijedok potrebna oprema nabaviti s obzirom da su me kontaktirali iz Zavoda. Da li će otvoriti konačno rentgen odjel u Hitnoj? Godinama smo podnosili inicijativu a nabavku RTG aparata kako bi građani Kantona Sarajevo ovu uslugu mogli dobiti u Hitnoj a ne da Hitna obnaša doslovno rečeno taksi službu do Opće bolnice i KC? Da li je planiran povrat naplaćenih sredstava studentima koji borave u studentskim domovima a koji su prošle godine u mjesecu martu iseljeni iz domova nakon što je nastupio lock down? A za prethodno su unaprijed uplatili sredstva također studenti su se obratili sa ovim pitanjem, pa voljela bih dobiti i odgovor. I pitanja vezano za 21 milion KM pomoć privredi, kao i subvencioniranje kupovine stanova za mlade osobe su već postavljena pa evo neću ih ponavljati. Toliko. Hvala.

Predsjedavajući:

Hvala kolegice Dizdarević. Zastupnica Vildana Bešlija je sljedeća. Imate riječ. Izvolite.

Poslanik/zastupnik Vildana Bešlija:

Hvala predsjedavajući. S obzirom da je redovno finansiranje udruženja od kronove bolesti trebalo biti nastavljeno i u 2020 godini a na žalost to nije (smetnje) bio slučaj (smetnje) Vlade zato u ime članova ovog Udruženja ostavljam pitanje da li će sredstva u iznosu kojem

su oni aplicirali to je nekih 11.000 KM koji je njima potrebno za redovno finansiranje tokom godine, biti obezbijedena u Budžetu? Napominjem da se radi o jedinom udruženju koje okuplja ovu populaciju u Kantonu Sarajevo i da ispunjavaju član 5 Uredbe o kriterijima za finansiranje programa i projekata neprofitnim organizacijama i udruženjima koja se finansiraju iz Budžeta Kantona Sarajevo u kojem se kaže projekti i aktivnosti udruženja koja se bave hroničnim, neizlječivim somatskim oboljenjima, autoimune i rijetke bolesti, koje ostavljaju trajni invaliditet. A oboljeli su u stanju potrebe. Hvala.

Predsjedavajući:

Hvala kolegice Bešlija. Zastupnica Amra Junuzović-Kaljić.

Poslanik/zastupnik Amra Junuzović-Kaljić:

Hvala lijepo predsjedavajući. Nadam se da se dobro čujemo. Prije svega želim srdačno da pozdravim sve učesnice današnje sjednice Skupštine Kantona Sarajevo i naravno građane Kantona Sarajevo. Ja ću postaviti dva pitanja od kojih ustvari pitanje će također biti praktički amandman na Budžet 2021 i osnova za moje ovo prvo pitanje koje je upućeno i Vladi i Ministarstvu zdravstva je činjenica da je u Nacrtu Budžeta 2021 na razdjelu Ministarstva zdravstva kapitalni transferi, nabavka opreme za DZ, tj nabavka frižidera za čuvanje vakcina i druge opreme, dakle što se odnosi na rekonstrukciju hladnoga lanca, za skladištenje i distribuciju vakcina, zastupljeno sa 0. u Budžetu 2020 je na toj stavci bilo 400.000 KM. I također je upućen jedan projekat koji predviđa veliku odnosno odgovarajuću komoru kapacitete koji bi odgovarao Kantonu Sarajevo, kapaciteta za smještaj vakcina i hladni lanac koji podrazumijeva opremu odnosno frižidere za čuvanje vakcina na vakcinalnim punktovima. Dobar dio te opreme je zastario a opet napominjem da Kanton Sarajevo nema odgovarajući veći kapacitet smještaja za vakcine. Ustvari ja ovim putem želim da napomenem kolika je važnost ove opreme, posebno evo i u kontekstu vakcinacije protiv SARS-COVID 2 vakcine gdje bi nam ta oprema i te kako dobro došla. Znači to je prvo pitanje. A kažem najavljujem ovim putem i amandman, pogotovo zato što je a tom razdjelu 0 KM predviđeno i također i projekcije Budžeta za 2022 0 KM. Drugo pitanje upućujem prema Ministarstvu rada i socijalne politike. Odnosi se ustvari na finansiranje Sigurne kuće. Značaj Sigurne kuće za smještaj zlostavljanih žena, djece, djevojaka itd. Svima je poznat. Moguće je da ukoliko sam vidjela u Budžetu nije predviđeno finansiranje barem ako posebna stavka, moguće je da sam to i propustila obzirom da su neke stvari kumulativno predstavljene. Mi znamo da je Sigurna koja je otvorena 1999 i koju Kanton Sarajevo započeo sa finansiranjem 2001 godine sa nekih 10% postepeno je raslo i u skladu sa porastom cijena smještaja, što obuhvata sve i hranu, lijekove, higijenske potrepštine i odjeću za djecu, režije objekta itd. Finansiranje Sigurne kuće od strane Kantona Sarajevo iz Budžeta bilo je 65%. moguće da nisam našla tu adekvatnu, pošto je kumulativno dosta toga predstavljeno, tako da evo moje pitanje ustvari finansiranje Sigurne kuće. Hvala lijepo.

Predsjedavajući:

Zahvaljujem se. Sljedeća zastupnica Bilsena Šahman ima riječ. Izvolite.

Poslanik/zastupnik Bilsena Šahman:

Hvala predsjedavajući. Evo ja ću se baš nadovezati na koleginicu Amru za pitanje ministrici rada, socijalne politike, raseljenih lica i izbjeglica da li su sredstva koja su planirana bila u Budžetu u nacrtu Budžeta Ministarstva za rad za 2021 godinu i koja su bila namijenjena da se troškovi boravka korisnika Sigurne kuće finansiraju u iznosu od 100% umjesto dosadašnjih 65 ili 70% kao i sredstva za finansiranje rada Udruženja dajte nam šansu, koje pruža usluge koje su od javnog značaja u Kantonu Sarajevo i pomaže djeci i odraslima sa poteškoćama u razvoju i njihovim porodicama i bio je prijedlog u Budžetu Kantona Sarajevo. I mi smo tu

inicijativu jednoglasno podržali da ide na finansiranje iz Budžeta udruženje jer je od javnog značaj. Interesuje me koliki je novac predviđen tu jer znamo da oni ne mogu funkcionisati ispod 300.000 KM. Također interesuje me da li je Ministarstvo za rad i socijalnu politiku da li su predviđena sredstva za kupovinu zgrade na Otesu koja je decenijski problem ovog Kantona zbog nerealno visoke zakupnine koju Kanton plaća za njega i da li se obezbijedila ta predviđena bankarska garancija koja bi bila potrebna da se ide u kupovinu tog objekta? Vladu Kantona Sarajevo odnosno premijera Kantona Sarajevo bih pitala da li dobili, pretpostavljam jesu, molbu za finansijsku podršku Zavoda Pazarić, odnos Zavoda za zbrinjavanje mentalno invalidne djece i omladine u Pazariću, da li ćemo podržati kao Kanton? I za ministra zdravstva pitanje. Za medicinske tehničare koji su uposleni prošle godine kao djeca poginulih boraca i šehida koji su radili tokom COVID-a cijelo vrijeme za platu od 530 ili 540 KM njihovi ugovori sada ističu, da li će se naći načina da ta djeca ostanu da rade jer su najteži period proveli na prvoj liniji ka i ljekari koji su primljeni tada za ispomoć, da kažem preko Biroa. Da li će se naći sredstva da se oni zadrže u radnom odnosu? Zahvaljujem.

Predsjedavajući:

Zahvaljujem kolegici Šahman, zastupnica Admela Hodžić ima pitanje.

Poslanik/zastupnik Admela Hodžić:

Zahvaljujem predsjedavajući. Pa evo odmah na početku, mene kao i prethodne moje kolege koji su postavljali pitanja zanima također subvencija prilikom kupovine stanova za mlade da li će ova Vlada imati sluha i razumijevanja. Sada je Budžetom, naravno jeste, vidjeli smo da je iznos 0 predviđeni, međutim zanima nas da li u narednom periodu ili rebalansom Budžeta da li se ovaj planiraju izdvojiti određena sredstva za te projekte i programe? Moje drugo pitanje upućeno je ministru privrede. Postavile su već kolegice pitanje za izdvajanje za privredu, podsticaj privredi 21 milion. Zanima me također da nam ministar Delić obrazloži detaljno na koji način i kroz koje projekte namjerava realizirati utrošiti ova predviđena sredstva? Pitanje također za ministra privrede, pošto je u novoj Vladi kojoj sam ja dala podršku, a u prethodnoj Vladi nije bilo razumijevanja za određene stvari, uputila sam inicijativu 18.05. na radnoj sjednici, a tiče se zanimalo me da se provede ankete za privrednike Kantona Sarajevo na koji način očekuju pomoć Vlade koja ih je prilikom pada prometa i pandemije koja nas je zadesila i svih nedaća koje su imali. Pa ovako, provedena je anketa i dobila sam odgovor određeni broj privrednika očekivao je finansiranje plaća radnicima, u iznosu 79,3% privrednika se izjasnilo da očekuje taj vid pomoći. Zatim dodjela grantova u cilju održavanja poslovanja 44,8%. odgodu plaćanja kreditnog zaduženja 29,6% privrednika se izjasnilo da očekuje, dodjela novih povoljnih kredita 19,7%, i posljednje što mi je jako bitno, privrednici su očekivali naknadu štete uzrokovane širenjem pandemije 22 % se izjasnilo da očekuje naknadu štete uzrokovane širenjem pandemije. Ja sam postavila tada pitanje međutim ministar Halebić mi je odgovorio da to kao procjenu štete, ko sada to može izračunati, na šta se odnosi, da eto kao ne može se precizirati i ne može se o tome razgovarati. Samo ću vas podsjetiti na jednu činjenicu kada se radi o privrednicima koji u sklopu poslovanja imaju proizvodne pogone, da su određeni proizvodni pogoni zatvoreni u cijelosti po 14 dana, po 21 dan. Da su ljudi iz tih pogona odlazili u izolaciju. Ti pogoni su obustavljali kompletnu proizvodnu u tom periodu. Znači samo da upoznam i ostale koji nisu baš upućeni u ovu temu, tu problematiku, kada imate ugovor sa ino partnerom koji vam ugovorom definiše određene rokove, automatski ako ne ispunite jedan dan određenog roka, povlači se bankovna garancija koja za sobom povlači određenu naknadu štete. I to se podrazumijeva i smatra šetate uzrokovana pandemijom. Zanima me da li će novi ministar imati razumijevanja i uzeti u obzir razmatranje i pomoć otvoriti dijalog sa privrednicima po ovoj temi. Također me zanima nepravilnosti koje sam uočila radom u Komisiji za privrednike o tome sam sačinila i izvještaj sa članovima komisije, privrednici koji su ostali oštećeni, a ja sam podnijela inicijativu da se dopuni javni poziv i

isprave greška da se privrednicima koji su ostali bez prava naknade za određene sektore proizvodnje, koji u svom sastavu imaju proizvodne pogone, pogone skladištenja, zatim radne jedinice na građevinama, sve one poslovne jedinice koje nisu direktno vezane za promet i iz kojih poslovnih jedinica se ne odvija prodaja, i ne šalje se, nema fiskalnog printera, ne šalju se podaci u Poreznu upravu iz tih sektora, ti radnici iz tih organizacionih jedinica i njihovi poslodavci su ostali uskraćeni za naknadu minimalne neto plaće za juni i juli. Ja sam, nakon toga se desilo da se ta Uredba izmijenila, međutim da se Uredba nije izmijenila u prethodnoj Uredbi koja je do tada važila nije stajalo da se isplaćuju iz naknade po poslovnim jedinicama nego da se privredni subjekti gledaju i posmatraju i njihovo pravo da mogu ostvariti u cijelosti. Evo pitanje za novog ministra Delića da li će imati sluha, i da li će uzeti u razmatranje ovaj moj komentar i primjedbu i pitanje i da li će se eventualno u narednom periodu desiti da se ova greška ispravi i da se privrednicima namiri šteta koju su pretrpjeli? Zahvaljujem.

Predsjedavajući:

Zahvaljujem se kolegici Hodžić. Sljedeći prijavljeni dopredsjedavajući Vibor Handžić. Izvolite. Imate riječ.

Dopredsjedavajući Vibor Handžić:

Zahvaljujem predsjedavajući. S obzirom da se javljam prvi put, dobar dan svima i želim vam ugodan rad. Ja imam samo jedno generalno pitanje za premijera ili ministra finansija, apsolutno mi je svejedno ko će od njih dvojice odgovoriti na to pitanje. S obzirom da je trenutno na snazi privremeno finansiranje potreba Kantona Sarajevo koje se odnosi na prva tri mjeseca isto se finansira ko i prva tri mjeseca prethodne godine, pored toga što je jasno da u ta prva tri mjeseca prethodne godine nije bilo pandemije, ni u svijetu ni u BIH, ni u Kantonu Sarajevo, i da samim tim nema u takvom Budžetu nikakvih covid ekonomskih i zdravstvenih mjera, da li činjenica da je tada bilo s obzirom da je bilo 160 miliona KM u Budžetu više, da li može generalno takav utrošak Budžeta s obzirom da je dosta manje sredstava u Budžetu ove godine ako bi išli sa privremenim finansiranjem apsolutno do daske tako da kažem do kraja, može ugroziti finansiranje iz Budžeta generalno. Da li postoji potencijalna opasnost? Nadam se da ste me razumjeli? Zahvaljujem.

Predsjedavajući:

Zahvaljujem kolega Handžić. Ja ću iskoristiti svoje pravo da postavim pitanje. Imam pitanje za ministricu obrazovanja. S obzirom da sam podnio inicijativu prema Ministarstvu obrazovanja vezano za sanaciju fiskulturne sale u OŠ Mehmedalija Mak Dizdar, dostavit ću i amandman do kraja rasprave pa molim Vladu da mi odgovori da li je moguće da ova sanacija se predvidi u prijedlogu Budžeta za 2021 godinu na koji način? Zatim imam pitanje za ministra finansija ili premijera, možete li mi odgovori šta je sa mojim amandmanom koji sam podnio vezano za samofinansirajuće studente koji su položili sve ispite iz prethodne godine u prosjeku većem od 8,0 i više, kao covid mjeru za vrijedne studente. Pitanje bi glasilo u kojoj će mjeri nova Vlada Kantona Sarajevo podržati samofinansirajuće studente koji su ostvarili prosjek 8,0 i više s obzirom da su neki morali platiti čitav iznos kao npr na Stomatološkom fakultetu, dok je većina fakulteta naplatila samo prvu ratu studentima u skladu sa prethodnim Zaključkom Skupštine Kantona Sarajevo. Mogu li studenti očekivati uplatu preostale dvije rate i refundiranje dvije rate onima koji su morali sve izmiriti ono što su im fakulteti dostavili? Evo molim odgovore za ova dva pitanja. Hvala.

Evo imamo prijavu dopredsjedavajućeg Vibora Handžića, izvolite.

Dopredsjedavajući Vibor Handžić:
Predsjedavajući zahvaljujem. Evo jedno logično pitanje (smetnje).

Predsjedavajući:
Oprostite molim vas, možete li ponoviti nismo vas ništa čuli.

Dopredsjedavajući Vibor Handžić:
Zastupnici i zastupnice postavljali, pretpostavljam da i Vladi.

Predsjedavajući:
Kolega Handžić možete li ponoviti? Imali ste tehničkih smetnji.

Dopredsjedavajući:
Pa pitam s obzirom da je stigao veliki broj pitanja zastupnica i zastupnika, potrebna pauza? Da li me čujete? Dakle predlažem pauzu u kojem god vi procijenite da Vlada može odgovoriti na pitanja jer je zaista ogroman broj pitanja od zastupnika i zastupnica stigao.

Predsjedavajući:
Slažete li se za pauzu od sat vremena i možemo je iskoristiti za ručak? Evo na prijedlog dopredsjedavajućeg Vibora Handžića pauza od sat vremena, molim zastupnike da se izjasne. Služba će pripremiti anketu. Zaključujem glasanje.
25 ZA, protiv i suzdržanih ništa. Konstatujem da je prihvaćen zahtjev za pauzu. Nastavljamo u 15,50. Hvala.

NASTAVAK NAKON PAUZE

Predsjedavajući:
Nastavljamo dalje sa sjednicom. Ja bih sada zamolio nekoga ispred Vlade da ponudi odgovore na postavljena pitanja zastupnika i zastupnica.

Premijer Edin Forto:
Zahvaljujem predsjedavajući. Samo malo da stavimo. Ja ću dati odgovor na neka pitanja a onda će ministri i ministrice dati odgovore a nakon toga ćemo možda onda opet imati potrebu za nekim pojašnjenjima pa možda opet zatražim riječ na kraju. Želim prvo zastupnicima da se zahvalim velika većina pitanja su bila konstruktivne prirode. Neki najavljeni amandmani mi ćemo objasniti na način da se neke stvari već nalaze u Budžetu i neće biti potrebe za amandmanima pa ću vas zamoliti da u skladu sa skupštinskom procedurom da se ne izjašnjavate o njima i da ih ne predlažete. Ali hoću vam reći još jednu stvar koja je sistemska, gdje se nekoliko zastupnika postavilo pitanje da li se određene stavke, npr trudnice, Kronova bolest, imamo još nešto mislim da je u zdravstvu bilo, doći ću do toga, mi smo 2019 kada smo radili Budžet uveli novu praksu gdje veliki broj stavki se radi na agregiranim pozicijama koje se onda programom Vlade raspoređuju dalje. Mnogo od vaših pitanja su na tim agregiranim stavkama. To je dobra stavka da bi Vlada mogla lakše upravljati sredstvima u toku godine kako bi izvršenje bilo bolje. Ja sam sretan da je prethodna Vlada gospodina Nenadića nastavila ovu praksu i mi naravno i dalje nastavljamo ovu praksu. Pa ću u tom smislu za nekoliko vaših pitanja reći da se one nalaze već u postojećim stavkama samo nisu ono kako vi kažete obojene za određenu namjenu, ali će se programom Vlade naći u skladu sa zakonskom procedurom donošenja programa na Vladu. Što se tiče pitanja gospodina Devića oko migrantske krize, tačnije oko zaključaka koje smo donijeli, u smislu materijalnog oprema policije i video nadzora na lokacijama i bar migrantskih kampova. Želim reći da je zaključak na toj posebnoj sjednici bio takav da ćemo mi zajedno sa IOM-om proći kroz sve naše potrebe

svih naših resora, tu se radi o saobraćaju za uvođenje pojačavanje linija javnog prijevoza kao i ovaj vide nadzor koji je par puta pomenut. Želim reći da će se to naći u razgovorima u narednom periodu. Mimo toga također uprava policije ima velike agregirane stavke za opremanje tzv Akcionog plana gdje je višemilionski iznos gdje će oni moći finansirati video nadzor i na postojećim stajankama. Ali mi ćemo također skladu sa zaključcima razgovarati sa IOM-om šta će oni nama pokriti od ovoga. Evo mislim da sam odgovorio na pitanja dva ili tri zastupnika koji su također postavili ovo pitanje. Zastupnik Čelik je pomenio i mislim da su još neki pomenuli istaknuta firma kao parafiskalni namet. Mi smo kao i neki načelnici u ovoj predizbornoj kampanji na ovim zadnjim izborima govorili su kako je to jedan od besmislenih nameta na privredu, posebno na malu privredu jer neke opštine usvoje od 500 do 1000 KM malim privrednicima samo zato što na svojim poslovnim prostorima imaju ime svoje firme što je potpuno besmisleno. Moram vam reći da je ovo prihod kojim ne raspolaže Kanton. Ovo su opštinski prihodi i opštinski parafiskalni nameti i oni imaju pravo u skladu sa Ustavom da ovo propisuju. Ono što će Vlada Kantona Sarajevo i Ministarstvo finansija i Ministarstvo privrede ponuditi opštinama koje žele da surađuju da se ovi parafiskalni nameti smanjuju i postepeno ukidaju gdje možemo eventualno zajedno projektno pristupiti kako da se ti prihodi nadomjesti jer svaki put kada izuzmete ili ukinete neki parafiskalni namet nastane neka rupa u Budžetu koja se mora pokriti na drugi način, ili uštedama ili na neki drugi način. Dakle mi definitivno ćemo pružiti pomoć svakoj opštini koja želi da ukine ovaj parafiskalni namet. Također zastupnik Čelik škola na Stupu. Mislim da smo mi u prvom dijelu mandata a i prethodna Vlada postoji potrebe u lokalnoj zajednici i čvrsto stojimo iza toga je da želio školu na Stupu. Ono što je činjenica da nemamo pripremljen projekat, nisu riješeni imovinsko pravni odnos na mjestu na kojem je lokalna zajednica željela tu školu. Onog trenutka kada lokalna zajednica što joj je u nadležnosti riješi lokacija ova Vlada će i projektom i izvođenjem potpuno podržati ovaj projekat na način na koji je niz Vlada podržalo školu na Aneksu, školu na Šipu i druge škole gdje se stvarno pokazala potreba u lokalnoj zajednici. Uvjeravam vas da kada bude ovaj projekat spremna da ćemo mi se uključiti u njega. Možda već ja se nadam rebalansom, koji ja procjenjujem a će biti na proljeće. Gospodin Čelik je također pitao za video nadzor, to sam odgovorio. Zastupnik Čelik je pitao koliko para je izdvojeno za smanjenje aero zagađenja. Moram reći da je ovo zanimljiv pitanje jer morao biti raditi posebnu analitiku jer sve ono što mi radimo u javnom prijevozu i sve što radimo u energijskoj efikasnosti, i sve što radimo preko nekih projekata koji su u saradnji sa Međunarodnom zajednicom, faza poboljšanja zraka. Mi ovu analitiku nismo uradili ali uvjeravam vas da svi ovi projekti koje nabrajamo i da doprinosimo tome je i dalje naše opredjeljenje. Ali nemamo tačku cifru da delegiramo sa svih škola jer bi to bila posebna analitika. Ovo pitanje je baš dobro. Također zastupnik Čelik je tražio da se sa tekuće rezerve obezbijede sredstva za dodatne vakcine. Mi imamo sredstva na ZZO za vakcinu tako da ne moramo brinuti. Ukoliko Kanton Sarajevo bude u mogućnosti, Vlada Kantona Sarajevo da na tržištu nabavi vakcine, mi ćemo tu priliku i iskoristiti. Također koristit ćemo svaku priliku da u saradnji sa vašim novima vlada dođemo do vakcina za naše stanovništvo. Hotel Marša to je zastupnik Marić rekao. To će ministar Delić reći. Zašto je ukinuta naknada za mlade. To je ona naknada koja je bila već par godina koju smo mi 2019 u svom prvom dijelu mandata posebno naglasili. A one koji ne znaju to je transfer novca za mlade bračne parove koji su već kupili stan, i oni su po kriterijima i po činjenici da su kupili stan, dobili olakšanje ili poticaj na već kupljeni stan gdje im je u našem periodu, mislim da im je isplaćeno 10000 KM po kućanstvu. Imaju i vidu da je ovaj ću sred pandemije i to je onaj kontekst o kojem sam govorio kada smo uveli tačku Budžeta, želim ponovo ponoviti u Budžetu nam dovoljno keš tzv gotovinskih budžetskih sredstava. I mi zbog toga nismo u mogućnosti mnoge stvari uraditi koje su se radile na ovaj način. Naravno da ne bi ovu populaciju zanemarili i da poticajno da potičemo zbrinjavanje mladih bračnih parova. Mi smo se odlučili da idemo kreditno u ovaj projekat kroz izgradnju stanova kroz naša dva stambena fonda i predvidjeli smo zaduženje za ovu

namjenu. Svi koji se budu po kriterijima kvalifikovali mladi bračni parovi za ove poticaje, dobit će stanove ispod tržišne cijene u iznosima u kojima se to nekada radilo sa ovim gotovinskim transferom prema kućanstvima. Znači tako smo riješili problem nedostatka tekućih budžetskih sredstava jer smo išli u zaduživanje. Zastupnik Zahiragić je opet problematizirao hitnost Budžeta. Mislim da sam odgovorio na ovo pitanje u uvodu. Mi definitivno smatramo od dana prvog dana kada smo imenovani da je Budžet bio već hitan. Žao mi je da nismo već zatekli neki nacrt Budžeta i određenu javnu raspravu koju bi mi sasvim sigurno dovršili i onda poslali u prijedlogu. Kako se to nije desilo do 31.12. mi smo insistirali da ovaj Budžet ide u hitnu proceduru. Mi možemo i hoćemo raditi rebalans na proljeće i tada možemo ispraviti sve ono što smo možda pogriješili u prvom periodu. Mislim da toga neće biti puno ali otvaramo tu mogućnost. Također zastupnik Zahiragić kako smo povećali prihode PDV? Mislim da je ovo pitao nekoliko zastupnika. Dobro, ovo ću prepustiti ministru Čičiću kada uzme riječ pa mislim da ćete biti zadovoljni odgovorom. Gospodin Zahiragić je rekao da sam ja u negativnom kontekstu pomenuo ministra Kapidžića koji je bio u prethodnom sazivu Vladu. Ja nisam pomenuo ministra Kapidžića možda je mislio na trenutak kada sam rekao da je iz nekog razloga nije postojala podrška za projekte utopljanja javnih objekata. Ja se nisam referirao ni na jednu izjavu ministra Kapidžića već na jednu istoriju u kojoj je niz Vlada od prije 2018 godine nije našao za shodno da im ovo bude u vrhu prioriteta šta smo mi uradili u prvom dijelu mandata. Evo reći ću vam primjer. Do 2019 godine broj objekata koji su utopljeni preko projekata Vlade Kantona Sarajevo godišnje je bio 7. mi smo u prvoj godini 2019 uradili 46. to je jednostavno bila naša poruka da je ovo nama prioritete ne samo u smislu ulaganja i poticaja ekonomske aktivnosti, ovo je suštinski jedna od stvari gdje se štedi energija koja na kraju utiče na smanjenje zagađenosti. Na isti način pristupamo i u budućnosti ako je kako zastupnik Zahiragić, ministar Kapidžić unaprijedio ovaj projekat preko EBRD, mi smo sretni zbog toga, ja nisam ulazio u tehničke detalje, sretni smo ako je unaprijeđen i evo najavljujem da ćemo taj projekat punog srca ispuniti možda već u ovoj godini. Zastupnik Zahiragić je također pitao za stambeni poticaj za mlade to sam već objasnio na prethodnim pitanjima. Povećanje plata u kabinetu. Bilo e kao potpitanje da li se namjeravaju povećati plate zaposlenim u kabinetu. To nije tako. Postoji u Budžetu brojka zaposlenih i to je mislim bila brojka 8 u kabinetu. Međutim postoji izvršenje stvarnog broja zaposlenih. U kabinetu premijera stvarni broj zaposlenih je mislim bio 4 od 8 mogućih. Ja sam već tražio da se smanji taj broj u kabinetu tih potencijalno zaposlenih sa 8 na 7. Ako je ovdje došlo do povećanja onda je došlo zbog namjere da se kabinet ojača. Znači to je već postoji u Budžetu i ove plate ne bi trebale biti ni na koji način kontroverzne. Ono što hoću da naglasim da se ne povećava plata nikome. Ja moram ovdje još nešto iskomentarisati. 2015 kada je bila Vlada SDA-DF zakonom su ukinuta je mogućnost savjetnika mogućnost premijera. Praktično premijer koji ulazi u kabinet ne može sa sobom dovesti nikoga i mora raditi sa osobama koje je zatekao u kabinetu. Ja sam tada kao zastupnik svim srcem podržao to ukidanje misleći da je to ušteda velika itd. Međutim sada u poziciji u kojoj se nalazim, evo ja najiskrenije moram reći, sa znanjem koje sada imam. Kada dođete u Vladu Kanton Sarajevo i treba da zajedno sa svojim saradnicima upravljate sa ovim velikim Budžetom i projektima i mogućnostima koje i ovlastima koje Kanton ima, a ne možete nikoga dovesti u smislu da vam pomogne oko projekata, oko analiza, nekoga s kojim dobro radite. Izrazito je teško ući u kabinet koji od 8 sistematiziranih ima 3 ili 4 popunjena radna mjesta. Koje uključuje i sekretaricu i nekoga ko radi na pošti itd. Evo ja moram reći da sam u radu u politici shvatio da sam možda nekada bio da sam griješio kada smo tražili da ovo radimo. Ali evo sada je situacija takva kakva jeste. Zastupnica Bišćević Tokić kako su povećani budžetski prihodi? To će ministar Čičić objasniti. Koji su izvori ovog povećanja, također. Gdje je vidljivo smanjenje parafiskalnih nameta. Postoji stavka u naknadi za šume gdje tačno 2,5 miliona prihoda smanjeno. Smanjeni su prihodi od naknada za šume za 2,5 miliona. Ovo je direktni transfer praktično iz Budžeta u privatni sektor gdje privatne firme više neće morati

plaćati u istoj mjeri kao do sada ovaj parafiskalni namet. A više o tome će ministar Delić objasniti šta on namjerava uraditi sa ovim parafiskalnim nametom u budućnosti i moram podsjetiti da se taj parafiskalni namet mora regulisati zakonski. Mi smo u prvom dijelu mandata poslali u proceduru nacrt Zakona o šumama koji predviđa izmjene u smislu tretmana ovog parafiskalnog nameta a u korist privrede a na štetu Budžeta. Zastupnica Bišćević – Tokić kako smo planirali sredstva za kabinet predsjedavajućeg? Kabinet predsjedavajućeg je dostavio zahtjev i mi smo odobrili zahtjev za sredstva kabineta predsjedavajućeg u nivou na kojem je to imao predsjedavajući Čelik. Dakle to je mjera po kojoj smo mi odobrili ta sredstva. Ako iz nekog razloga Skupština, a predsjedavajući predsjedava skupštinom, ako iz nekog razloga mislite da ova sredstva nisu dovoljna ili su prevelika ja ostavljam vama na skupštinsko odlučivanje da odlučite na koji način ćete to regulisati. Putni troškovi u kabinetu premijera. Radi se o izvjesnom povećanju. Ono što vam mogu obećati, mislim povećanje 6.500 KM. I OK je da to bude tema u ovolikom Budžetu. Ono što se dešava kod mogućnosti putovanja, ako bude morao putovati ja ću putovati. Da bih putovao to trebam platiti. Ako ne budem morao putovati, ja neću putovati. U tom slučaju ova sredstva će ostati ne utrošena. Mislim da ovo nije veliki problem za Budžet. Zdravstveno osiguranje trudnica i porodilja zašto je smanjeno na 20.000 KM. Evo odmah i još je bilo pitanja, ovo je bilo pitanje Bišćević-Tokić i mislim da je zastupnica Dizdarević pitala i još neki. Ovo je nešto što smo planirali po izvršenju iz prethodne godine. Ono što vam mogu obećati da potreba za ovim izdvajanjem bude veća da ćemo obezbijediti sredstva preraspodjelama za ovo. Ali nismo smanjili sredstva nego smo samo sveli na mjeru onoga što je izvršeno u proteklom periodu. Zastupnica Bišćević-Tokić gdje je podrška za natalitet. Mislim da će ministrica Pervulović malo odgovoriti na ovo pitanje. Zastupnica Duraković. Učionica u studentskom centru Bjelave tražila je i amandmanom 10.000 KM za ovo. Mogu vam reći da mi imao stavku koja se zove tekući transfer neprofitnim organizacijama iz oblasti visokog obrazovanja. Taj transfer je preko milion KM. 1.030.000 i ovo je agregirana stavka. Evo mogu vam obećati da ćemo na ovu namjenu izdvojiti 10.000 za opremanje ove učionice u studentskom centru i nemate potrebe za amandmanom. Gdje su tačno sredstva za studentski centar Bjelave i Neđariće, to je također pitala zastupnica Duraković. Baš u ovom projektu EBRD koji smo pominjali ranije, renovacija objekata imamo dva paviljona na Bjelavama od po 500.000 KM sada zaokružujem i preko 1 milion KM renovacija studentskog centra u Neđarićima. Ukupno preko 2 miliona KM, 2,3 miliona pardon oko 3 miliona KM, evo ispravljaju me, će biti u studentskom centru za renovacije i sve ono što ste nabrajali grijanje, što je zapušteno to ćemo riješiti putem ovog projekta. Zastupnica Srna Bajramović također pitala slično pitanje kao zastupnik Čelik u smislu analitičkog pitanja, šta ste uradili ukupno za zrak, šta ste ukupno uradili od mjera koje smo mi usvojili kao program ove Vlade. Želim najaviti da ćemo mi svaki kvartal, znači svaki kvartal ćemo vas izvještavati o izvršenju mjera. To smo radili u prvom dijelu mandatu 2019, to ćemo raditi sada. Za potrebe Budžeta nismo radili tu analizu jer smo tek krenuli, ali ćemo vam po izvršenju raditi svaki kvartal ova izvještaj. Bit će dostupan vama a naravno i javnosti. Zastupnica Dizdarević je pitala ovo za osiguranje za trudnice, to sam već odgovorio. Zastupnica Bešlija je pitala za iznos za udruženje koje pomaže oboljele od kronove bolesti. Tu stavku ćemo kroz program utroška Vlade izvršiti sa stavke prevencija, očuvanje, unapređenje zdravlja stanovnika na Ministarstvu zdravstva koje sada ima 630.000 KM. I to je agregatna stavka. S ove stavke ćemo mislim tih precijenjenih 11.000 moći odvojiti za udruženje za bolesnike od kronove bolesti. Zastupnica Junuzović je pitala kako mislimo nabaviti opremu za skladištenje vakcina. Ministar Vranić može o tome. I ja predlažem također da ministar Vranić iz opravdanih razloga odgovara prvi sada kada ja završim i možemo vam odmah odgovoriti. Zastupnica Šahman da li smo dobili molbu iz Pazarića. Nismo dobili nikakvu molbu. U slučaju da se pojavi mi ćemo je razmotriti. Ono što već ima postojećih programa, Kanton Sarajevo ima svoje štićenike koji su u Pazariću, ispunjava svoje obaveze prema toj instituciji, ali u slučaju neke dobre inicijative od ove institucije možemo je zajedno razmotriti

i otvoreni smo prema tome. Zastupnik Handžić može li privremeno finansiranje ugroziti programe i izvršenje Budžeta. Može, jer trenutno po Zakonu o privremenom finansiranju značajno veća količina sredstava je u ovom trenutku na raspolaganju budžetskim korisnicima dok je privremeno, jer je prethodni Budžet bio veći za 160 miliona od ovog. Mi se nadamo da bi izglasavanjem ovog Budžeta potpuno uklonili ovu nesigurnost oko trošenja. Dakle odgovor je da. Zastupnik Okerić da li možemo sanirati fiskalnu salu OŠ Mak Dizdar. Odgovor je da, i reći ću vam odmah da postoji stavka na agregatna stavka, to je ono što sam u uvodu rekao, na Ministarstvu odgoja i obrazovanja rekonstrukcije i opremanje škola, i evo možemo vam reći da kada budemo donosili program utroška Vlade za ovu stavku da ćemo uključiti renovaciju za Mak Dizdar i ne morate, to sam vam sada rekao imate u transkriptu, ne morate ulagati amandman za ovu rekonstrukciju. I nekoliko zastupnika je pitalo vezano za ove samofinansirajuće i ove dobre studente koji imaju prosjek preko 8, to će vam odgovoriti ministrica Husić-Mehmedović. I mislim da je to što je bilo onoga što sam se ja mogao osvrnuti i što me je direktno pitano. Mislim da ćemo na kraju morati raditi još neka pojašnjenja. Predlažem da damo riječ ministru zdravstva, dr. Haris Vraniću da on odgovori na pitanja direktno postavljena njemu.

Ministar Haris Vranić:

Hvala premijeru. Uvaženi predsjedavajući i delegati, zastupnica Tokić je postavila prvo pitanje a to je zašto nisu planirana kapitalna ulaganja za KC: ja vam moram reći da je istekao mandat UO KC, sutra se imenuje v.d. UO KC. Na moje insistiranje i na slanje upita federalnom ministru zdravstva da se imenuju naša dva v.d. člana nisam dobio nikakav odgovor, odnosno ignorisani smo što se toga tiče, tako da odnosno od sutra KS nema predstavnika u upravljačkim strukturama KC. Moram vam reći da sam napokon došao i do tog čuvenog ugovora KC sa Kantonom Sarajevo u kojem sam saznao da ovo sve što smo do sada govorili da Kanton Sarajevo snosi 60 i nešto % finansiranja KC, u ugovoru jasno kaže da mi snosimo 83% svih finansijskih sredstava KC, a iz ugovora se ne vidi da je KC obavezan da nam bilo kakav dadne izvještaj o utrošku tih sredstava. Dakle pitanje je višeslojno. A druga stvar zašto još uvijek nije planirano to je zbog toga što KC trenutno na svom računu ima 11.260.000 KM a da mi ne znamo iz kojih sredstava su oni namakli ta sredstva osim ako ne budemo sada maliciozni i rekli da su ta sredstva sakupljena odnosno prikupljena na uštrb naših osiguranika. Dakle jedan odgovor, nije planirano. A evo postoji mogućnost sa tih 11.260.000 KM kapitalnih ulaganja da se izvrši koliko god hoćete unutar KC. Zastupnica Segmedina Srna mi je postavila dva pitanja u vezi osiguranja djece. Pitanje mi je nejasno, mislio sam da zastupnica Srna ipak poznaje ovu tematiku. Djeca sva, još za vrijeme bivše Jugoslavije su bila osigurana do 18 godina. To je sve preneseno i na ovu našu zajedničku državu BiH i Kanton Sarajevo. A sa europskim konvencijama o pravima djeteta i mladih to je ta dopuna skupina je povećana do 26 godina. Ovdje se ne postavlja pitanje da li je neko osiguran ili nesiguran. Ja samo tvrdim da svako do 26 godina imao knjižicu ili nemao knjižicu, ili bio osigura ili nesiguran će dobiti svu potrebnu zdravstvenu zaštitu i ova država je obavezna da snosi troškove. Nikada niko od te kategorije i populacije neće biti vraćen a mislim da nikada nije bio vraćen. Drugo pitanje je bilo da li Ministarstvo zdravstva ima budžetske mogućnosti za povećanje plata u vezi ovih sindikalnih štrajkova koji su u toku. Dakle i tu me čudi da ne poznajete da Ministarstvo zdravstva nema mogućnosti za bilo kakve isplate plata niti je to njihova nadležnost. Ovo pitanje trebate uputiti prema ZZO Kantona Sarajevo a kada dođe vrijeme za pregovore mi ćemo se naravno uključiti za pregovore o novom kolektivnom ugovoru ako bude i o koeficijentima povećanja plate svim zdravstvenim radnicima. Zastupnica Neira Dizdarević je postavila pitanje u vezi rentgen aparate u Hitnoj pomoći. Ja sam jučer obavio posjetu HP i direktoru HP, i jako konstruktivan razgovor je bio. I već je sve dogovoreno, postoji prostor, postoji rentgen aparat i ovaj Vlada će ja mislim dati

saglasnost da se angažira radiološki tehničar da bi moglo u punom kapacitetu raditi rentgenska služba kao što je nekada radila i imala sve dijagnostičke procedure. I time smanjila pritisak prema Općoj bolnici i KC. Pitanje drugo od zastupnice Neira Dizdarević da li je planiran mamograf? Da, planiran je mamograf u vrijednosti od 250.000 KM za kupovinu u tekućoj godini. Zastupnica doktorica Amra Junuzović je pitala u vezi frižidera za skladištenje ovih vakcina. Dakle oni su planirani kroz Federalno Ministarstvo zdravstva da se nabave a mi smo pokrenuli postupak i odvojili sredstava ako se izjalovi kupovina od strane federalnog Ministarstva da putem Kantona i ZZO obezbijedimo sredstva, lokacija je nađena, lokacija je jedna od da tako kažem najuslovnijih lokacija, ona će vjerovatno biti u Općoj bolnici, jer prostor nekadašnje vojne bolnice, a mi znamo kako je vojska ograničavala skladištenje svih medikamenata, dakle ima potpuno obezbjeđen prostor, uslovan, čak imaju neki frižideri koji se mogu upotrijebiti za normalno temperirane preparate. Tu su se držale opojne droge i ostalo prema tome ne trebam objašnjavati da su svi uslovi stvoreni za skladištenje tih vakcina i svih drugih ampuliranih lijekova i plan ovog Ministarstva je da bude centralno skladište tih ampuliranih lijekova i specijalnih medikamenata unutar Vojne bolnice, na prostoru koji je nekada služio za te namjene. Poslanica Bilsena Šahman je postavila pitanje u vezi ovih tehničara koji su radili i ljekara preko Biroa. Da to je već završeno i bit će im produženi ugovori za naredni period. Hvala.

Premijer Edin Forto:

Zahvaljujem. Predlažem da onda krenemo od ministra Čičića pa onda ćemo ići ovako po redu oko stola vezano za odgovore.

Ministar Davor Čičić:

Hvala premijeru. Dobar dan uvaženi zastupnice i zastupnici, ja ću krenuti redom po pitanjima koje ste dobili za Ministarstvo finansija. Gospodin zastupnik Mahir Dević i još nekoliko zastupnika i zastupnica je postavilo pitanje na temelju kojih propisa se u prijedlogu Budžeta smo povećali prihode u odnosu na projekciju federalnog Ministarstva? Prihod od poreza na dohodak i poreza na dobit planirani su u skladu sa (nerazumljivo) Federalnog ministarstva ko je smo dobili 29.10. 2020.godine i to po ne znam dobiti u iznosu 102.303.799 KM i porez na dohodak u iznosu od 158.450.189 KM. Znači to je po projekcijama Federalnog Ministarstva koje smo dobili prije tri mjeseca. Samo smo prihode od indirektnih poreza povećali za 45.378.686 KM. Razlog zašto smo to napravili jer je pad prihoda u 2020 godini u odnosu na 2019 godinu za prvih šest mjeseci bio preko 64. miliona KM. To se isključivo odnosilo na lock down koji je bio u četvrtom i petom mjesecu i dijelom u trećem mjesecu. Znači to su prihodi, punjenje prihoda je bilo manje, a mi smo planirani tih 45 miliona povećanja u ovom Budžetu što je opet za 20 miliona manje u odnosu na punjenje Budžeta 2019 godine kada nije bilo lock down i kada nije bilo pandemije. Tako da smatramo da uz poboljšanje ove epidemiološke situacije i pod pretpostavku da neće biti lock down da će se ovi indirektni porezi izvršiti. Drugo pitanje je gospodina Mahira Devića koliko ste smanjili kapitalni iznos Budžeta u procentima. U odnosu na izmjene i dopune Budžeta Kantona Sarajevo za 2020 godinu, kapitalni Budžet Kantona Sarajevo za 2021 smanjen je za 127 miliona KM. Al će ovo smanjenje biti znatno smanjeno nakon razgraničavanja svih namjenskih prihoda, tj nakon utvrđivanja konačnog finansijskog izvještaja za Budžet Kantona Sarajevo za 2021. znači ovo smanjenje neće biti ni približno ovoliko nakon urađenih razgraničenja nakon konačnog obračuna koje se mora završiti do 28.02. Zastupnica Jasmina Bišćević-Tokić na pitanje koje su konkretno stavke povećanje Budžeta za 64,9 miliona KM povećanje prihoda. Povećanje se sastoji iz sljedeće stavke, znači 45,4 miliona KM indirektnih poreza, 4 miliona povrat sredstava iz Privredne komore Kantona Sarajevo za neiskorištena sredstva u pitanju povrata, i plus 4,3 miliona iz domaćeg zaduživanja. Pored toga smanjili smo prihod za 2,5 miliona KM za naknadu za opće korisnu funkciju šuma. Isto tako u prihod smo povećali za 13,5 miliona

KM vezano za transfer iz EU pomoći privredi koje planiramo da će biti realizirano preko Vlade FBiH. Dalje, zastupnica Segmedina Srna na prvo pitanje sam već dao odgovor vezano za ovo uvećanje prihoda. Drugo pitanje struktura duga Kantona Sarajevo koliki je ukupan dug Kantona Sarajevo? Na dan 31.12.2020 godine ukupan dug Kantona Sarajevo je 151, 7 miliona KM. Od toga je glavnica 141,83 miliona KM: a kamata 9,87 miliona KM. Na vanjski dug se od toga odnosi 90,55 miliona KM od toga je glavnica 86,7 miliona KM a kamata 3,76 miliona KM. Unutrašnji prihod od tog iznosa, ukupni unutrašnji dug je 61,15 miliona KM od toga glavnica 55 miliona KM i kamate 6,1 milion KM. Zastupnica Segmedina Srna postavila je pitanje da li su kolektivni ugovori ispoštovani kroz ovaj Budžet? Što možemo odgovoriti da su svi kolektivni ugovori uvršteni u izvršenje ovog Budžeta. Još pitanje koje smo dobili zastupnik Vibor Handžić privremeno finansiranje. Znači u januaru 2021 godine je bilo manje prikupljenih prihoda u odnosu na prošlu godinu za nekih 6 miliona KM i tu objašnjenje je kako budemo primjenjivali odluku o privremenom finansiranju slučaju da se desi u naredna dva mjeseca pad prihoda koje neće moći pratiti izvršavanje Budžeta iz prošle godine mi ćemo doći u situaciju da nam možda bude ugrožena likvidnost. I zbog toga jedan od razloga za ovu hitnu proceduru je i taj, da nam ne bi bila ugrožena likvidnost ova prva tri mjeseca. Evo ovo su pitanja što sam ja sakupio vezano za Ministarstvo finansija, pa neka kolege nastave dalje.

Premijer Edin Forto:
Ministrica pravde Lejla Brčić.

Ministrica Pravde Lejla Brčić:

Dobar dan i lijep pozdrav svima. Ja ću odgovoriti na dva postavljena pitanja, jedno je bilo, nije upućeno direktno meni ali je generalno. Drugo je upućeno direktno Ministarstvu pravde i uprave. Prvo pitanje uvaženog zastupnika gospodina Mirze Čelika koji je postavio pitanje, odnosno sugerisao Vladi ukoliko postoji mogućnost da se izdvoje dodatna sredstva za Ured za borbu protiv korupcije vezano za nabavku opreme, kroz obrazloženje da ukoliko smo opredijeljeni za borbu protiv korupcije to trebamo pokazati kroz finansiranje. Ja se zahvaljujem u ime Vlade na tom pitanju i želim istaknuti da ova Vlada na koncu je i vezana i pored toga što je to je to lično opredjeljenje Vlade, vezani smo skupštinskim dogovorom nove skupštinske većine da je borba protiv korupcije jedan od ključnih prioriteta. Iz tog razloga su sredstva u ovom Budžetu za Ured za borbu protiv korupcije povećana u odnosu na prošlu godinu za 150.000, a u odnosu na zakonski minimum, sjetit ćete se da je Zakonom o prijavljivanju postupku provjere podataka o imovini nosilaca javnih funkcija propisan minimum finansiranja ureda 0.05% od prihoda u Budžetu, što bi u ovom momentu značilo oko nekih 490.000. Sredstva za Ured su planirana u iznosu od 685.000 što je za nekih gotovo 40% više od tog zakonskog minimuma. Konkretno po pitanju nabavke opreme vama je poznato da Ured ima snažnu podršku institucija međunarodne zajednice upravo u kontekstu unapređivanja softvera na kojima Ured radi, ali nabavke opreme, tako da mislim daću neće biti problema. A Vlada a vjerujem i Skupština u svakom momentu može interventno reagovati ukoliko se pojavi neka potrebe. Drugo pitanje je bilo pitanje uvažene zastupnice Segmedina Srna Bajramović vezano za povećanje sredstava u Pravobranilaštvu Kantona Sarajevo. Ja moram istaknuti da su ukupna sredstva u Pravobranilaštvu niža u ovom Budžetu za 9.430 KM u odnosu na 2020 godinu. Zamolila sam i Pravobranilaštvo da dostavi obrazloženje a na upit zastupnice. On što oni kažu i što meni apsolutno ima smisla da su u toku prošle godine izvršili nabavku opreme, te su na poziciji nabavke opreme smanjili sredstva u ovoj godini ali su tražili određeno povećanje sredstava na nabavci materijala i sitnog inventara, u prijevodu to je nabavka uglavnom papira i ostalog. Znači da Pravobranilaštvo je bilo uključeno i u zaključivanje sporazuma po vanskim nagodbama i ostale poslove za koje im je potrebno. Mislim da se ne radi tu o visokim sredstvima. Prošle godine je bilo to 4.079 KM, ove godine su to podigli 5.920 tako da ne mislim da je to neki teret za Budžet. Hvala.

Ministar Adnan Šteta:

Dobar dan svima i lijepi pozdrav. Imao sam više pitanja od zastupnice Srna-Bajramović. Prvo pitanje se odnosilo na Gras i vezano za stavku u Budžetu od 44 miliona KM koje se tiče subvencija za javni prijevoz i šta će se poduzeti u dijelu sistematizacije tog preduzeća. U oktobru prošle godine Vlada Kantona Sarajevo i Gras potpisali zajednički sporazum o regulisanju određenih potraživanja. U tom sporazumu Vlada je preuzela određene obaveze, te obaveza koje je Vlada preuzela su u Budžetu za 2021 godinu. S druge strane Gras je preuzeo određene svoje obaveze koje se tiču sistematizacije kompanije kroz neki novi način rada. Mi smo dobili prijedlog Grasa za reorganizaciju. Nismo zadovoljni sa tim prijedlogom. Vraćeno je. Tako je da u narednim danima očekujemo jednu bolju sistematizaciju koju ćemo dobiti od uprave Grasa kako bi u narednom periodu napravili niz koraka i mjera koje će dovesti do optimalizacije poslovanja toga preduzeća. Drugo pitanje je bilo vezano za stajališta i da je u prethodnom Budžetu stajao određeni iznos za stajališta i da u Budžetu za ovu godinu ne stoji nikakav iznos. Moram reći da svi projekti koji su započeti prethodnih godina i za koja su sredstva bila obezbijedena a nisu bili implementirani u prethodnim godinama i koji se prenose na ovu godinu sredstva od tih projekata se ne vide kroz ovaj Budžet nego će se vidjeti kroz razgraničenja. Vjerujem da to zastupnice i zastupnici koji su duže tu znaju na koji način to ide, tako da ta sredstva za stajališta, sredstva za garažu u Novom Sarajevu kod HP, koji su bili projekti iz prošlih godina će doći kroz razgraničenje i mi ćemo te projekte završiti u 2021 godini. Po pitanju konstatacije da Direkcija za puteve na dijelu prihoda rekonstrukcija i održavanje saobraćajnica ima ove godine 10 miliona a da je imala prošle godine 26. To nije tako. Ove godine ima 10 na toj stavci a prošle godine je imala 12. Razlika između ovih 10 i 12 jeste da su namjenska sredstva koja dolaze od Direkcije za puteve najviše iz direktnih poreza. Tu imamo nedostatak indirektnih poreza tako da je logično da imamo određena manja sredstva tu a ovih 26 miliona koje je zastupnica spomenula su vjerovatno sredstva koja su bila u rebalansu Budžeta nakon razgraničenja iz prethodnih godina koje je bilo prošle godine. I mi očekujemo u martu ove godine dodatna sredstva u Direkciji za puteve kroz razgraničenja koja nisu završena u 2020. godini. Po pitanju pravno imovinskih odnosa tj našeg opredjeljenja vezano za gradnju Prve transferzale, Devete, Južne longitudinalne, u Budžetu jasno stoji da ta sredstva postoje. Samo koji je redak ispod onoga je stajalo prošle godine iz razloga toga što računovodstveno reklo da je ovako ispravnije. Međutim da bi građani razumjeli, ja ću prostim jezikom reći par podataka vezanih za ova tri bitna saobraćajna infrastrukturna projekta. A to je da je Vlada Kantona Sarajevo kroz Prijedlog Budžeta za 2021 kroz vanjsko zaduženje, sredstva od FBIH koje nam je FBIH dodijelila, kroz primitke ili domaća zaduženja i kroz razgraničenja koja očekujemo u martu, obezbijedila blizu 145 miliona KM za rješavanje pravno imovinskih odnosa, i za konačnu gradnju zgrade na Grbavici koja će odblokirati izgradnju Južne. Tako da sva sredstva su u Budžetu i puno više nego što je bilo u prethodnim godinama tako da se tu jasno vidi naše opredjeljenje u kojem smjeru idemo. A smjer je znači da požurimo i poboljšamo značajno saobraćajnu infrastrukturu. I zadnje pitanje ko je je bilo, ono je jednim dijelom bilo konstatacija na vjerovatno na ovo prethodno pitanje koje sam sada spomenuo, da li se eventualno odustalo od nekih projekata. Znači nije se ni od čega odustalo, kao što sam rekao. Podebljani su svi projekti a da spomenem isto tako da kroz Budžet Kantona Sarajevo koji ste vidjeli i o kojem mi danas razgovaramo isto tako imamo obezbijedena sredstva za nabavku novih trolejbusa, novih tramvaja, rekonstrukciju pruge Marin dvor Ilidža, novu prugu Hrasnicu, trolejbus do Vogošće i nabavku novih ekoloških autobusa. Tako da koliko god je teška situacija Ministarstvo saobraćaja zajedno sa Vladom Kantona Sarajevo je uspjelo što najviše kroz kreditna zaduženja, inostrana i dijelom domaća, obezbijediti da svi infrasturkturorni projekti od presudne bitnosti za Kanton Sarajevo budu aktivni i da u naredne dvije godine implementiramo i izgradimo sve ovo o čemu sam ja danas razgovarao. Hvala.

Premijer Edin Forto:
Ministar Hadžiahmetović.

Ministar Enver Hadžiahmetović:

Hvala. Poštovani predsjedavajući, poštovani zastupnici, koristim priliku da vas pozdravim. Na pitanja iz oblasti ovog Ministarstva, Ministarstva komunalne privrede, infrastrukture, prostornog uređenja, građenja i zaštite okoliša, postavljeno je nekih šest pitanja. Već na tri pitanja je odgovorio i premijer a tiče se dakle aero zagađenja, tiče se stambenog zbrinjavanja mladih, i vezano za rekonstrukciju odnosno utopljavanje 40 javnih objekata preko EBRD projekta. Da dodam samo na ova tri pitanja koja već premijer rekao da kažemo da je za aero zagađenje planirano direktno na ovaj dio se planira da se utroši 1,1 milion KM. Mi smo u okviru Ministarstva formirali jedan centar za kontrolu kvalitete zraka, to će biti jedan sektor koji bi trebao kasnije da preraste u upravu na nivou Kantona. Nadamo se da će sve aktivnosti koje se tiču aero zagađenja, kontrole zraka ići jednom (smetnje) biti jedan uspješan projekat. Kada se tiče stambenog zbrinjavanja mladih, već je premijer rekao, želimo jedan drugi sistem pristupa ovoj problematici. Vlada Kantona Sarajevo će preko svog Kantonalnog stambenog fonda da učestvuje u samoj izgradnji stanova gdje će se po povoljnijim cijenama davati tim mladim ljudima ti stanovi. Negdje otprilike oko 4 miliona KM je planirano za ovaj vid finansiranja. Gospodin zastupnik Mirza čelik se osvrnu na jedno pitanje a tiče se polaganja cjevovoda i kanalizacione mreže u dijelu Osijeka Ilidža. Pa evo vezano s tim da kažem da kapitalni dio transfera prema općinama i namjenskih sredstava vodnih naknada osigurano je negdje oko 5 miliona KM: naravno tu ulazi i Općina Ilidža. Do 15.02. sve općine bi trebale da dostave svoje projekte na osnovu koji bih mi odobravali ta sredstva za trošenje. Vidjet ćemo sa načelnikom općine Ilidža da ovaj dio o kom ste vi govorili da bude u dijelu koji se može izfinansirati. Drugo pitanje također Mirze Čelika odnosio se na preduzeća koja nisu kantonalnog tipa kao što su Komunalac Hadžići, komunalna preduzeće Trnovo, Vodostan Ilijaš itd. Kanton Sarajevo sufinansira ova preduzeća iako su ona na općinskom nivou, oni imaju svoje osnivače, to su općine itd. Ipak mi vršimo subvencioniranje određenih sredstava i isplate će biti na osnovu projekata koje oni budu radili. Tako da jednostavno oni će imati mogućnost da i dalje nastave svoje aktivnosti. Neće biti uskraćeni negdje oko 800.000 KM otprilike je predviđeno za sva tri preduzeća. Još jedno pitanje uvaženog zastupnika Zahiragić Harisa bilo je vezano za pitku vodu i briga da nije se puno planirano u rekonstrukciji vodnog sistema kako sam mogao da razumijem. Moram reći da prošle godine je Vlada Kantona preko EBRD sredstava iskoristila 20 miliona KM, mnogo je zamijenjenih cijevi vodovodne mreže itd. Ove godine je planirano također novih 20 miliona KM u istoj svrhu, zamjena promjena vodovodne mreže. Osim tih 20 miliona dobili smo još 8 miliona grant nepovratnih sredstava dakle 28 miliona i ako dodamo još sad ovih 5 miliona ovih vodnih naknada, dakle 33 miliona će biti uglavnom investirano na ovu djelatnost dakle zamjenu i mislim da su to sredstva koja nisam siguran da je u povijesti Kantona Sarajevo više planirano. S tim u vezi ukoliko se ovolika sredstva planiraju, apsurd je da sada i mi ovdje iz ovakvog Budžeta i ovakvom stanju kakvom jesmo da sada dodatna sredstva planiramo. Otprilike to je ono što je bilo vezano za naše Ministarstvo. Hvala.

Premijer Edin Forto:
Ministrica Hota-Muminović.

Ministrica Naida Hota-Muminović:

Hvala lijepo. Dobar dan uvaženi predsjedavajući, dopredsjedavajući, zastupnici. Na pitanja koja se odnose na reforme Ministarstva za odgoj i obrazovanje premijer je već dao neke odgovore. Ovdje još mislim ako sam dobro upratila ostalo neodgovoreno pitanje zastupnice

Neire Dizdarević vezano za podršku inkluziji. U ovom Budžetu koji je danas pred vama inkluzija ima svoju stavku u ukupnom iznosu od 1,6 miliona KM od čega se značajan dio izdvaja za angažman asistenata u nastavi. 1,1 milion KM a ostatak 500.000 KM planiran za podršku nevladinim organizacijama koje se bave inkluzivnim obrazovanjem. Tako da bi kroz neku analitiku ugrubo izgledao ovako omjer planiranih sredstava na stavci podrška inkluziji. Pitanje je bilo da li će se krenuti u susret rješavanja pitanja angažmana asistenata. Ministarstvo je već pokrenulo određene korake i ispitujemo zakonski okvir unutar kojeg možemo ovu oblast urediti bolje. Tako da asistenti u nastavi budu već na raspolaganju sa prvim danom školske godine i da ostanu tu cijelu školsku godinu. Nadam se da sam odgovorila na ovo pitanje. Zahvaljujem.

Premijer Edin Forto:
Ministrica Husić-Mehmedović.

Ministrica Melika Husić Mehmedović:

Hvala. Uvažene zastupnice i zastupnici, hvala vam na vrlo konstruktivnim pitanjima iz kojih se ustvari vidi zajednička opredijeljenost i za unapređenje naučno istraživačke djelatnosti i poboljšanje standarda studenata i generalno visokog obrazovanja. Ja ću pokušati da sumiram nekoliko pitanja koja su došla za moj resor, iako premijer je već dao neke odgovore vrlo bitne za pitanja koja su postavljena. Prvo se ticalo zastupnik Mahir Dević i zastupnik Haris Zahiragić su pitali u vezi sa ponudom za naučno istraživački rad i njegovom iznosu koji je već naglašeno da je 3 miliona KM ove godine. U slučaju pada Budžeta zašto je toliko izdvojeno. Samo jedno skretanje pažnje, prema trenutno važećem Zakonu o naučno istraživačkoj djelatnosti iz 2016 godine u članu 8 piše da izdvajanja iz Budžeta ne mogu biti manja od 0,65 % Budžeta što bi bilo oko 6 miliona ove godine. Ali je problem što je ovaj dio ignorisan godinama. Tako da ovo predstavlja trenutno najveće izdvajanje za nauku. Također prvi put se pristupilo programski projektni pristup ovom fondu i Ministarstva su sva dobila zaduženja da iz svog resora definišu jedan ključni problem koji će ona nauka kroz svoje naučno istraživačke radove ponuditi različita rješenja kroz interdisciplinarne ili monodisciplinarne pristupe, zavisi o čemu bude riječ. Tako da aktuelna pitanja iz Kanton Sarajevo iz svakog resora, će biti definisana, te će se ona ustvari nalaziti u ovom pozivu kada bude isti raspisan. Drugi dio pitanja uputio je odnosno počeo, mislim da se još nekoliko zastupnika referiralo, Zvonko Marić vezano za prosjek studenata iznad 8. I njihovo oslobađanje od školarine. Također je to vrlo nesretno definisano u trenutno zakonskim rješenjima. Tako da nije ili neadekvatno je konzumirano jer su studenti morao je neko iz redovnih preći u samofinansirajuće da bi ustvari nekome ko je samofinansirajući dobio status redovnog. Rješenje će se naći, ja se nadam možda na narednoj sjednici Vlade da će odlukom studenti koji su ostvarili prosjek iznad 8 u prethodnoj akademskoj godini da će biti oslobođeni plaćanja preostale dvije rate školarine, što ne vidite u Budžetu zato što to nije trošak već navodi se u prihodovnoj strani. Jer njihovo neuplaćivanje ove dvije tranše se održava na prihodima a ne u ovom slučaju na rashodima. Zastupnica Jasna Duraković je pitala šta se nalazi u Tekućim transferima za visoko obrazovanje. To je 1.030.000 kao što je rekao premijer najveća stavka je studentski centar od 675.000, Nacionalna i univerzitetska biblioteka sa 200.000, te nekoliko programa mladima odnosno podrška realizacije strategije, implementacija Strategije prema mladima. I projekti za mlade. Zatim je uslijedilo nekoliko pitanja vezano za studentski centar. Dakle kao što vidite najveća stavka upravo u ovom dijelu jeste Studentski centar i on je planiran sa ponavljam 675.000 KM gdje se nalazi i sredstva za opremanje jedne učionice. Međutim, u studentskom centru je situacija veoma složena i mi ćemo pristupiti također nekom projektnom rješavanju ovog pitanja ili ponuditi da vidimo uopšte može li se riješiti dug studentskih domova odnosno studentskog centra oko 10 miliona KM trenutno. 3 miliona od EBRD odlaze u studentske domove u njihovo utopljavanje, i to

nakon sastanka sa upravom studentskog centra. I predstavnikom studenata i predsjednikom SPUSA zamoljeni smo da to stavimo kao prioritet, što je već iskomunicirano prema UNDP tako da bi mogli studenti možda započeti već sljedeću školsku godinu u ljepšim i uređenim domovima. Konačno, ako postoje oštećeni studenti nakon iseljavanja iz domova nakon početka pandemije, mi ćemo pronaći način da im možda subvencioniramo uplate za nerednu godinu, međutim moram reći da sam provjerila i da takvi zahtjevi konkretni još nisu došli u Ministarstvo od studenta, takvi zahtjevi nisu došli, ali ponavljam, naći ćemo načina da ih subvencioniramo ukoliko ovi koji su naravno bili oštećeni nakon početka pandemije. Toliko od mene. Hvala puno.

Premijer Edin Forto:
Ministrica Prvulović.

Ministrica Ivana Prvulović:

Pozdravljam uvaženog predsjedavajućeg Skupštine Kantona Sarajevo, zamjenike predsjedavajućeg, zastupnice i zastupnike, premijera, ministrice i ministre u Vladi Kantona Sarajevo. I građane Kantona Sarajevo koji prate naš današnji rad. Zahvaljujem se zastupnici Bišćević Tokić na pitanjima koja se tiču podrške ove Vlade natalitetu, dodatka na djecu, izjednačavanje porodilja u radnom odnosu sa porodiljama koje nisu u radnom odnosu. Te odgovaram kako slijedi: u 2021 godini je planirano povećanje novčanih davanja u oblasti zaštite porodice sa djecom koje uključuje dodatak na djecu, uvećani dječiji dodatak, naknadu plaće ženi majci u radnom odnosu, novčanu pomoć ženi majci koja nije u radnom odnosu, jednokratne pomoći za opremu novorođenog djeteta, i pomoć u prehrani djeteta do 6 mjeseci, uvećanjem osnovice za utvrđivanje novčanih i drugih materijalnih davanja. Uvažavajući činjenicu da građani prate naš današnji rad, prvenstveno bih skrenula pažnju na činjenicu da kada se radi o ženama majkama u radnom odnosu, i onima koje nisu u radnom odnosu, imamo različita davanja koja imaju različit pravni odnos, pa je ispravno govoriti o naknadi plate ženi majci u radnom odnosu i novčanoj pomoći ženi majci koja nije u radnom odnosu. Na žalost, uzimajući u obzir smanjenje prihoda Kantona Sarajevo trenutno nismo u poziciji da osiguramo izjednačavanje u ovim različitim pravima na način da izjednačimo novčane iznose za ova dva različita novčana davanja. Međutim kako je i u svom obraćanju obećao premijer, ukoliko raspoloživa sredstva budu dostatna za povećanje novčane pomoći ženi majci koja nije u radnom odnosu, ministarstvo će pristupiti izjednačavanju. Dalje se zahvaljujem uvaženoj zastupnici Neira Dizdarević na postavljenom pitanju. I odgovaram kako slijedi: ženi majci u radnom odnosu u skladu sa zakonom o socijalnoj zaštiti, zaštiti civilnih žrtava rata i zaštiti porodica sa djecom Kantona Sarajevo na poziciji Ministarstva zaštita porodica sa djecom, su osigurana sredstva za plaćanje svih poreza i doprinosa na porodiljsku naknadu uključujući i doprinose za zdravstveno osiguranje. Trudnice i porodile koje ne mogu ostvariti pravo na zdravstvenu zaštitu po drugim osnovama imaju pravo na zdravstveno osiguranje za koje su sredstva predviđena na poziciji Ministarstva zdravstva. Dalje se zahvaljujem pitanjima uvaženih zastupnica Bešlija, Junuzović-Kaljić i zastupnice Šahman. Pa bih objedinila odgovor na njihova pitanja kako slijedi: Zakon o zaštiti od nasilja u FBiH predviđa da će sredstva za finansiranje privremenog zbrinjavanja žrtve nasilja u sigurnoj kući osigurati u skladu sa propisima FBiH i propisima Kantona u postocima na način da će se u Budžetu Kantona predvidjeti sredstva u visini od 30% a u Budžetu FBiH u visini od 70% za rad Sigurne kuće. Međutim bez obzira na činjenicu da je Kanton Sarajevo dužan obezbjeđivati sredstva za rad Sigurne kuće u iznosu od samo 30% potreba Sigurne kuće, Prijedlogom Budžeta Kantona Sarajevo su planirana veća sredstva koja pokrivaju troškove za rad Sigurne kuće u 100% iznosu. Po osnovu smještaja za rad Sigurne kuće je izdvojeno ukupno 245.916,56 KM. Na prijedlog Fondacije lokalne demokratije koja rukovodi radom Sigurne kuće u toku je razmatranje zahtjeva za povećanjem cijene smještaja po osobi i danu na iznos od 44 KM što

je uvećanje za 22,1% u odnosu na dosadašnja izdavanja, pa su za tu namjenu Prijedlogom Budžeta Kantona Sarajevo predviđena novčana sredstva. Što se tiče sufinsiranja rada udruženja Dajte nam šansu, Prijedlogom Budžeta Kantona Sarajevo su obezbijedena sredstva na poziciji socijalni projekti a ista će se realizovati kada Vlada Kantona Sarajevo u skladu sa Zakonom o izvršavanju Budžetu donese Odluku o usvajanju programa utroška sredstava tekućih i kapitalnih transfera i nabavke građevina. Ministarstva za rad socijalnu politiku raseljena lica i izbjeglice utvrđenim Budžetom Kantona Sarajevo za 2021 godinu i posljedično zaključenjem sporazuma između Udruženja Dajte nam šansu i resornog Ministarstva. Ministarstvo za rad, socijalnu politiku, raseljena lica i izbjeglice Kantona Sarajevo će također po usvajanju Prijedloga Budžeta objaviti javni poziv za dostavljanje projekata iz oblasti rada, socijalne politike, raseljenih lica i izbjeglica za koja su također obezbijedena sredstva pa ovu priliku koristim da uputim apel na udruženja osoba kojima je dijagnostikovana Kronova bolest da se jave na ovaj poziv. Dopunila bih odgovor uvaženog ministra Vranića na pitanje uvažene zastupnice Srna Bajramović da sva naša djeca imaju zdravstveno osiguranje. Informacijom da se djeci uzrasta do 15 godina koja su ostavila pravo na dječiji dodatak osigurava pravo na zdravstvenu zaštitu pod uslovom da to pravo ne mogu ostvariti po drugom osnovu. I informacijom da su sredstva za plaćanje neposrednog učešća u troškovima zdravstvene zaštite za djecu od rođenja do 18 godina života pod uslovom da nisu zdravstveno osigurana, obezbijedena na poziciji Ministarstva za rad, socijalnu politiku, raseljena lica i izbjeglice. Uvaženoj zastupnici Šahman se zahvaljujem na pitanju vezano za kupovinu zgrada na Otesu. Prijedlogom Budžeta su planirana sredstva za bankarsku garanciju na poziciji izdaci osiguranja bankarskih usluga i usluga platnog prometa resornog ministarstva kako bi se omogućilo zaključivanje ugovora prema odluci Skupštine o davanju saglasnosti za zaključivanje ugovora o kupoprodaji nekretnina u naselju Otes. Ukoliko obezbijedimo bankarsku garanciju koja nam je neophodna za samo zaključivanje ugovora, a koje nam je u ultimativni cilj, predviđena su sredstva za isplatu obroka kupoprodajne cijene prema predloženom otplatnom planu u iznosu od 979.000 KM. Za sve dodatna eventualno obrazloženja vam stojim naravno na raspolaganju i zahvaljujem se na vašoj pažnji.

Premijer Edin Forto:

Evo ministar Avdić je imao nekoliko pitanja.

Ministar Samir Avdić:

Uvaženi predsjedavajući, uvaženi zastupnici dobar dan, kao i građani Kantona Sarajevo koji nas prate putem malih ekrana. Uvaženi zastupnik Mahir Dević postavio je pitanje zašto su povećana sredstva za JU kulture koje imaju podobne direktore? Sa mnogim direktorima sam obavio razgovor i mislim da nema podobnih direktora. Novci koji su obezbijedeni, odnosno planirana sredstva u odnosu na 2020 godinu su umanjena za 13 JU kulture što možete vidjeti predstavljenom Budžetu. Uvažena zastupnica Amela Hasagić uvaženi zastupnik Haris Zahiragić i uvažena zastupnica Jasmina Bišćević Tokić postavili su pitanje vezano za državne institucije kulture od značaja za BIH, sedam institucija. Želim da kažem da će sredstva koja su bila doznačena, odnosno sufinansiranje od strane Kantona Sarajevo za 2020 godinu biti planirana i doznačena za 2021 godinu u stavci koja je agregirana tekući transferi neprofitnim organizacijama iz oblasti kulture. Također želim naglasiti što je uvažena ministrica Husić-Mehmedović kazala Ministarstvo za visoko obrazovanje također je planirano za Nacionalnu biblioteku BIH u iznosu od 200.000 KM. I uvažena zastupnica Jasmina Bišćević Tokić postavila je pitanje vezano za kapitalna ulaganja koja je potrebno uvezati shodno Budžetu koji imamo, planirana su sredstva u iznosu 2,5 miliona KM. Milion za neprofitne organizacije iz oblasti sporta, i također neprofitne organizacije iz oblasti kulture. Hvala premijeru.

Premijer Edin Forto:
Ministar Osmanović.

Ministar Omer Osmanović:

Hvala premijeru. Pozdravljam predsjedavajući, dopredsjedavajuće, uvažene poslanice i poslanike, kao i građane Kantona Sarajevo. Za ovo Ministarstvo su bila dva pitanja od uvažene zastupnice Segmedine Bajramović Srne. Prvo pitanje se odnosilo na troškove rente i uređenja za objekte boračke populacije zašto je umanjeno za oko 200.000. Nakon pomne analize kompletnog Prijedloga Budžeta mi smo stavku po stavku prelazili i kao što je rekao premijer ova stavka je agregirana i sastoji se od tri stavke. Prva stavka je naknada za izgradnju građevinskih objekata, uređenje rente i nova individualna gradnja. Druga stavka je naknada za legalizaciju objekata po osnovu skupštinske odluke iz 2006. godine. I treća je refundacija za izgradnju stambenih objekata za pripadnike boračke populacije uređenje i renta nova kolektivna gradnja. Tako da smo mi pomnom analizom, smatramo da će ova sredstva biti dostatna a u skladu sa nedostatkom ukupnih sredstva za Budžet 2021. godine. Drugo pitanje je bilo za stambeni fond. Ovdje smo se odlučili u ovom Ministarstvu kao što je svako Ministarstvo potenciralo neki kapitalni projekat, da će to biti kapitalni projekat rješavanje 198 stanova pripadnika boračke populacije, to su porodice šehida i poginulih boraca 164 stana, i 34 stana RVI porodica u trajno vlasništvo. Po ovom pitanju je proveden natječaj prošle godine i za 42 stana je određeno njihov izabran je Fond Kantona Sarajevo za izgradnju stanova za članove porodice šehida, poginulih boraca, RVI i demobilisanih boraca i prognanih osoba. Ta 42 stana (nerazumljivo) ta sredstva nisu realizirana i mi smo odlučili da kroz kredite koji će ove godine iznositi 7 miliona da je to jedan strateško pored socijalnog aspekta, strateško razvojni projekat i gdje ćemo kroz javni poziv za ostala sredstva koja čine 3.550.000 riješiti još oko 40 stanova ove godine. I nadam se da ćemo do kraja ovog mandata, u sljedećoj godini 2022. godine završiti kompletnu priču oko ovih 198 stanova da bi svi dobili u trajno vlasništvo. Ovom prilikom bih se zahvalio kolegama i kolegicama i premijeru što su imali empatiju i senzibilitet za ovu populaciju zato što smo ovo ja mislim jedino Ministarstvo koje imamo povećanje Budžeta za 2021. godinu da bi smo ispoštovali sve stavke koje su nam zakonom propisane kao i ostale stavke koje se nalaze u Budžetu. Hvala vam puno.

Premijer Edin Forto:
Zahvaljujem. I evo ministar sa najviše pitanja, ministar Delić.

Ministar Adnan Delić.

Zahvaljujem premijeru. Prije svega želim da pozdravim sve građanke i građane Kantona Sarajevo. Sve uvažene zastupnice i zastupnike i naravno predsjedavajućeg Skupštine Elvedina Okerića. Dobio sam nekoliko pitanja, krenut ćemo od uvaženog zastupnika Mirze Čelika. Prvo pitanje da li smo planirani utrošak sredstava od OKFŠ? Planiran je utrošak sredstava OKFŠ veći nego ikada u ovoj godini, obzirom da prošle godine ta sredstva nisu bila iskorištena i da ćemo 28.02. ta razgraničena sredstva prebaciti u implementaciju projekata koji su započeti u prethodnim godinama i naravno budućih projekata iz privredno šumske osnove koji se planiraju implementirati preko JP Sarajevo šume i lokalnih samouprava. Drugo pitanje, mali iznos, više konstatacija nego pitanje, mali iznos KJKP ZOI'84 doo. Ono što je ovdje važno naglasiti jeste da ovo Ministarstvo neće više nikada finansirati projekte koji nisu spremni i čija sredstva na kraju odu u sasvim druge svrhe. Planirana sredstva koja su u Budžetu su sasvim dovoljna za realizaciju svih započetih projekata kada je u pitanju ZOI'84 i velika sredstva nisu planirana isključivo zbog (nerazumljivo) svih projekata od strane ZOI'84. Ministarstvo privrede će uvijek podržati sve razvojne projekte, spremne projekte, koje firma ZOI'84 dostavi i ukoliko bude takvih programa, naravno, shodno rebalansu Budžeta za se razvojne projekte ćemo obezbijediti sredstva. Sljedeća pitanja dolaze od uvaženog zastupnika

Zvonka Marića. Koliko ima parafiskalnih nameta u Kantonu Sarajevo na koji način ih mi želimo ukinuti u nadležnosti Ministarstva privrede su isključivo dva parafiskalna nameta, a ona podrazumijevaju OKFŠ i članarinu u Turističkoj zajednici Kantona Sarajevo te boravišnu taksu. Svi ostali parafiskalni nameti se nalaze na višim nivoima vlasti ili u drugim ministarstvima u Vladi Kantona Sarajevo a ukoliko želite, obzirom da ste rekli da vam niko nije dao odgovore na pitanje koliko to ima parafiskalnih nameta koji opterećuju privrednike Kantona Sarajevo, ja ću vam nabrojati taksativno sve te parafiskalne namete, a o ni podrazumijevaju: naknada za korištenje poljoprivrednog zemljišta, naknada za tehnički pregled vozila, prihod po osnovu dječje nedjelje, naknada za parkirališta, naknada i taksa za veterinarske i sanitarne preglede, naknada za korištenje podataka premijera i katastra, naknada za vršenje usluga prometa, naknada za korištenje voda, cestovne naknade, naknade za zaštitu prirodnih i drugih nesreća. Ukoliko želite više informacija o svim parafiskalnim nametima na stranici Federalnog Ministarstva finansija možete da pronađete registar svih da kažemo taksi. Dalje, pitanje je bilo također uvažnog zastupnika Marića, zašto Vlada Kantona Sarajevo ne ulaže u svoju imovinu, odnosno u hotel Maršal. Mislim da odgovor na ovo pitanje leži u činjenici da do sada nisu bila riješena imovinsko pravni odnosi kada je hotel Maršal u pitanju i ono što ja mogu da kažem jeste da u mom Budžetu Ministarstva privrede Kantona Sarajevo leži stavka od 50.000 KM za čuvanje urušavanja hotela Maršal. Ja moram tako da kažem jer taj hotel definitivno propada a mi čuvamo njegovo propadanje skoro već 20 godina. Vlada Kantona Sarajevo nije bila vjerovatno u mogućnosti da uloži bilo kakva sredstva zbog neriješenih imovinsko pravnih odnosa sa višim nivoima vlasti. Vlada Kantona Sarajevo se ne misli baviti nikakvim ugostiteljskim djelatnostima jer i sami imamo loša iskustva kada su u pitanju te vrste djelatnosti a posebno na Bjelašnici u tom famoznom Betonu. Tako da sigurno se nećemo baviti ugostiteljstvom. Ono što ova Vlada planira jeste privatizacija hotela a sva sredstva ostvarena tom zakonom predviđenom privatizacijom ćemo uložiti u infrastrukturu na ski centrima Bjelašnica i Igman. Sljedeća pitanja dolaze od uvažene zastupnice Amre Hasagić. Na koji način namjeravamo potrošiti 21 milion KM za podršku privredi. Važno je napomenuti da je ovo pitanje postavljeno od drugih uvaženih zastupnika, uvažene zastupnice Neire Dizdarević i Admele Hodžić. Važno napomenuti također za ovaj grant koji se nalazi u na poziciji u prethodnoj Vladi jeste da još uvijek nisu iskorištena sredstva u iznosu od 20 miliona KM u prethodnoj godini i trenutno je raspisan javni poziv, odnosno obrada aplikacija za subvenciju plata juni i juli u iznosu od 8,5 miliona KM. Pošto su ovo grant sredstva koja dolaze sa viših nivoa vlasti mi ne znamo da li ćemo biti uslovljeni međunarodnim finansijskih institucijama kada je u pitanju (nerazumljivo) samih kriterija dodjele ovih sredstava tako da ćemo morati način implementacije uraditi na način da kreiramo izmjene i dopune Zakona za ublažavanje negativnih ekonomskih posljedica tzv Korona virusa, kojim zakonom ćemo predvidjeti donošenje programa utroška ovih sredstava. A prijedlog samog programa i uredbe donosi Ministarstvo privrede na Vladu Kantona Sarajevo, a dalje Vlada Kantona Sarajevo prosljeđuje svoj prijedlog Skupštini Kantona Sarajevo i svi zastupnici u Skupštini Kantona Sarajevo će naravno imati priliku da glasaju za taj program. Ono što će biti novina jeste a da ćemo u svrhu kreiranja ovih parametara dodjele ovih sredstava uključiti privrednike iz realnog sektora i oni će zajedno sa nama kreirati mjere saniranja negativnih posljedica covid pandemije kroz privredno ekonomski savjet koji planirano kreirati krajem ovog mjeseca. Sljedeća pitanja dolaze od uvažene zastupnice Segmedine Srne Bajramović Srne koje konkretne aktivnosti predviđate u stavci kapitalni transferi od 12 miliona KM kada je ova stavka u pitanju ona je agregirana i sadrži više pozicija, a najvažnija pozicija u ovoj stavci odnosi se na poticaj razvoju male privrede. U prošloj godini je planirano 5.280.000 a ova godine je ova stavka po prvi put u historiji Kantona Sarajevo uvećana od 0.5% i ona sada iznosi 7 miliona KM a podrazumijeva 9 programa poticaja maloj privredi Kantona Sarajevo. Još jedna važna stavka u okviru ove agregirane stavke jesu projekti zapošljavanja mladih u Kantonu Sarajevo i u čiju svrhu će ova Vlada izdvojiti 1,5 milion KM. Taksativno ću

nabrojati ove ostale: obezbjeđenje objekata u vlasništvu Kantona, sufinansiranje dijela (nerazumljivo), podrška Skenderiji i ZOI, podrška KAP, podrška organizaciji Poslovnog foruma i podrška očuvanju starih zanata u Kantonu Sarajevo. Sljedeće pitanje također od uvažene zastupnice Segmedine Srne zašto je umanjeno Budžet kapitalnih investicija u upravi za šumarstvo? Kapitalni Budžet u investicija u Upravi za šumarstvo je umanjeno na milion KM a li nakon što Vlada Kantona Sarajevo 28.02. uradi završi izvještaj bit će prenesena sredstva koja su se akumulirana u prethodnoj godini i sredstva koja će biti akumulirana u ovoj godini, tako da će na ovoj poziciji, na ovoj stavci kapitalni transferi Upravi za šumarstvo biti najveći iznos ikada i svakako imao planove kako na najbolji način da unaprijedimo šume na području Kantona Sarajevo. Sljedeće pitanje također od uvažene zastupnice Segmedine Srne, šta je planirao po stavkom rehabilitacija ski centar Bjelašnica i Igman. Odgovor je od planiranih 2.300.000 u 2020 godini sredstva se odnose na dva projekta, remont žičare dvojesjeda na Igmanu u iznosu od 600.0090 i izrada garaže za šestosjed u iznosu od 1.700.000 KM. Do kraja 2020 godine taj projekt dvosjeda je u cjelosti završen a i nabeza je izvršena. Ovaj 1,7 milina do kraja 2020 po osnovu projekat garaže za šestosjed sredstva otprilike oko 600.000 preostale obaveze iznose 1,1 miliona od čega u 2020 godini u prvoj godini su planirani iznosi od 8 hiljada a ostalih 300.000 ćemo obezbijediti kroz razgraničena kreditna sredstva nakon 28.02. sljedeća pitanja dolaze od uvažene zastupnice Admele Hodžić da li će Ministarstvo privrede Kantona Sarajevo imati sluha za privrednike i šta je njima potrebno kako bi se što pravednije rasporede novac za saniranje negativnih posljedica covid pandemije. Naravno, ja kao resorni ministar sam već obavio mnogo sastanaka sa ljudima koji dolaze iz realnog sektora. U ovom mjesecu možemo obećati formiranje privredno ekonomskoj savjeta koji će ovaj put biti sastavljen od ljudi koji rade isključivo u realnom sektoru. Na osnovu njihovih inputa ćemo kreirati određene mjere, a ono što sada mogu svakako da najavim jeste i anketa koju ćemo postaviti na svim zvaničnim stranicama Vlade Kantona Sarajevo upita ćemo sve privrednike kao što je praksa ove Vlade, šta oni misle koje su to mjere koje će im najviše pomoći u svrhu saniranja negativnih posljedica COVID pandemije tako da se nadamo jednoj uspješnijoj saradnji i najpravednijoj implementaciji svih sredstava koji će biti u ovim stavkama, pozicijama da li će ova Vlada imati razumijevanja za realizaciju naknade štete privrednicima uzrokovane pandemijom korona virusa. Ovo pitanje iskreno, meni nije najjasnije. Ja kao resorni ministar i Vlada ne može da ispravlja bilo čije greške ukoliko ih je bilo u prethodnom mandatu. Oni privredni subjekti koji nisu bili obuhvaćeni određenim mjerama, definitivno ćemo gledati da to bude što širi spektar takvih djelatnosti, jer pored ovih koji su direktno ugroženi zabranom rada, mnogo ostalih, pogotovo malih obrtnika i malih privrednika je bilo indirektno ugroženo. To je to što se tiče mojih pitanja. Ukoliko neko nije zadovoljan, obzirom na kratkoću vremena, sva pitanja može dobiti u pisanoj formi i naravno, vrata Ministarstva su 24 sata otvorena. Hvala.

Premijer Edin Forto:

Predsjedavajući, evo mi smo završili odgovore na pitanja u najboljoj vjeri, u smislu da u pokušaju da odgovorimo na sve što je postavljeno. Mislim da Poslovnik i ne predviđa da se sada nakon nezadovoljstva odgovorima da se opet mi javljamo. Pa bih volio da u slučaju da postoji stvarno nezadovoljstvo odgovorom, da nam dostavite pismenim putem i mi ćemo se u narednom periodu očitovati po ovome. Eto toliko od nas.

Predsjedavajući.

Zahvaljujemo se premijeru i ministrima. Tako je, Poslovnik ne predviđa nezadovoljstvo odgovorima. Ali svakako u toku rasprave zastupnici koji nisu zadovoljni svojim odgovorima mogu skrenuti pažnju Vladi, te kao što je kazao premijer, dobit će pismenim putem dopunske odgovore. Prvi koji se prijavio za raspravu. Otvaram raspravu. Prvi koji se prijavio je zastupnik Mahir Dević. Izvolite, imate riječ.

Poslanik/zastupnik Mahir Dević:

Zahvaljujem predsjedavajući. Da li se čujemo? Hvala predsjedavajući. Prije svega, kroz moju diskusiju o Budžetu želio bih na nekoliko stvari da ukažem kada je u pitanju ovaj prijedlog Budžeta. Prije svega valjalo bi kazati da je ovo nezakonit prijedlog Budžeta koji je predložen od strane nove skupštinske većine i Vlade Kantona Sarajevo. Ja sam to u samom uvodu govorio, ali naravno želim to još jednom da ponovim zbog građana Kantona Sarajevo. Znači da li postoji pravni osnov da se Budžet u Kantonu Sarajevo donosi na ovakav način? Ne postoji. Te stvari su kristalno jasno propisane u članu 15 Zakona o budžetima FBiH. Također u članu 105 istog Zakona se kristalno jasno kaže da propisi nižeg ranga, a ovaj Zakon o budžetima FBiH je Zakon koji je *lex specilas* u ovoj oblasti, moraju biti usklađeni sa istim. Članovi Poslovnika o radu Skupštine, član 133 jasno precizira i objašnjava postupak donošenja Zakona, a Budžet je Zakon koji se odnosi u svakoj godini na najveći dio populacije Kantona Sarajevo. Nama je naravno jasno da nova skupštinska većina je donijela odluku mimo procedura o cijepanju ova dva ministarstva i uspostavi novih i time naravno prekršila utvrđene procedure, evo u konkretnoj situaciji o čemu će konačnu odluku donijeti Ustavni sud FBiH, i naravno kada vi napravite jedan pogrešan korak onda to iziskuje novi pogrešan korak i došli smo u ovu situaciju u kojoj sada pokušavamo politički da obrazloži da je neka velika žurba za usvajanje Budžeta. Naravno da je žurba Vladi jer ona ima problemu ova dva Ministarstva i zato se Budžet donosi na ovakav način u Kantonu Sarajevo. Mi imamo odluku o privremenom finansiranju. Znači u Kantonu Sarajevo ništa nije bilo ugroženo. Na ovakav način uskratiti priliku javnosti da učestvuje u javnoj raspravi. Na ovakav način ad hoc donijeti prijedlog Budžeta Kantona Sarajevo to je nešto što se nije sigurno desilo evo od kada ja na neki način pamtim parlamentarni život u Kantonu Sarajevo. Znači ovo je jedan presedan koji pokušava da se zamota u neko obličje korone, a ustvari je pitanju čista nesposobnost Vlade Kantona Sarajevo da realizira svoje politike na zakonit prije svega način, na ustavan način, na poslovnički način. I naravno da Vlada koja krene ovako, kao što ste vi krenuli, sigurno je da nema nikakvu ozbiljnu perspektivu da bilo šta ozbiljno uradi u narednom periodu i da se bilo šta ozbiljno od nje očekuje u narednom periodu. Kada su u pitanju odgovori na pitanja koja sam ja postavio mogu kazati da je jedan dio pitanja tih odgovoren i dobar dio nije ili je odgovoren na potpuno suprotan način u odnosu onoga što ste prikazali u obrazloženju donošenja prijedloga Budžeta. Pitao sam vas u prvom pitanju koliko ste povećali prihode u prijedlogu Budžeta za 2021 od PDV porez na dobit i poreza na dohodak i na bazi kojih projekcija. Vi meni kažete da ste to uradili, ministre finansija, na bazi projekcija Federalnog ministarstva. A na strani 5. vašeg obrazloženja koje ste poslali u ovom Budžetu kaže da ste taj Budžet povećali bez ustvari mimo procedura da je povećano preko projekcija federalnog Ministarstva finansija. E sada meni nije jasno, jeste li ispoštovali stavove (smetnje). Ovaj Budžet pored toga što je nezakonit on je i nerealno projiciran Budžet, napuhan Budžet i sigurno je da neće biti likvidan ovakav kakav jeste. To je vrlo jasno dokazati. Znači nemoguća je situacija, znači osnovna finansijska logika kaže ukoliko imamo pad Budžeta na skoro svim nivoima vlasti, jedino kod vas se ovdje kod vas taj Budžet u ovim stavkama koje sam spomenuo na neki način povećava. A paralelno s tim predlažete smanjenje kapitalnog dijela Budžeta u iznosu od 78 miliona. Znači, ta sredstva su u odnosu na 2020 godinu smanjena za 53%. a paralelno s tim očekujemo neku vrstu ozdravljenja privrede, što bi trebalo da bude naš osnovni cilj i zadatak. Odnosno zadatak ove Vlade i ove Skupštine da probamo pomoći realnom sektoru i privredi. Naravno ovaj Budžet, odnosno prijedlog Budžeta čuva javni sektor. A onda se u okviru vaše parlamentarne većine pojavljuju oni koji traže umanjenje plaća i ostalih naknada javnom sektoru. A onda vi to ne predlažete u Budžetu Kantona Sarajevo. S druge strane, mi tražimo evo kao opozicija da se pomogne privatnom sektoru. A od čitave pomoći privatnom sektoru u smislu ukidanja ovih parafiskalnih nameta, evo o kojima smo govorili, vi ovdje koliko ja vidim, predlažete jedino ukidanje ili reduciranje

sredstava od OKFŠ na način da će to naravno pogoditi općinu Ilijaš, Hadžići, Trnovo, Ilidžu, ove općine gdje se siječe šuma. Naravno šaljete nam poruku da treba ti kamioni Sarajevo šuma da polome tamo sve te puteve, da ih zgaze, unište, za vrlo mala sredstva kojim ćete vi napraviti neku vrstu populizma, nećete vratiti ta sredstva tim lokalnim zajednicama i to ćete nazvati nekom vrstom reforme. Paralelno s tim, uopće ne predlažete ukidanje parafiskalnih nameta u smislu sudskih taksi, u smislu administrativnih taksi, čak te takse u prijedlogu Budžeta povećavate za 1,1 miliona a drugu za čini mi se 750.000. Znači bukvalno u vrijeme pandemije vi ove dvije stavke uvećavate za 1,8 miliona KM što su najozbiljniji parafiskalni nameti a paralelno s tim idete u pravcu ukidanja ili reduciranja, vidjet ćemo kakav će prijedlog biti u narednom periodu. Naravno da se mi s tim apsolutno ne slažemo jer to je možda jedan od najopravdanijih parafiskalnih nameta jer tamo gdje posjećete tu šumu, gdje izvodite tu šumu, dužnost je da sanirate na neki način tu šumu, odnosno infrastrukturu koju ste uništili u tom smislu. Ova kapitalna ulaganja koja ste smanjili najbolje govori kakav je vaš stav spram ekonomskog opravaka u Kantonu Sarajevo. A naravno s tim ponovo zamišljate neku priču o nekim helikopterskim jedinicama koje treba da polete iznad Kantona Sarajevo. Naravno tu sada stavku malo mudrije prognozirajte ili predlažete u prijedlogu Budžeta Kantona Sarajevo pa ćemo kao ući u neko kreditno zaduženje. Znači nabavljamo helikoptere a ukidamo kapitalne projekte u visini od 53% a pri tome se bez ikakve ozbiljne pomoći privredi Kantona Sarajevo, nadamo oporavku te privrede Kantona Sarajevo koja treba naravno da nam napuni Budžet. Prema tome. Šta kazati za ovakav prijedlog Budžeta? Ne znam ni kako bih ga nazvao više. Da kažem da je na neki način stabilizirajući Budžet. Nije ni takav. Da je razvojni, nije ni takav jer najveći dio tih kapitalnih projekata i koji su ostali kao prijedlog Vlade, čini mi se da se crpe iz kreditnih sredstava a mi jako dobro znamo kako te procedure oko kredita idu, koliko su naše Vlade sposobne, a vi ste sigurno Vlada koja ne obećava ništa ozbiljni, koliko ćete biti sposobni da bilo šta od toga realizirate u narednom periodu i koliko ćete uspjeti bilo šta da uradite osim ovog nekog jeftinog populizma koji se nastavlja još od 2019 godine. Naravno, u raspodjeli ovih sredstava jasno se vidi da ste vi vaše uhljebe i vaše direktore o vašoj raspodjeli jako dobro namirili. Naravno ja ovo ne spočitavam novoizabranom ministru kulture i sporta, cijenim da je on jedan od boljih kadrova u ovoj Vladi Kantona Sarajevo, ali se to jasno vidi. Mi ćemo to problematizirati jasno u narednom periodu jer se to kristalno jasno vidi. Vidimo da idete s ovom pričom oko sredstava za visoko obrazovanje, za nauku, na način da ste ta Ministarstva rasporedili prema imenima i prezimenima ministara, naravno, protivno Zakonu po našem mišljenju a vidjet ćemo kako će se to sve na kraju završiti. I očigledno je da je ovo skupštinska većina koja je formirana na način da tu postoji jedna interesna grupa prije svega, ne čak više ni političke stranke, koja kreira Budžet, ubacuje svoje stavke u budžet onako kako njima odgovara, mimo svih procedura, mimo Poslovnika, mimo Zakona i onda to pokušava da uobliči na neki način u pandemiju i da se kaže da je nama velika žurba da ovaj Budžet usvojimo. A mi vas na to upozoravali na prošloj sjednici. Kazali vam da ćete doći u problem s platama na ovakav način. I vi ste to izgleda tek skontali nakon mjesec dana i onda sada što je još gore, okrivljujete neku prethodnu Vladu, Vladu prije vas, iako ste njene budžete prepisivali i 2019 i 2020 godine da je ona još trebala da vam pripremi neki prijedlog Budžeta. Pa vam predlažemo ponovo da ovako...

Predsjedavajući:

Kolega Deviću ja se izvinjavam jel govorite u ime Kluba?

Poslanik/zastupnik Mahir Dević:

Pa naravno. Ja sam predsjednik Kluba. Jel prošlo deset minuta?

Predsjedavajući.

Naravno mi to ne moramo znati zato ja moram pitati. Hvala vam u svakom slučaju.

Poslanik/zastupnik Mahir Dević:

Naravno da morate znati vi predsjedavajući jer to imate dostavljeno kao zvaničan akt. Vi morate znati ko su vam predsjednici klubova. Prema tome, govorim u ime kluba, ništa mi ozbiljno ne očekujemo po ovom pitanju kako ste kazali. Također ono što je izuzetno važno, ponovo nam govorite da ste ove zaključke sa hitne sjednice na neki način tretirali kroz neke dogovore, razgovore, vidjet ćemo kako ćemo, šta ćemo, kuda ćemo, ja nisam te stavke vidio u Budžetu. Ako smo mi kao Skupština zaključili određen stvari, Budžet Kantona je trebao da tretira te stavke. Ukoliko ste vi dovoljno sposobna Vlada da iznađete sredstva u nekim drugim resorima, na nekim drugim mjestima, od nekih drugih prijatelja, super. Onda ne realizirate te naše budžetske stavke. Znači taj odgovor premijeru, ja vjerujem da ćete se vi truditi da to probate uraditi, ali niste ispoštovali te zaključke koje smo kazali na toj hitnoj sjednici Skupštine Kantona Sarajevo. Jedno izuzetno važno pitanje također pitanje ovih stanova za mlade. Čitava je pompa vođena na prethodnu Vladu i medijska i skupštinska, pa neki su zastupnici iz stranaka izlazili zato što su to koristili kao neku vrstu argumentacije da kažu da smo mi kao protiv Vlade. I dođosmo danas na Budžet u kome treba da glasamo gdje te stavke nema nikako. A prethodna Vlada je imala 500.000 pa je to povećala na nekoliko miliona. Čini mi se da je to u konačnici bilo po nekih 6000 ili 7000 za svakog aplikanta a sada dođosmo u situaciju da je to 0 KM. Baš me zanima ta principijelnost kako ćemo je danas gledati prilikom glasanja za ovaj nezakoniti Budžet, prenapuhani Budžet, nelikvidni Budžet i Budžet koji je prepolovio kapitalna ulaganja u Kantonu Sarajevo a paralelno s tim očekujemo oporavak naše privrede. Znači nikakve logike ovakav prijedlog Budžeta Kantona Sarajevo nema osi da kažemo idemo to ponovo da usvojimo s brda s dola što bi kazali da možemo reći evo usvojili smo prijedlog Budžeta Kantona Sarajevo. Naravno u drugoj diskusiji ću govoriti nekim drugim stvarima.

Predsjedavajući:

Zastupnica Amra Hasagić se javila za raspravu. Izvolite imate riječ.

Poslanik/zastupnik Amra Hasagić:

Da li se čujemo? Ja se najprije želim zahvaliti i premijeru i ministrima na odgovorima i ne mogu reći da sam zadovoljna onim što su oni ponudili. Nama je jasno da je obzirom na posljedice izazvane korona virusom kantonalni Budžet za ovu fiskalnu godinu više socijalnog i egzistencijalnog karaktera. Međutim, obzirom na sve ono što je iznio premijer Forto u svom Ekspozeu očekivala sam u najmanju ruku jednu dozu hrabrosti i optimizma u pogledu kapitalnih investicija. Optimizam danas u obrazloženju Budžeta se pominje samo u projekciji prihoda, gdje bi u narednom periodu viši organi vlasti u BIH trebali implementirati mjere koje treba da pomognu lokalnoj privredi u post pandemijsko vrijeme. Čini mi se da je i koleginica Segmedina i da je kolega Haris postavio slično pitanje, međutim osim optimizma ostalo je nejasno na bazi kojih projekcija je utvrđen porast indirektnih poreza u većem iznosu u poređenju na 2020 godinu. Ja sam na sjednici kada se imenovala Vlada postavila pitanje u vezi sa podrškom općinama Ilijaš, Hadžići i Vogošća i njihovim industrijskim zonama. Imam potrebu napomenuti da je općina Vogošća jedna od rijetkih općina koja bilježi pozitivan trend rasta broja stanovnika. Zabilježeno je najveće povećanje radno sposobnog stanovništva a privredni razvoj općine Vogošća iz godine i u godinu bilježi sve značajnije rezultate. Nama je u ovim općinama, dakle Ilijaš, Hadžići i Vogošća jasno da je prošlo vrijeme državnih giganata. Općine su strateški orijentisane na razvoj malih i srednjih preduzeća koje egzistiraju na području njihovih industrijskih zona. Kroz implementaciju industrijske zone Semizovac, u

smislu prostornog rješenja, otključat će se razvojni potencijal općine, i to mi u suštini očekujemo, pomoć i podršku ovog nivoa vlasti. Međutim, u ovom prijedlogu je 21 milion izdvojen za podršku privredi zbog posljedica izazvanih pandemijom, ministar Delić je naveo da nije siguran obzirom da sredstva dolaze sa drugih nivoa vlasti da li će se moći utjecati na način raspodjele sredstva, te nisam sigurna da će ta sredstva biti utrošena na kreiranje novih radnih mjesta. Jedna od rijetkih stavki u prijedlogu koja me raduje jeste da je pozicija sposobnosti na izgradnji Prve transverzale u nepromijenjenom iznosu, a konkretno se odnosi na izgradnju tunela na Kobiljoj glavi, odnosno dijela saobraćajnice čija je izgradnja od izuzetnog značaja za općinu Vogošća zbog geografskog položaja. Nadam se da će ovaj projekat biti jedan od prioriteta jer prethodna Vlada na čelu sa premijerom Nenadićem je napravila značajnije pomake i zaista se nadam da će općina Vogošća neće pominjati samo u populističke izgradnje trolejbuske mreže. Sljedeća stavka na koju bih se ja željela referisati a ista je spomenuta od strane mojih kolega jeste subvencioniranje mladih pri rješavanju stambenog pitanja. U ovom prijedlogu iznosi 0 KM a svima su nam ova pitanja od izuzetnog značaja kada govorimo o načinu planiranja zadržavanja mladih u Bosni. Na žalost, riječi ne prate djela. Podsjećanja radi, bivši ministar, gospodin Kapidžić je u prošloj godini preživio jedan medijski linč jer je ova stavka u početnoj fazi iznosila 550.000. Pa pojedinim kolegama nije bilo moguće objasniti da će taj iznos biti mnogo veći jer na koncu sredstva koja su podijeljena iznose skoro 2 miliona, premijer Forto u odgovorima objašnjava nešto sasvim drugo. Napominjem da je i prošla godina bila godina koja je obilježena pandemijom. Mi ne možemo biti vidoviti i predstaviti kakva će rješenja biti nuđena mladima prilikom kupovine stana. Spominje se i Zavod za izgradnju a već je raspisan konkurs za prodaju prvih stanova. Sljedeće samo momenat, da. Ministar Avdić je naveo da će se sedam institucija od bitnog značaja za ne samo Kanton Sarajevo već i za državu BiH sufinansirati od strane Kantona Sarajevo, i da je to navedeno u stavci tekući transferi iz oblasti kulture. Mi to prilikom pripreme ove sjednice nismo mogli znati, stoga je uslijedilo moje pitanje i meni je zaista drago a i moram reći da sam i ranije bila sigurna prativši njegov rad, da će ministar Avdić nastaviti na temelju urađenog posla od gospodina Alikadića i glede transparentnosti i glede finansiranja sedam institucija, jer ministar Alikadić je jedini ministar koji se do tada u suštini usudio pozabaviti ovim pitanje. Toliko od mene u prvoj diskusiji. Hvala.

Predsjedavajući:

Zahvaljujem se kolegici Hasagić. Sljedeći zastupnik koji je prijavljen za raspravu je Haris Zahiragić.

Poslanik/zastupnik Haris Zahiragić.

Čujemo li se? Prije svega imao bih potrebu da se referišem na odgovore na pitanja koja sam trebao dobiti a koja zapravo nisam dobio od premijera Forte i od resornih ministara. Postavio sam mnogo pitanja a dobio sam samo par odgovora. Dobio sam jedno 20 puta odlučenje, utrošenje, ne znam koji jezik premijer govori, međutim zaista nismo dobili ništa od onoga što smo ga pitali. Na žalost, na tako jedan grub način banalizovao 80.000 povećanje na kabinetu predsjedavajućeg. A još grublje 6.500 povećanje a putnim troškovima premijera. Kaže ako je 6500 KM nešto na ovoliki Budžet ja stvarno ne znam. E pa premijeru pitajte djecu koja imaju dječiji doplatok 43 KM koliko je 650 KM. Pitajte one tete na kasama koje godinu dana rade i pune ovaj Budžet da bi ste vi mali tih 6500 KM koliko je to para. To je njihova godišnja plata. Pitajte roditelje koji su morali kupovati djeci udžbenike, tene, novu garderobu kada je počeo nastavak školske godine itd. Ja znam da ste vi dugo funkcioner, godinama, da imate platu ogromnu, tri četiri prosječne plate mi imao i kao zastupnici i kao ministri i da ste se vi na neki način odrodili od tih realnih problema, međutim kada diskutujete molim vas budite pažljiviji jer ovo gledaju građani Kantona Sarajevo svih socijalnih kategorija. Također rekli ste da kada ste bili zastupnici da ste glasali za ukidanje savjetnika premijeru a da sada vidite da ste se

prešli i da su savjetnici neophodni. Na žalost premijeru vi ste na taj način ili na sreću kada smo mi u pitanju, priznali da ste prilikom glasanja dugogodišnjeg rada u Skupštini i vi i vaše kolege iz klubova Naše stranke glasali isključivo politički ne razmišljajući o posljedicama takvih odluka. Kada je odgovor gospodina Vranića u pitanju i kada je na pitanja gospode Bišćević Tokić moje kolegice iz kluba zašto nema ni jedan kapitalni projekat investicija za KC, on je kazao, citiram ga sada, tri stvari, tri razloga. Kaže tražili smo dugo ugovor. I eto našli smo ga. Pa nije Sveti gral ugovor između Kantona Sarajevo i Ministarstva zdravstva. To bi ste kao ministar morali naći, nije to nešto teško naći. Drugi razlog je rekli ste da Vlada FBiH nije imenovala v.d. članove koje je Vlada Kantona predložila. KC ni i građani Kantona, ni pacijenti, kojih je u ovoj godini bilo 500.000 skoro koji su prošli trijažne šatore gore, nisu ti koji imenuju ili ne imenuju članove koje vi predložite. Zbog toga to vam nisu argumenti. Posljednji argument koji ste iznijeli je mene frapirao. Kažete oni imaju 13 miliona KM. Pazite sada šta ste rekli. Rekli ste: „Vjerovatno su ih uštedili na uštrb radnika i građana”. S obzirom da ste vi dugo gore radili i da su još neke kolege bili involvirani u procese gore, ja želim da kažem da vi kao ministar ne trebate pretpostavljati. A ja kao zastupnik mogu pretpostavljati. Ja kao zastupnik pretpostavljam da su to milioni maraka koji su bili svake godine grubo otimani od pacijenata Kantona Sarajevo. To su pare od citostatika kojima je istekao rok, koji su nabavljali prethodnici gore na KC, od kreveta koji su kupljeni za stotine miliona KM koji su bili upakovani dole u skladište jer nisu odgovarali dimenzijama soba. To su javne nabavke. Svemirske sale koje nikada nisu upaljene. To je kriminal bez presedana koji je kumulativno iznosio 100 miliona KM. Vi ste tada radili gore i mnoge vaše kolege nisu se tada žalili. Ja ne želim kazati da ste vi bili dijelom tih mahinacija i krađa ali želim reći da kada nema tih stvari, kada nema takvih nabavki, najmanje što trebate je krivi i kažnjavati nekoga za odgovorno poslovanje. Ali to opet govori puno više o vama. Vaš javni nastup ministre Vraniću i vaš govor, nije vam izgovor da ste imali koronu, imao sam i ja koronu, imam i ja respiratorne probleme. Ne dolikuje govoru jednog ministra i molim vas, ukoliko nastavite takve argumente iznositi, bolje bi bilo da date ostavku jer Kanton Sarajevo je i bez ministra imao bolju kontrolu nad ovom zdravstvenom krizom nego sada kada ima ministra. Molim vas ako imate namjeru tako nastaviti podnesite ostavku i puno će lakše biti i zdravstvenim ustanovama i građanima Kantona i pacijentima. Kada je u pitanju sam Budžet, govorili smo, ovo je prvi put u historiji Kantona Sarajevo da vi imate umišljaj da odvede Kanton u deficit. Vjerovatno je na to premijer Forto mislio, dakle povećali su 80 miliona od prijedloga Ministarstva finansija. Zna da to ne možete izvršiti. E onda vjerovatno planirate dizati kredite kod vaših, kako premijer Forto u Ekspozeu kaže partnerskih finansijskih institucija. Te institucije su vas dovele ovdje. I ja vam obećavam, ma koje finansijske institucije stale iza vas, niti jednu marku bespotrebno nećete zadužiti građane Kantona Sarajevo, moju djecu, moje unuke. Ponašate se kao šakal međunarodnih kreditnih organizacija i molim vas ja vam obećavam da vam to neću dozvoliti. Kada je sama procedura u Budžetu u pitanju kolega Mahir Dević je kazao sva kršenja koja ste napravili. Ovo je bez presedana. Ja sam mišljenja da je bolje da ste ga vi proglasili. Trebali ste proglasiti Budžet a ne staviti danas, dakle tek smo mi danas utvrdili dnevni red da će biti danas Budžet. Sve ste prekršili, nema javne rasprave. Akademsko zajednica nije mogla dati svoj stav. Šira društvena zajednica, građani, nevladin sektor, sve zainteresirane strane. A to je svaki građanin Kantona. Što? Jer puni Budžet. Niko nije mogao ništa vidjeti. Mene mediji danas zovu cijeli dan mole mogu li dobiti tekst Budžeta. Kada će mediji analizirati vaš Budžet? Nakon što ga usvojite, jel? Ovo je kršenje Zakona i diktatura bez presedana. Vjerovatno će vam proći jer imate većinu podizača ruku. Žao mi je što su pojedine kolege sebi dozvolile da to budu. Žao mi je što su pojedine kolege iz komisija kazali da je ovo usklađeno sa zakonima i drugim propisima kada oni znaju da to nije tako. Ali to opet više govori o njima. Iz tog razloga mi nećemo predlagati amandmane da ne bi smo (nerazumljivo) naknadno osnažili i prihvatili ovu proceduru koju ste vi rekli. Iz tog razloga pozvat ćemo vas da ovo što kroz diskusiju mi iznesemo vratite u redovnu proceduru, utvrdite

nacrt ili date barem kao amandmane Vlade ove stvari koje su zaista neophodne. 1888 godine jedan poznati pravnik Baltazar Bogušić kada je izrađivao opšti imovinski Zakon za Crnu Goru, što je u tom vremenu bio avangardni zakonik, to svaki pravnik zna, pa čak i ovaj iz visoke škole za ugostiteljski sa Sokoca koji je ministar Šteta završio, bi trebali da znaju rečenica „Što se grbavo rodi, vrijeme ne ispravi”. To je jedan kolokvijalno za taj 19 stoljeće prirodna formulacija. Vi ste promijenili Zakon o Vladi i to ste grbavo uradili, kršeći procedure ovo je danas plod te vaše grbavosti i vašeg grbavog rada. I zaista, ja apelujem na građane, da vrate Skupštinu kada ste mijenjali ta Ministarstva, na naše apele šta smo vas tada upozoravali. Kada su same stavke u Budžetu, nemam puno vremena, nabrojat ću ih brzinski. Stanovi za mlade 0KM a stotine hiljada ste predvidjeli za azil u Prači. Dakle vama su bitniji psi lutalice nego mladi bračni parovi kojima ste ukinuli subvencije. Sramotno. I određene kolege koje su nekada ranije imali drugačije stavove, pozivam ih da imaju hrabrosti da progovore o ovoj temi. Stotine mladih ljudi mi je pisalo poruke, mailove, i vama su pisali. Ja sam stavljan na CC i BCC. Molili vas da to ne uradite ili da barem isti nivo kao prošle godine ostavite. Vi ste stavili 0. bitniji su vam psi lutalice nego mladi bračni parovi. I onda govorite o subvencijama o natalitetu, o politikama zadržavanja mladih. Sram vas bilo. Dalje, dječiji dodatak. Govorili ste o povećanju. 43 je mizerno i slažemo se. Krivi su svi ranije koji su to dozvoli. Niste marke predvidjeli. Ministrica uvažena socijale kaže nemamo mi para da izjednačimo naknade porodiljama koje rade i onima koje ne rade. To je jedna skandalozna izjava. A imate hiljade i stotine i milione KM za razne fantomske nevladine organizacije, za vaše projekte, za vaše grantove. Za to imate. A za hiljade mladih žena koje su se odlučile da budu majke da ovu državu ostave mladih naraštajima koji nisu uspjeli izgraditi karijeru zato što su se mlade udale, zato što su rodile troje, četvero djece, vi kažnjavate. To je diskriminacija bez presedana. Apelujem na Vladu da povuče ovaj sramotni prijedlog Budžeta ili da barem on amandman da, pošto neću da učestvujem u nelegalnoj proceduri i da poveća izjednači naknade svim majkama. Jer sve majke i one koje rade i one koje ne rade su iste i trebale biti iste. Ako bi se već neko morao harmonizirati to bi zasigurno morale biti majke koje ne rade jer nisu one krive što ne rade. Okolnosti, društvena situacija i činjenica da su rađale djecu mlade, vjerovatno je dovelo do toga da ne rade. To je jedna ogromna diskriminacija i vi ste ministrice trebali to da znate. Govorili ste o zagađenju puno. Niste ni milion maraka, stavili ste čini mi se 900.000 KM za subvencioniranje zamjene uglja. Pa znate šta možete, možete u jednoj mahali to zamijeniti. Kanton Sarajevo koliko ložišta na ugalj ima to ne možemo biti za jednu mahalalu. I to su vaše mjere to je vaša revolucija u oblasti ekologije, zaštite okoliša. Ja sam slutio kada ste ukinuli ministarstvo na čijem čelu je bio jedan arhitekta u dvije generacije, iz Sarajeva, i doveli čovjeka, uz dužno poštovanje, koji ništa ne zna o urbanizmu, koji je čak iz Breze, nije uopšte iz Sarajeva i ne može da razumije način na koji urbanizam u Sarajevu treba da se razvija, ja sam ovo slutio. Vi ste to samo potvrdili ovim Budžetom. Kanalizaciona mreža sa Bjelašnice i Igmana pisali smo, puno smo pričali o zagađenosti vode. Bili ste šokirani kako mi pijemo fekalne vode. Možemo mi govoriti o uzrocima tih fekalnih voda, rado ću o tome govoriti, a onda će morati i ovi zastupnici koji su osam godina te stvari usvajali ovdje, i pravili gore raznorazne projekte, također dna ta pitanja odgovoriti. Ali evo kada je taj problem već nastao, zašto niste jedne marke predvidjeli da se ta kanalizaciona nova mreža provede i da ne pijemo fekalije? Dalje, novi vrtići. Nema uopšte sredstava za nove vrtiće. Ima za subvencije. I to je projekat koji ja pozdravljam. Međutim za ovoliko godina subvencije do sada ste mogli renovirati sva obdaništa i te pare bi ostale u Budžetu Kantona Sarajevo jer JU Djeca Sarajeva je naša JU, i ona bi kao takva morala biti favorizirana. Što? Zato što građani Kantona Sarajevo u takvim ustanovama imaju jeftinije cijene i trebali bi imati čak i besplatno obdanište za svu djecu. Zlatne značke, ja sam najavio podnijeti inicijativu na prvoj redovnoj sjednici, međutim, vi evo treću hitnu pravite online, i ne može doći na red. Ja sam pustio to u medije u nadi da će neko iz Vlade shvatiti značaj te inicijative da će predvidjeti sredstva. Niste marke predvidjeli. Niti obojili, imaju neke pare na Zavodu za neke programe

zapošljavanja. Ja ću insistirati da se te pare usmjere da sve zlatne značke ostaju na UNSA. Drago mi je što ministra visokog obrazovanja s UNSA i ona je svjedočila.

Predsjedavajući:

Kolega Zahiragiću moram vas upozoriti na vrijeme.

Poslanik/zastupnik Haris Zahiragić:

Hvala. Evo još dvije rečenice. Ona je svjedočila kako se primaju asistenti često, ne uvijek naravno. Ali često. Tako da molim da ispravimo ovu nepravdu da primimo sve Zlatne značke koje imaju za to interes. Nema njih puno. Puno je još tema koje ću ja kroz narednu diskusiju kazati. Ovdje još samo želim da kažem studentski domovi. Ljudi u tim studentskim domovima žive u uslovima koji nisu dostojni čovjeka. Niti jedna čitaonica, niti jedna fasada ne može to promijeniti. Dušeci su im stari, deke su im stare ko da su iz rata. Molim vas hajmo svi zajedno postići koncenzus i pozivam Vladu da se povuče i da taj amandman stavi da ti ljudi koji su ovdje po znanje došli. Ja znam da oni ne mogu glasati ovdje. Ja znam da je za pojedine ljude i pojedine političare.

Predsjedavajući:

Kolega Zahiragiću može li molim vas u drugoj diskusiji da ostavimo prostora i drugim zastupnicima?

Poslanik/zastupnik Haris Zahiragić:

Rečenicu molim vas. Ja znam da su za mnoge oni provincijalci ali za nas nisu to je budućnost države. I molim vas daj da prema tim ljudima da ih ne kažnjavamo što u njihovim mjestima stranke koje vladaju Kantonu nisu dobile niti jedan glas. Nemojte da kažnjavamo tu djecu. Ta djeca su došla nama u amanet i mi smo dužni da im stvorimo život dostojan čovjeka. Hvala predsjedavajući na razumijevanju.

Predsjedavajući

Zahvaljujem. Zastupnik Zvonko Marić se prijavio za raspravu. Izvolite.

Poslanik/zastupnik Zvonko Marić:

Da li se čujemo predsjedavajući? Zahvaljujem predsjedavajući. Prvo ću se osvrnuti samo na nekoliko pitanja da bih uštedio vrijeme nisam izražavao nezadovoljstvo odgovorom na pitanja koja sam postavio i samo ću nekoliko rečenica reći. Ostalo je nejasno neke stvari pa ću tačno citirati onako kako je rečeno. Što se tiče parafiskalnih nameta, potpuno dobronamjerno sam ukazao na tu činjenicu jer mi zaista niko nije, i to znate, možete i vi da posvjedočite odgovor na pitanje koliko je parafiskalnih nameta u Kantonu Sarajevo. I nikada nisam imao taj odgovor na to pitanje i to je u redu. Taksativno, hvala ministru što mi je pobrojao neke od njih. Ali ja sam neko ko je radio dugo u novinarstvu i meni su ti statistički podaci manje važni ali eto insistirao sam onaj ko je u tom resoru i upravlja tim resorom da li zna koliko ima tih parafiskalnih nameta pošto se stalno parafiskalni nameti množe. Meni je pun važnije i to je suština mog pitanja bila, kako pomoću kojih mehanizama će se ukinuti ti parafiskalni nameti jer je rečeno da će se raditi na tome, a tu priču poprilično dugo vremena slušamo. Dakle meni je manje važno koliko ih ima, nego kad već govorite o tome na koji način i planski tačno precizno koje parafiskalne namete moguće ukinuti. Osim toga, moram kazati sljedeće da kada sam govorio o hotelu Maršal bilo je potpuno jasno na šta aludiram. Taj hotel već dugi niz godina propada i naprosto mi nije jasno kako se ne poduzme bilo kakva inicijativa ako nema imovinsko pravnih više sporova, i ministar Delić me malo zbunio priznam, rekao je imamo 50.000 KM da čuvamo urušavanje objekta hotela Maršal. Je li to znači ako stoje te pare, ili je htio reći te pare već duže vremena stoje, i na taj način se čuva urušavanje hotela. Ja mislim da

ga ne treba čuvati, možda od urušavanja, onda u redu. Ali urušavanje čuvati, dovoljno je što stoji onako nezaštićeni i propada a moga bi se prodati, zašto i ne. Ako je nemoguće i u potpunosti se slažem s ministrom Delićom koji kaže da imamo loša iskustva sa držanjem tih objekata, održavanjem itd poslovanjem u tim objektima. Ja se u potpunosti slažem, gdje god država gazduje, dokazano je, i to nije slučajno, da sve propada. To se slažem u potpunosti znam koja je loša iskustva imao. To su bile samo moje ideje inicijalne da se na neki način nešto popravi i da se eventualno taj mrtvi kapital koji propada aktivira za nešto korisnije u neke svrhe od kojih će imati građani Kantona Sarajevo koristi. Dakle to su neke stvari vezane za odgovor na pitanja a sada ću reći samo nekoliko stvari vezanih za način na koji donosimo ovaj Budžet. Ja sam zaista, nisam želio da se upuštam u te proceduralne razloge, rasprave vezano za to, ali želim da kažem sljedeće. Zaista ponekad pomislim da se suspendira pravo i zakonska obaveza ai nadležnost Skupštine Kantona Sarajevo koja ne može ni na koji način da utječe na kreiranje najvažnijeg svog zakona koji donosi u tekućoj godini. Dakle, Vlada donese i mi moramo prihvatiti to. Mene to iznenadilo, iskreno da vam kažem. Ja doduše svjedočim u Federalnom parlamentu i Domu naroda gdje sam delegat već dvije godine, delegati u Domu naroda osuđivali u tom parlamentu. Mi smo to osuđivali takav način i pristup. Jednom hajde zbog boraca da donesemo Budžet po hitnom postupku. Drugi put će reći zbog umirovljenika, treći put kaže fali 11 miliona za vakcine itd. A uvijek neki alibi neki razlog da se na taj način postupa. Ja ne znam ni jednu jedinu zemlju normalnu na svijetu da ide na ovaj način da se usvaja a da se pri tome eliminira naprosto vjerujete mi imam osjećaj da mi samo statiramo u ovim procesima, da je ovo imitacija parlamentarnog života, organ je suspendiran od izvršne vlasti, i nemoguće je da na bilo koji način sudjeluje u kreiranju ovog Budžeta. Pa gdje je javna rasprava? Pa to je novac građana i prema tome javnost, barem sedam dana se moglo dozvoliti. I ovakve stari su zaista nedopustive. Mislim da smo svi zakazali zajedno što dopuštamo ovako urušavanje digniteta Skupštine Kantona Sarajevo. A mi smo prema zakletvi dužni da štitimo dignitet skupštine Kantona Sarajevo i mogli se omogućiti barem, nema alibija, ne može se amnestirati niko od odgovornosti što se postupilo na ovaj način. Neću da otvaram neka druga pitanja, sigurno bi bila poprilično bolna i ovom prilikom iz prostog razloga evo mi iz Kluba SBB-a razmišljamo na način da ćemo iako podržimo ovakav način i ovakav pristup, i nadasve i ako Budžet podržimo to ćemo učiniti prije svega zbog građana, zbog korisnika Budžeta iz prostog razloga kako bi omogućili da im ne bi uskratili u ovim teškim vremenima primanja ali i da ne bi osptruirali projekte kapitalne. Koliko ih je, toliko već koliko ih ima, za koje su zainteresirani građani Kantona Sarajevo, ne toliko zbog Vlade. Zbog Vlade eto da im se da podrška i u ovom segmentu. A SBB u ovim procesima koji su prethodili svemu ovome i smjeni Vlade i ostavci preciznije, dolasku nove, zaista smo konstruktivno djelovali. Ali sve ima svoju granicu. Ne smijemo takve stvari više dozvoljavati. To što gospodin Forto tvrdi kako će omogućiti ili popraviti ćemo te neke stvari u rebalansu koji najavljuje, može biti ohrabrujuće, ali sigurno nećemo smetnuti sa ovih činjenica o kojima sam sada govorio. Dakle, ovaj model, ovaj manir ne bih volio da postane praksa u buduću u Skupštini Kantona Sarajevo, kao što je to slučaj na federalnom nivou,. Prestanimo da imitiramo parlamentarni život i da obavljamo funkciju u skladu sa zakonskim propisima, sa Ustavom Kantona Sarajevo i svim onim pripadajućim ovlastima koje ima Skupština Kantona Sarajevo kao najviši zakonodavni organ. To je nedopustivo zaista. Neću sada da govorim o pojedinim stavkama. Kroz neka pitanja sam naglasio ali i kolege su pitale, međutim ovo što danas pričamo, zato ću skratiti svoju diskusiju, lako ćemo provjeriti u predstojećem periodu kada ćemo vidjeti koliko se u stvari život pretvorilo ovoga što mi iniciramo i na što ukazujemo. Ništa nam ne treba demagoška priča, populistička itd. Potpuno je bespotrebno da govorimo da li je ovo razvojni Budžet, da li je prosocijalni, da li je stabilizirajući, a ja zapravo mislim da je ovo administrativni Budžet koji je donijela Vlada i nama servira i dovela nas takoreći pred svršen čin. Glasajte i to vam je to, itd. To je zaista ovako podcjenjivački prema Skupštini Kantona Sarajevo. I mislim da sam to radio i u prošlom mandatu i budite sigurni da

ću puno oštrije i ovo ako SBB glasa za ovaj Budžet, da se pruži šansa i tim projektima nekim da se završe koji se tiču interesa građana, onda će to biti posljednji put tako nešto radimo i nećemo zaboraviti ovaj način na koji se to uradilo. Zaista je neprimjereno nedopustivo da nas svodite na taj nivo kao Vlada. Ipak neću. Zaista neću. Mogao bih što šta da kažem, o čemu sve Vlada u ovim vremenima vodi računa. I molim vas, jedno vrlo konkretno pitanje. Molio bih vas, jako puno sam govorio i Grasu tom poduzeću, premijer Forto se sjeća, i kada se on zalagao čak da ide u stečaj itd, sjedili smo jedan pored drugog jer smo bili u istim klupama skupštinskim, pokušavali smo da doprinesemo ozdravljenju, pa su ono upravitelja tzv.dovali ovdje kao eksperta.

Predsjedavajući:

Gospodine Mariću ja se izvinjavam, pretpostavljam u ime Kluba govorite?

Poslanik/zastupnik Zvonko Marić:

Govorim još minutu, u ime Kluba, ali još minutu ću samo. Što se tiče toga zamolio bih vas apeliram, evo Vlado, premijeru, resorni ministre Šteta, molim vas uradite nešto za ljude iz Grasa koji godinama čekaju da im se uplate doprinosi koje država nije uplaćivala. Država državi. Država državu, ili državni predstavnici urušavaju državu. I po 43, 44 godine, po sedam osam godina ne mogu da odu u mirovinu. Koliko sam vidio ima jedna stavka, možda se varam, od milion KM ali evo i ovo zapisničko pitanje koliko još tih ljudi koji su dovedeni na prosjački štap da im se milostinja da? Pa znate šta, mirovina nije milostinja. Mirovina je nešto što je zarađeno kroz dugi niz godina, kroz rat, poslijeratni period itd. Dajte vratite dostojanstvo tim ljudima jer su dovedeni na prosjački štap. Evo pitam koliko još njih ima i koliko novca treba da bi se oni poslali u mirovinu da barem prožive, mnogi su na žalost i umrli, da prožive barem koji dan u mirovini i da prime napokon tu penziju. Nehumano je i neljudski zato Vlado, Ministarstvo za saobraćaj pokažite barem trunku humanosti prema tim ljudima. Hvala.

Predsjedavajući:

Hvala kolega Mariću. Sljedeća prijavljena za raspravu zastupnica Bišćević-Tokić.

Poslanik/zastupnik Jasmina Bišćević-Tokić:

Zahvaljujem predsjedavajući. Evo prije svega zahvalila bih se uvažanim članovima Vlade na odgovorima koji su došli na naša pitanja, međutim moram i ja biti nezadovoljna kao i svoje kolege na ponuđene odgovore jer ono što smo do sada čuli od pojedinih ministara jesu samo verbalna obećanja. Kao što smo čuli premijera Fortu da će to popuniti i ispraviti, međutim mi to nigdje u Budžetu nismo mogli naći te stavke i za sada su ovo samo verbalna obećanja koja on može ponuditi građanima Kantona Sarajevo. Ono što su već kolega Dević i kolega Marić u svojim diskusijama naglasili jeste vezano za ovakav prijedlog Budžeta zašto nije bio kao nacrt Budžeta i da nema javne rasprave. Mi smo, mogu reći mi, jer je odgovornost i na nama kao i na Vladi Kantona Sarajevo poručili građanima da 13 predstavnika Vlade i nas 35 skupštinskih zastupnika znamo najbolje i da možemo odlučivati bez ikakvih konsultacija sa bilo kim jer nema javne rasprave o javnom novcu koji se naplaćuje upravo od poreskih obveznika ili građana Kantona Sarajevo, donose se odluke a da oni u principu su uskraćeni na bilo kakav komentar putem javne rasprave. Mogla bih da kažem da razumijem premijera Fortu da se žuri radi građana Kantona Sarajevo za usvajanje Prijedloga Budžeta i da nije usvojeno privremeno finansiranje u trajanju od 3 mjeseca. Znači do 30.03. ili 31.03. međutim ovakav da kažem ad hock izbačaj nacrt prijedloga Budžeta po meni stvarno nema smisla. Mislim da smo oštetili građane Kantona Sarajevo da uopće učestvuju u kreiranju samog Budžeta. Ali evo neću ponavljati članove koji su i Poslovnika i Zakona o Budžetu izostavljeni, to je već kolega Dević ja mislim decidno naglasio, pa da se ne bi ponavljali, međutim skrenut ću pažnju na

neke stvari gdje ću da kažem napraviti jedan presedan pa ću zamoliti premijera Fortu da usvoje sve ove naše prijedloge, da naprave pauzu, da isprave ove stavke kako bi Klub SDA podržao prijedlog Budžeta. Evo, prije svega ću se osvrnuti kada je riječ o natalitetu. Jer evo ja nekako da kažem već dvije tri godine oko toga uvijek problematiziram pa sam pitala zdravstveno osiguranje trudnica i porodilja zašto je spušteno sa 100.000 na 20.000 premijer Forto mi je rekao da je potreba stvarna 20.000. pitala sam gdje su preusmjerena ta sredstva, nije mi uopšte odgovorio gdje su preusmjerena, a evo prema dostupnim podacima kažemo statistički da je prirodni priraštaj u 2019 godini bio negativan. I da u 2019 godini je ukupno rođeno manje beba nego u 2018. u godinama prije toga prirodni priraštaj je bio pozitivan. Kakvu uopšte poruku šaljemo porodicama u Kantonu Sarajevo, zatim trudnicama, porodiljama, sa ovim smanjenjem iako evo iskrena da budem ni ova sredstva nisu dovoljna, šta bi mi trebali pružiti majkama kako bi im pomogli u vezi nataliteta. Prijedlog je da se sredstva znatno povećaju uvođenjem naknade za treće i četvrto novorođenče, kao i izjednačavanje naknade za porodilje koje nisu u radnom odnosu sa onim koje su u radnom odnosu. Uvažena ministrica je nama fino sve to objasnila i pročitala s papira koje su joj spremile stručne službe iz Ministarstva ali nam u suštini poručila da u suštini ne može udovoljiti našim zahtjevima pokušavajući pojasniti da li se pravno kaže da li je naknada da li je pomoć. Mislim da majke uopšte ne interesuje kako će ona to precizirati, u Ekspozeu premijera Forte decidno je stajalo, da vam ministricе bude lakše, za svaku novorođenu bebu u Kantonu Sarajevo da će biti 1000 KM primanja. Da li je to naknada ili pomoć, koga to ministricе uopšte briga? Ono što ste stavili u svom Ekspozeu niste ispunili. Hoćete li, evo mi vas pozivamo da ispravite ovakav Budžet Kantona Sarajevo tako što ćete sa stavke gdje ste predvidjeli tri miliona za naučno istraživački rad milion prebaciti za podršku natalitetu. Jer kome ćete sutra davati za naučno istraživački rad ako nemamo djece u Kantonu? Dalje, pozivam vas za ukidanje prava na reprezentaciju, službena auta i troškove mobilnih telefona za zaposlene i nosioce izvršne i zakonodavne vlasti u Kantonu Sarajevo. Ukinite sebi sve benefite pa onda možete odlučivati dalje da li mi to zaslužujemo i da li ima kao što bi premijer rekao keš novca u Budžetu Kantona Sarajevo. Zatim predlažem ukidanje naknade za Ekonomsko socijalno vijeće članovima Vlade na godišnjem nivou 22.800 plus uštede za porez i doprinose koji se uplaćuju po ovoj osnovi. Premijeru, mjesečna neto naknada 350,00 KM ministrici rada. Ministricе rada opredijelite se da radite volonterski, 300 KM. Ministrici pravde i uprave mjesečna neto naknada 300 KM, ministru privrede 300. ministru finansija 300, zaposlenom u Ministarstvu cca oko 350. Da ne bih sada sve čitala inicijativu ću podnijeti već sutra. Da se sve ovo ukine i usmjeri na natalitet. Podršku natalitetu. Pozicije kabineta predsjedavajućeg Skupštine. Gospodin Čelik je na toj poziciji imao 16.000 KM a novi predsjedavajući ima cijelih 106.400 KM što znači da raste za 90.000. Pozicija putnih troškova već je kolega Zahiragić pričao premijer Nenadić na toj poziciji imao 500 KM, vi premijeru sada imate 7000 KM. A poštovani premijeru pozivam vas da pročitate vaš Ekspoze gdje kaže da jedna od hitnih mjera usljed pandemije covid 19 proklamovana od vaše strane u Ekspozeu ograničenje upotreba svih beneficija i privilegija koje koriste izabrani dužnosnici ili zaposleni u javnom sektoru. Mada nije riječ o velikim iznosima ovo je tipičan primjer populističkog pristupa premijeru Forto i tražim da ispravite sve stavke na Budžetu. Kada je riječ o ministru Vraniću, evo prije svega ministre Vraniću pošto ste ministar zdravstva a i predsjednik ste Kriznog štaba, prije svega upozorite vaše kolege da nemaju distancu kada sjede u toj sali. Niti ispravno stavljene maske koje nisu preko nosa. Kada mi radimo online i kada nećete da sjedimo dole u općinskim klupama ne vidim razloga zašto vi možete sjediti, vas 13 jedan do drugog bez neadekvatnih maski. Građanima Kantona Sarajevo se pišu kazne što vani hodaju bez maski. Nemate distance a inspekcije šalje po kafićima a znamo da je realni sektor već na nogama. Kada je riječ o KC pitala sam vas zašto nema kapitalnih ulaganja, zašto je na stavci 0. je li poručujete građanima Kantona Sarajevo da neće imati novu opremu u KC. Vi ste rekli da ćete najvjerojatnije fakićki KC skinuti sa finansiranja. Ja vas sada pitam, pošto radite

presedan na KC; imate dvije ustanove i ovim putem vas javno pozivam da provjerite, koji se finansiraju 72% sa Budžeta ZZO Kantona Sarajevo, imaju plate kao i KC, ni jedna ta ustanova ne podnosi izvještaj Skupštini Kantona Sarajevo, ni jednog člana uprave ni nadzornog nema Skupština Kantona Sarajevo u tim zavodima odnosno institucijama. Je li hoćete da kažete da ćete samo KC tretirati ovako s obzirom da je federalni nivo a nećete ove dvije zdravstvene institucije. Ja vas pozivam da obadvije zdravstvene institucije dostave izvještaj finansijski ovoj Skupštini Kantona Sarajevo, imenujete i UO i NO ovih institucija po jednog člana ispred Skupštine Kantona Sarajevo, jer mi nemamo evidenciju takvih novčanih sredstava gdje su utrošena. Ako vam treba pomoć i da kažem mogu vam pismeno tražiti koje su to dvije institucije da im zatražimo da mi raspravljamo o njihovim izvještajima. Ali raspravljamo o izvještaju Apoteka Sarajevo koje nisu na Budžetu Kantona Sarajevo, faktički vanbudžetski korisnici, podnosimo izvještaj.

Predsjedavajući:

Oprostite molim zastupnice Bišćević-Tokić vrijeme.

Poslanik/zastupnik Jasmina Bišćević-Tokić

Nema veze evo ja samo minutu pa ću ja u drugoj diskusiji nastaviti dalje. Kada je riječ o 13 miliona KM uštede na KC, ja čestitam menadžmentu KC koja je uspjela gubitak od 100 miliona da vrati na dobit od 13 miliona. Zahvaljujem predsjedavajući. Nastavit ću dalje u drugoj diskusiji.

Predsjedavajući:

Hvala. Sljedeća zastupnica koja se javila za raspravu Junuzović- Kaljić imate riječ.

Poslanik/zastupnik Amra Junuzović-Kaljić:

Hvala lijepo predsjedavajući. Ja ću se kratko referirati samo na moja postavljena pitanja, a prije svega zahvaliti ministrici Prvulović na vrlo iscrpnom odgovoru vezano za finansiranje Sigurne kuće što je također od velike važnosti za građane Kantona Sarajevo. Naime, moje drugo pitanje, odnosilo se na sljedeće, a upravo bilo vezano za moj amandman iz 2019 u Budžetu bilo predviđeno 400.-000 KM za rekonstrukciju i revitalizaciju hladnog lanca za vakcine. Hladni lanac za vakcine je namijenjen skladištenju, distribuciji i svemu ostalom što podrazumijeva kvalitetno vakcinisanje. Dakle moje pitanje se nije odnosilo na momenat imunizacije protiv covid oboljenja, nego upravo u tom kontekstu možemo vidjeti koliko je važno imati hladni lanac kojeg Kanton Sarajevo nema. Kanton Sarajevo nema veliki skladišni prostor, nema hladnu komoru većeg kapaciteta koja može da primi npr jednomjesečnu ili dvomjesečnu potrebu vakcinama Kanton Sarajevo. Velika komora se nalazi u Mostaru i nekakav argument koji sam upotrebljavala kod ovog amandmana je činjenica, evo recimo ako krene transport iz hladne komore iz Mostara prema Sarajevu, a desi se saobraćajna nesreća na Ivanu, ili nekakav zastoј saobraćaja mi npr te vakcine u tom kontekstu ne možemo dobiti na vrijeme. Evo o tome se radi. Odnosi se na to 400.000 KM u Budžetu Kantona 2020 a sada je na tom mjestu 0. to je nabavka i rekonstrukcija hladnog lanca za obavezni program imunizacije. To je nešto što traje godinama, taj hladni lanac je dosta star, dosta zapušten a opet napominjem Kanton Sarajevo nema veliki skladišni prostor za vakcine. U tom kontekstu ja sam uputila Vladi premijeru i ministru zdravstva uputila sam amandman sa ovim sadržajem. Hvala lijepo.

Predsjedavajući:

Zahvaljujem. Sljedeća zastupnica za raspravu Segmedina Srna-Bajramović.

Poslanik/zastupnik Segmedina Srna Bajramović:
Zahvaljujem predsjedavajući. Pa evo zahvaljujem istovremeno i svim.

Predsjedavajući:
Ja se izvinjavam, imamo poslovničku intervenciju zastupnik Stojanović.

Poslanik/zastupnik Igor Stojanović:
Predsjedavajući u ime Kluba zastupnika SDP tražim pauzu od pola sata.

Predsjedavajući:
OK prihvata se pauza. Nastavljamo za pola sata.

NASTAVAK NAKON PAUZE

Predsjedavajući:
Nastavljamo sa sjednicom. Zastupnica Segmedina Srna nas je obavijestila da ima određenih poteškoća pa sljedeći prijavljeni za diskusiju je zastupnik Mirza Čelik. Izvolite, imate riječ.

Poslanik/zastupnik Mirza Čelik:
Zahvaljujem predsjedavajući. Pa evo ja ću se osvrnuti na ono što je bilo s moje strane postavljeno prema Vladi i drago mi je da čujem da će biti Ured za borbu protiv korupcije i upravljanje kvalitetom zaista ojačan u narednom periodu jer nekako evo u zadnje vrijeme vidimo zapažene rezultate tog ureda i čast mi je da mogu kazati da poznajem Erduana Kafedžića i da sam ponosan na ono što radi. Vratiti ću se sada na Budžet. Pa evo na strani 47 vidim da je predviđeno za rekonstrukciju i investiciono održavanje tramvajske pruge i projektovanje i izgradnje tramvajske pruge za Hrasnicu 150.000. mišljenja sam, znam da je dobivena građevinska dozvola, imao sam priliku naravno kao i ostali zastupnici sa Ilidže da porazgovarao s načelnikom opštine Ilidža i intencija svakako načelnika i općinskog vijeća je da se taj projekat realizira i smatram da bi do kraja naše rasprave premijer i članovi Vlade trebali da razmisle, ja neću zaista podnositi amandmane, niti mi je želja ali evo iz diskusija ako žele da prihvate nekoliko amandmana koje ću javno kazati da bi trebali da prihvate i da pruže građanima bar mogućnost da vide da se počelo raditi nešto. 150.000 je zaista mala stavka i ne može se ni raspisati tender niti bilo koja faza radova koja je predviđena projektom da se radi, pogotovo ta građevinska faza, tu treba dosta sredstava i mislim da lokalna zajednica planira u svom Budžetu dovoljno sredstava za izgradnju ove tramvajske pruge pa bi trebalo i u Budžetu da bude. Ministarstvo unutrašnjih poslova strana 51, pa evo svi smo imali priliku da često pričamo o izgradnji zgrade MUP-a odnosno >uprave policije i evo vidimo sada da to u Budžetu nema nigdje. Evo osvrnuo bih se na PU Ilidža unutra su zaista ja se bojim da neko ne propadne kroz pod jer je takva situacija sada u toj PU, zaista bi trebalo se potruditi da se PU na Ilidži nekako se osposobi unutra. Zaista kada se uđe razočaravajuće izgleda i ne znam kako mogu da rade dolje i kako dobiju potrebnu dozvolu za rad i nadam se da ćemo pristupiti rekonstrukciju MUP-a odnosno PU Ilidža. Ministarstvo također za video nadzor na strani 52. radarski sistemi, evo osvrnut ću se na to. Ovo je za pohvalu, 890.000. Smatram da ova stavka treba da ima još više sredstava, evo znamo i sami da evo koliko imao kamera već se smanjio broj saobraćajnih nezgoda pogotovo onih trkača navečer koje smo imali često priliku da vidimo u glavnom gradu. To nema više. I drago mi je zaista da ovaj projekat je dobio i smisao. Nabavka opreme 80.000 a bilo je 2.498.000: Ovo bi trebali povećati, ne znam koja vrsta opreme ali znam da je operama potrebna u MUP; odnosno kroz MUP. Eh malo ću se osvrnuti više na strani 54 Ministarstvo privrede. Tekući transferi Kantonalnom centru Skenderija, ZOI, KAP, hotelu Maršal 12,5 miliona. A bilo je 9.540.000. To je zaista za pohvalu. I evo ja sam imao priliku kada smo konačno predali Terminale u

Blažuju Federaciji a zauzvrat smo dobili hotel Maršal. Mislim da hotel maršal što prije treba se Vlada odlučiti ili da ga rekonstruiše i da napravimo hotel sa 5 zvjezdica ili da ga privatizujemo. Na onakav način na koji imamo hotel Maršal on će biti za godinu dvije identično kao hotel Igman i nećemo imati ništa od njega. Dok sam bio predsjedavajući kolegica Kistić i ja smo imali priliku da često imamo goste iz grupe Inicijativa za Bjelašnicu, i evo ja ću se osvrnuti kao što sam i pitao u uvodnom dijelu naše Skupštine, a to se tiče izmještanja četverosjeda, da li Vlada planira izmjestiti četverosjed i on je sada gore bespotreban u ovom periodu kada sam već kazao da noćno skijanje treba da ima neki benefit i skijaši i na kraju krajeva ZOI'84 jer su sada velike gužve na noćnom skijanju i intencija svakako uprave ZOI'84 jeste da se poboljša kvalitet skijanja u noćnim satima. Osvijetliti Kolijevku i četvorku staze, tako se one zovu, je nešto što je imperativ i inicijative za Bjelašnicu i ovaj dio projekta da se omogući i da se otvore dvije plave staze tamo prema prašumi, odnosno do dijela gdje se planira, gdje je izgrađena sportska dvorana na Bjelašnici. Ja ne znam da li su u Vladi toga svjesni, ali ja mislim da bi u ovom svakom slučaju ZOI'84 trebali ojačati. Kroz Ministarstvo za socijalni rad i politiku ja bih lijepo molio da vidimo, čest smo pričali da je potpisan ugovor, nije potpisan za otkup dvije zgrade u Otesu. Sjetit ćete se sami da je bilo informacije od Uprave policije na Ilidži da je 500 i nešto krivičnih djela počinjeno za jednu kalendarsku godinu u te dvije zgrade i tamo je zaista haos. Znači ukoliko ne budemo te dvije zgrade otkupili napominjem da je obaveza zakupca da vrati zgrade u prvobitno stanje, što znači da ćemo morati bukvalno srušiti te dvije zgrade i napraviti, vratiti ljudima u prvobitno stanje kako je i bilo. Sada se bez rušenja ne može dovesti u prvobitno stanje. Kanton će tu sigurno izgubiti 10 milion plus dodatno 1,2 miliona kirija godišnja. Tako da u narednom periodu molit ću Vladu da razmisli o ovom dijelu otkupa ove dvije zgrade GPA u Otesu. Evo čuli smo da nekoliko imamo projekata i da jedan od boljih projekata za sanaciju aero zagađenja tako da kažem projekat kojim idemo prema građanima koji koriste peći na čvrsto na gorivo, da se odnosno ugalj, da se zamijeni ili za pelet ili za već ono što može se zamijeniti za prirodni gas. Tu bi trebali zaista pojačati stavku i da možemo u narednih pet godina da nemamo ložišta sa čvrstim gorivom, ugljem, i smanjili bi svakako emisije PM čestica u zraku i to je ono što bi trebalo da bude svima nama obaveza. Govorio sam također i za ova komunalna preduzeća u Hadžićima, u Trnovu i u Ilijašu i evo samo ću kazati nekoliko stvari a tiče se Komunalca, možda evo u nekom segmentu mislim da će i ministar razumjeti jer dolazi iz te branše. To je preduzeće uradilo bukvalno puno više metara cijevi i kanizacionih i vodovodnih nego KJKP VIK. Oni su uradili dobar dio posla, ostalo je još nešto malo. Mislim da od vodnih naknada neće biti dostatnih sredstava da bi se pokrilo to što bi trebalo da se uradi ali evo voljeli bi svakako da sa načelnicima ovih općina iznađemo rješenje za finansiranje ovih preduzeća. Jer evo, na kraju zadužit ćemo se a vraćat će građani iz Hadžića, i iz Trnova i Ilijaša za nešto što se investira u gradskim općinama. Kazao sam već da u Blažuju imamo ljude koji su doselili poslije rata, a to je naselje jedno, već sam kada su bila pitanja kazao gdje se to naselje nalazi. To je od zatvora nekih 100 metara, odnosno od prodajnog salona Gorenje. Ti ljudi žive već 20 i nekoliko godina i nemaju vode. To je nešto što ne smijemo dopustiti mi kao zastupnici, vi kao Vlada i smatram da već sutra ministar i direktorica VIK trebaju da obidu to područje i da probamo riješiti vodosnabdijevanje tih ljudi i naravno ono što sam potencirao jeste Hendekuša u Osijeku i nekoliko tih naselja. Evo i kolegice su, znam da je kolegica uvažena Segmedina Srna Bajramović obilazila to područje i evo naravno može potvrditi da je to zaista jedna anomalija Kantona Sarajevo, odnosno vlasti u Kanton Sarajevo da pustimo da ljudi danas nemaju riješeno vodosnabdijevanje. Evo već sam kazao kada je Konaković predložio da se razmatra Budžet po hitnoj proceduri. Da nije po hitnoj proceduri ja bih svakako bio za Budžet i u formi nacрта i u prijedlogu, ovako ću biti suzdržan za ovaj Prijedlog zato što je po hitnoj proceduri. Zahvaljujem predsjedavajući.

Predsjedavajući:

Hvala kolega Čelik. Evo imamo prijavu zastupnice Segmedine Srne Bajramović. Izvolite, imate riječ.

Poslanik/zastupnik Segmedina Srna Bajramović:

Hvala predsjedavajući. Pa evo odmah u startu da potvrdim ovo što je kolega Čelik. Izvinjavam se najprije što se iz tehničkih problema nisam mogla uključiti već odmah nakon ove pauze. Ali evo, sve smo otklonili. Potvrdit ću ovo što je rekao za Hendekušu, to nam je jednostavno svima obaveza. Nedopustivo je da u 21 vijeku već kod prve kiše stanovnici te MZ gaze po fekalijama. I to je nešto o čemu sam govorila i neki drugi zastupnici svih prethodnih godina. Osvrnut ću se na odgovore ko je sam dobila na postavljena pitanja nekada davno prije nekoliko sati. Zahvaljujem za odgovore svim ministrima i ministrici Lejli Brčić. Zahvaljujem za odgovore prije svega kako je to neko rekao, čini mi se Adnanu Deliću koji je imao najviše pitanja i koji je odgovarao u maniru na koji nas je navikao i tokom predizborne kampanje u proteklim izborima. Ono što želim jeste da se osvrnem na odgovor na jedno od mojih pitanja upućeno ministru Adnana Šteta šta je sa izgradnjom i opremanjem tramvajskih stajališta za kontrolisane sisteme naplate, koje je ove godine nula? A prošle 11 miliona. Ministar je rekao meni u odgovoru rekli ste određeni iznos bio prošle godine. Taj iznos je bio 11 miliona to je ozbiljan iznos i precizno sam ga navela. I vrlo je važno zapravo ono što želim da kažem jeste da ministri u Vladi razumiju da ne odgovaraju meni, nikome od nas, Skupštinskih zastupnika nego odgovarate javnosti. Ja sam ovdje samo predstavnica građana koja sublimira pitanje ljudi koji se razumiju u materiju pa im nije bilo jasno. Zahvaljujem i ministru Vraniću. Rekla bih da se pitanja postavljaju kada nešto ne znamo i nije obaveza onoga koga se pita da procjenjuje šta neko zna ili ne zna, nego da daje precizne odgovore. Pitanje oko štrajka je sasvim logično, osim ako nije odluka da se i dalje isti nastave ignorisati što bi isto tako bila legitimna politička odluka. Međutim pitanje je jasno, odgovor može biti nema novca u budžetu, bit će u planu ZZO, ili novca nema nikako. Ali da se zna šta ljudi mogu očekivati. Svojevremeno ste ministre Vranić podržali moju uličnu akciju kada je u pitanju osiguranje za svu djecu uzrasta od 6 do 15 godina, koja su u stanju socijalne potrebe a nisu osigurana po bilo kojem drugom osnovu i koja zbog siromaštva i to naročito i prvenstven romska djeca, nasilja, trgovine ljudima, hronične bolesti ne pohađaju školu, a čime je uslovljeno zapravo njihovo pravo na obavezno zdravstveno osiguranje, na šta je ukazala između ostalog institucija Ombudsmana BIH u svom istraživanju, u okviru izrade specijalnog izvještaja zdravstvena zaštita djece u BIH. I koje je pokazalo da zdravstvena zaštita nije na zadovoljavajućem nivou i zakonodavstvo u ovoj oblasti nije usklađeno s Konvencijom o pravima djeteta pa mi je čudno da se ne sjećate. Ali valjda je do ministra jedna pamet a poslije ministra duga. I to što je neko drskiji i agresivniji u odgovoru neće nadomjestiti činjenicu da nema jasne argumente nego da pluta bespućima arogancije koja nikoga nije odvela na pravi put. Eh, sada bih nastavila o Budžetu u nešto drugačijem tonu jer mi je namjera da pokušam svima nama objektivizirati realnost koja ukazuje da ćemo s našim stalnim ponavljanjem uspostavljanjem budžetske prakse bez političke hrabrosti za promjene stalno vrtiti u krug. Moramo se konačno opredijeliti za ključne parametre koje ćemo pratiti u trendovima, ukoliko želimo adekvatno mjeriti efekte i uspješnost naših strategija politika i mjera finansiranih Budžetom. Mi smo 2015 godine imali 71.000 djece od 0 do 14 godina starosti, a krajem 2019 65.000 što pokazuje ozbiljnost depopulacijskih trendova na koje moramo sistemski odgovoriti kroz mjere u Budžetu jer očigledno starimo kao društvo sa sve kompleksnijom perspektivom ljudskog potencijala kao preduslova svakog razvoja. Prirodni priraštaj 2016 bio nam je 479, a 2019 nam je -86. Sve naše milijarde koje smo potrošili prethodnih godina su nas nažalost dovele u stanje da nas više umire nego se rađa. Naših 20.000 sugrađana preko 50 godina starosti je nezaposleno što zahtjeva s naše strane definisanje programa poticajnog zapošljavanja starijih osoba jer je jasno da se radi o većini osoba koji s ovih pozicija neće

moći ostvariti niti penziju prema postojećem Zakonu o PIO. Da ne govorim o činjenici da imamo preko 35.000 nezaposlenih koji su NK radna snaga za koju moramo pronaći način ozbiljnih programa prekvalifikacije u skladu sa sektorskim politikama koje smo isto tako planirali realizirati kroz strategije. Dalje, pokrivenost uvoza izvozom nam je 2018 godine bila 32 %, dok nam je 2019 pala na 29%. Pandemijska 2020 je još gora. Svake godine uvezemo skoro tri puta više roba nego što ih izvezemo. Pretpostavljeno kazano svake godine je nastajala rupa koju nismo mogli popuniti. Dug nam je na 200 miliona, što i nije problem kao visina duga, ukoliko taj posuđeni novac budemo produktivno plasiran. Na žalost slabljenjem ekonomskih aktivnosti, lanac zaduživanja prenio se na građane koji rekla bih, nisu imali alternativu nego podizati kredite koji pokušavaju osigurati osnovnu egzistenciju. Tako većina kredita koju građani imaju, potrošačkim ili nenamjenskim kreditima, čija svrha nije stvaranje nove vrijednosti nego održavanje one tekuće potrošnje. Dalje, poređenjem broja upisanih učenika u ovoj školskoj godini u odnosu na školsku 2015/2'16 može se zaključiti da se broj učenika prvih razreda u posmatranom periodu smanjio za 17%. prosječna plata u Ilijašu je 703 KM, a u opštini Centar 1365 KM što je gotovo duplo i pokazuje kako izgleda naša politika ravnomjernog razvoja. Što si dalje od sjedišta Kantona život ti je poprilično kompleksniji. Bez ozbiljne strategije, politika i mjera teško da ćemo početi ujednačavati kvalitet svih građana Kantona Sarajevo. Nevjerovatno je da smo u 2017 imali 31.000 konkretnih slučajeva kroz centar za socijalni rad u kojem je pruženo 95.000 intervencija, da bi taj broj slučajeva skočio na 71.000. intervencija. To je rast za više od 100%. bojim se jednostavno da ovi brojevi pokazuju sve kompleksniju socijalnu situaciju u društvu, te koliko je važno da pratimo brojeve koji nam jasno oslikavaju rezultat naših politika koje finansiramo kroz Budžet kao obavezu da redovno radimo analizu da li su nam mjere socijalne politike adekvatne objektivnom stanju u društvu. U Kantonu Sarajevo imamo 154.000 registrovanih vozila od kojih do 2 godine starosti imamo 7000 a preko 10 godina starosti 108.000 vozila, što najbolje pokazuje naš životni standard i loše perspektive u zagađenosti zraka o čemu jako puno govorimo. Ovo sve navodim zbog činjenice kako mi nismo dobri izgledali ni prije pandemije, iako fiskalno smo najsnažniji dio BIH i da je pandemija samo dodatno usložnila stvari smanjenjem fiskalnog kapaciteta a povećala zahtjeve za finansiranje što traži ozbiljnije analize da bi novac koji planiramo trošiti imao najbolje moguće efekte za život u Kantonu Sarajevo. Novca i dalje ima dovoljno, kada se uzme stanje u drugim kantonima. Ne treba da uzimamo od zarada medicinskih sestara, profesora, nastavnika, dobrih i poštenih radnika, univerzitetskih profesora nego da jačom finansijskom disciplinom u sistem uvedemo one koji se godinama neosnovano bogate zaobilazeći Zakon. Ukoliko je cilj da se upravljanje javnim finansijama u Kantonu Sarajevo ojača, politika mora preusmjeriti pažnju sa finansijskih inputa na programske efekte ili krajnje rezultate u okviru strateški definisanih ciljeva. I jednostavno vrijeme je da počnemo formulisati te operativne ciljeve svojih institucija.

Predsjedavajući:

Ja se izvinjavam zastupnice Srna Bajramović. Pretpostavljam u ime Kluba govorite.

Poslanik/zastupnik Segmedina Srna Bajramović:

Da, dakle ono što sam željela reći mi moramo početi formulisati operativne ciljeve svojih institucija u skladu sa osnovnim praktičnim politikama društva, kako bi počeli pratiti efekte programa na koji su utrošena budžetska sredstva. Na žalost svake godine Budžet sve više sklapamo poput lego kockica, zanemarujući njegovu osnovnu svrhu. Problem nećemo riješiti ukoliko se nastavimo stalno baviti posljedicama jer fokus moramo usmjeriti prema otklanjanju uzroka. Udaljili smo se od života, u okviru mogućnosti. Života u okviru mogućnosti čije su karakteristike bile radna etika, i sklonost štednji. Ranije su život na kredit i dug smatrani velikom anomalijom i nerazumnim ponašanjem a kod nas, to sve više postaje praksa. I sve dok ne budemo pristupali izradi Budžeta uvažavajući njegovu racionalnu zasnovanu razvojnu

komponentu na Budžet ćemo gledati poput švedskog stola. Čiju raskošnu ponudu stranih jela, finansiranih kredita, pa evo da završim, upotpunjuje domaći burek. Zahvaljujem.

Predsjedavajući:

Zahvaljujemo se Segmedini Srni Bajramović. Sljedeća zastupnica Prijavljena za raspravu Vildana Bešlija., izvolite imate riječ.

Poslanik/zastupnik Vildana Bešlija:

Hvala predsjedavajući. Samo jedan momenat da ukinemo mikrofoniju. Nadam se da me čujete. Ja ovako, iako je evidentno smanjenje Budžeta u odnosu na 2020 godinu za 14% pohvalno je predviđen iznos u okviru Ministarstva privrede a koji je neophodan za podršku upravo privredi. Parafiskalna davanja smo čuli danas, više puta smo ih spominjali, to je nešto što tišti privredu već dugi niz godina, opterećuju mikro preduzeća, i obrte više nego ostala preduzeća. Tako da bi mikro preduzeća i obrti trebali biti oslobođeni ovoj davanja u inicijalnom periodu poslovanja, pogotovo u periodu pandemije. A imali smo historijski iznos Budžeta preko 1 milijarde tokom 2020. međutim na žalost tadašnja Vlada nije bila svjesna težine trenutka i značaja privrede. Istraživanje koje je nedavno sprovedeno od strane Centra za politiku i upravljanje je pokazalo da struktura mikro preduzeća do 5 zaposlenih sa podacima iz 2019 godine pokazuje da KS i banjalučka regija imaju dominantan broj ovih preduzeća uz svim djelatnostima a kao treći se izdvaja TK. Analizom po regijama uočeno je da je Kanton Sarajevo ima najveći broj mikropreduzeća sa 5 zaposlenih sa 26,6 % udjela, banjalučka regija sa 14,5% a TK sa 12%. u dijelu mikropreduzeća od 6 do 9 zaposlenih također koncentrisano u ove tri regije i to istim poretom, znači prvo Kanton Sarajevo sa 21,5%, banjalučka regija sa 16,5% i TK sa 10,9%. Ovi podaci ujedno i govore da ako smo prvi da smo također kao Kanton posebno pogođeni pandemijom. Predviđeno smanjenje prihoda za 2,5 miliona po osnovu parafiskalnih nameta od OKFS je direktno u nadležnosti Kantona i predstavlja iskorak i jasno opredjeljenje ove Vlade za direktno rasterećenje privrede u Kantonu Sarajevo a ne zaboravimo da je to namet koji su privrednici našeg Kantona detektovali još 2019 godine nakon inicijative koju sam podnijela još početkom mandata da se preispitaju svi parafiskalni nameti koji godinama guše privredu u normalnim okolnostima a da ne spominjemo koliko opterećenje predstavlja sada u toku pandemije. Zato mi je žao što još u prošloj godini kada im je bilo izuzetno teško poslovati, nisu osjetili olakšice koje su bile pripremljene od strane Vlade za implementaciju u 2020 u godini. A tiče se oslobađanje upravo ovog parafiskalnog nameta, ali evo, zbog smjene Vlade to nije bilo realizovano. Najavljeno smanjenje parafiskalnih nameta privrednim subjektima u Kantonu Sarajevo kao i subvencioniranje otvaranja novih obrta u obrazloženju smo imali priliku o tome čitati samog prijedloga Budžeta, nadam se da ima za cilj realizaciju inicijative koju sam podnijela na sjednici na kojoj smo dobili novu Vladu. A inicirala sam da Kanton Sarajevo bude tax free sredina u kojoj svi oni koji imaju ideju za biznis mogu to uraditi potpuno besplatno. S obzirom da se iz Budžeta Kantona Sarajevo svake godine izdvajaju značajna finansijska sredstva kao poticaj privredi jedan od poticaja može biti upravo zamjena direktnih poticaja indirektnim kroz smanjivanje troškova osnivanja privrednog društva i obrta. To će imati višestruke pozitivne efekte kroz poboljšanje poslovnog ambijenta i povećanje naplate javnih prihoda. A primjena u dužem periodu bi obezbijedila značajno poboljšanje uslova za započinjanje biznisa i za dinamičniji razvoj privrede u Kantonu Sarajevo jer ona predstavlja ulaganje a ne trošak. Naravno da je ovo samo jedan segment, te je neophodno dati podršku privredi kroz digitalizaciju procesa i rasterećenje aktivnih privrednih društava u njihovom redovnom poslovanju. Također se nadam izmjeni propisa koji će omogućiti realizaciju programa skraćenih prekvalifikacija i dokvalifikacija za tradicionalna i stara zanimanja jer nam to može donijeti dodatne prihode a ne da nam građani idu u druge kantone za prekvalifikacije. To ujedno predstavlja realizaciju inicijative koju sam podnijela još također

2019 i nadam se spremnosti ministricе odgoja, osnovnog i srednjeg obrazovanja za rješavanje mnogo problema u dogledno vrijeme. Ono što dodatno želim u pozitivnim smislu naglasiti također je obezbjeđenje sredstava za asistente u nastavi kao i obezbjeđenje sredstava za Sigurnu kuću u 100% iznosu sa cca 270.000 KM i kao predsjednica komisije za ravnopravnost spolova Kantona Sarajevo, Kantona koji je prvi usvojio džender akcioni plan 2019 godine i prema kojem je ovo jedan od osnovnih strateških ciljeva. Također je za svaku pohvalu obezbjeđenje sredstava za realizaciju plana zaštite okoliša te apsolutno podržavam i zaduživanje Vlade ukoliko je to potrebno, odnosno ako će to imati za rezultat dugoročnije i neophodne efekte prvenstveno za opstanak i razvoj privrede i daljnji razvoj jer prema Zakonu o dugu i zaduživanju izdavanju garancija FBIH sa trenutnih 3,46% imamo prostora do zakonski propisanih 10%. Hvala vam.

Predsjedavajući:

Hvala kolegice Bešlija. Zastupnica Jasna Duraković javlja se za riječ. Izvolite, imate riječ.

Poslanik/zastupnik Jasna Duraković.

Zahvaljujem predsjedavajući. Nadam se da me čujete. Evo ja ću biti vrlo kratka. Prije svega želim se zahvaliti premijeru i ministrici za visoko obrazovanje i nauku na detaljnijim odgovorima, zapravo na obrazloženju i zahvaljujem se naravno što podržavate i ovaj amandman tj inicijativu koju smo podnijeli kolegica Bilsena Šahman, Vedran Jakupović i ja. Nakon što smo evo posjetili Studentski dom Bjelave pa i Studentski dom Nedžarići ovo govorim da napomenem zapravo kolegu Zahiragića koji je rekao da niko o tome ne vodi brigu niti računa. To nije tačno prije svega. Mislim daje Vlada Kantona Sarajevo pokazala i te kakvu brižnost evo i zaista hoće i ima namjeru preusmjeriti sredstva koja su bila nejasno navedena u budžetskim stavkama pod ovim resorom pa je to lijepo objašnjeno. Ne znam da li ste čuli, očigledno da niste, ali zaista je veliki broj zastupnika bio uključen u rješavanje ovog pitanja i ja se nadam da ćemo to obećanje ispuniti, da će ta sredstva kako vidim, višemilionska biti usmjerena upravo ne samo na opremanje studentske učionice već na projekat utopljanja studentskog doma Bjelave, pogotovo jer je on u katastrofalnom stanju i to je potpuno neprihvatljivo da studenti tj korisnici istog u takvim uvjetima žive. To je ispod svakog nivoa. Išli smo tamo lično se uvjerali u te uvjete koji zaista ne zadovoljavaju ni neki minimum. Ja se nadam po obećanju premijera Kantona Sarajevo tako i ministricе da će od naredne akademske godine studenti ipak živjeti u puno boljim uvjetima. Dakle da će provesti ovaj plan i realizirati nekolicina tih projekata koji će raditi na opremanju i restauraciji nekih objekata koji su malte ne u ruševnom stanju ali vrlo blizu da to budu. Tako da evo ja se zahvaljujem još jedno. Samo sam htjela da razjasnim to, da ne gubite dalje vrijeme na kritiku Vladi po ovom pitanju, pošto smo danas podnijeli taj amandman. To je što se mene tiče. Ja ću svakako podržati Budžet. Toliko zahvaljujem.

Predsjedavajući:

Hvala kolegice Duraković. Druga rasprava zastupnik Mahir Dević.

Poslanik/zastupnik Mahir Dević:

Jest druga rasprava. Čujemo li se predsjedavajući. Zahvaljujem. Evo naravno ja sam u ime Kluba i moje kolegice i kolege upozoravali smo na sve stvari koje su se desile vezano za ovaj Budžet i za svu ovu proceduru koju mi zaista osuđujemo u svakom smislu jer nije ustavna, jer nije zakonita i nije u duhu demokratičnosti i naravno na ovakav način se oduzimaju ingerencije Skupštine Kantona Sarajevo. Mi kao Klub nećemo predložiti zvanične amandmane u smislu da mi predložimo Vladi Kantona Sarajevo konkretno koju stavku da promijeni ali ćemo skrenuti pažnju i tražiti od Vlade da Vlada napravi pauzu i da razmotri ove amandmane koje ću vam ja sada na neki način spomenuti. A oni su proklamovani na neki

način u onome što je Vlada Kantona Sarajevo odnosno premijer najavio u svom Ekspozeu. Imamo jednu situaciju u kojoj nam Vlada jedno priča a drugo radi. Premijer nam jedno priča u ekspozeu a praktično radi drugo. Prema tome predlažemo sljedeće da se razmotri: da se kroz amandman Vlade u Budžet Kantona Sarajevo ubaci stavka u kojoj će se za svaku novorođenu bebu u Kantonu Sarajevo isplatiti 1000 KM kao poticajna mjera natalitetu u Kantonu Sarajevo. Druga stvar tražimo da se stavka za stanove mladih vrati na 2 miliona KM barem kako je bilo izvršenje prethodne Vlade. Napomenut ću vas da je i ta prethodna Vlada realizirala tu stavku u koroni. Treća stvar, tražimo da Vlada obezbijedi sredstva za finansiranje sedam institucija iz oblasti kulture. Sramotno je da sada odustajemo od jednog takvog državotvornog projekta nakon velikog truda kojeg je uložio naš ministar Alikadić. Ta sredstva nemamo u Budžetu Kantona Sarajevo i mislim da na taj način se ponovo vraćamo dva koraka unazad. Znači napravite amandman, obezbijedite sredstva za finansiranje tih sedam institucija od značaja za kulturu a vi znate da su te institucije izuzetno važne za državu BIH. Smanjite sredstva sa kabineta predsjedavajućeg. Naš predsjedavajući je otprilike skroman čovjek tako da nema potrebe ovih 90.000 KM da mu povećavate ta sredstva. Ja sam potpuno ubijeđen da će se on složiti s jednim takvim prijedlogom. Nema potrebe da se ponaša rasipnički barem u vrijeme korone. Kada budemo imali stagnaciju Korone, jednu bolju epidemiološku situaciju, evo mi podržavamo da se ta sredstva vrate predsjedavajućem Skupštine. Ja sam potpuno ubijeđen da će on podržati jedan ovakav prijedlog. Peta stvar povećati stavku za subvencioniranje alternativnih načina grijanja u smislu izbacivanja uglja u Kantonu Sarajevo. Ovu stavku tretirati barem sa 3 miliona KM: ovo što ste sada predložili nije dovoljno da se riješi jedna ulica. Imamo problem zraka, pričamo o tome, premijer Forto je doktorske disertacije nama ispričao na ovu temu, a onda predloži stavku koja nije dovoljna da riješi jedan sokak ili jednu mahal u Kantonu Sarajevo. Šesta stvar.

Predsjedavajući:

Kolega Deviću samo da vas kratko upozorim na vrijeme. Istekli je već, evo završite misao rečenicu. Uglavnom da vas upozorim na vrijeme.

Poslanik/zastupnik Mahir Dević:

Samo brzinski da pročitam da ne ulazim u replike sa nekim da bih ovo kazao, zamolit ću vas minutu dvije ako može predsjedavajući. Šesta tačka prijem Zlatnih tačaka na UNSA. Sedma tačka izgradnja nove kanalizacione mreže Bjelašnica u cilju zaštite pitke vode u Kantonu Sarajevo. Osam povećati dječiji doplatka na barem 100 KM. Devet studentski domovi 2 miliona da se opreme kupaonice, ležajevi itd. I deset, ukinuti sebi sve reprezentacije, službena auta, troškove mobilnih telefona. Evo nek Vlada napravi pauzu i nek uvaži barem značajniji dio ovih amandman mi ćemo podržati ovakav iako je na neki način nezakonit, u cilju poboljšanja stanja prihvatit ćemo ako ovo Vlada uradi. Evo nek Vlada iznađe sredstva najbolje im je neka uzmu sa ova 3 miliona sa nauke, tamo ima viška sredstva, čini mi se da su onako i politički raspoređena pa to je jedna od stavki odakle mogu uzimati. Čisto kao prijedlog. Izvinjavam se. Hvala predsjedavajući.

Predsjedavajući:

Zahvaljujem kolega Deviću. Kolega Marjanović se javio za kratku diskusiju.

Poslanik/zastupnik Damir Marjanović.

Dobro večer svima. Ja vam se zahvaljujem. Nemojte mi zamjeriti neću paliti kameru, jednostavno je link u pitanju i mislim da ćete me bolje čuti a i nije bitno da li ćete me bolje vidjeti. Jako kratko, htio bih se zahvaliti Vladi Kantona Sarajevo u pripremanju ovog Budžeta. Znam u kakvim je okolnostima sve to rađeno kako je rađeno. Znam da postoji mnogo dobrih rješenja i mnogo dobrih sugestija koje sam čuo tokom ove rasprave koje

dolaze iz pozicije i opozicije i definitivno siguran sam da u ovim burnim vremenima, turbulentnim vremenima, neće biti neočekivano da u nekom narednom periodu opet se revidiraju sve ove stavke i da u nekom rebalansu Budžetu barem koliko to ne bude nepopularno, ali vremena su takva nimalo nisu popularna (nerazumljivo) budemo preraspodjeli neke stvari u nadi da će neki rebalans ići prema gore, ali kao što znamo i kao što možemo očekivati rebalansi obično ne idu u tom pravcu. Diskusije pojedinaca su bile izuzetno zanimljive, na neki način su ukazale u kojem pravcu su uvijek razmišljamo u kom pravcu je bilo uobičajeno da razmišljaju. Možda baš zato što dosadašnjih godina Vlade koje su podržavale išle u tom pravcu. Možda baš zato danas i čekamo te vakcine, možda baš zato ne možemo očekivati od naših naučnika da daju onaj maksimum koji mogu da daju u BIH, pa većina naučnika onda moraju da idu izvan BIH. I da najbolje svoje godine provedu tamo. Kada kažem najbolje hoću da kažem najplodonosnije godine provedu izvan BIH jer zanimljivo je kada vi uložite u nekoga recimo date mu besplatno školovanje dodiplomsko, pa recimo i postiplomskog, pa mu date i na doktoratu neku jaku stipendiju jer je to zaslužio a onda mu ne date priliku da sve ono što je naučio u okviru nekih naučno istraživačkih projekata na neki način i realizira. Mislim da ova Vlada Kantona Sarajevo i normalno kroz te naučno istraživačke projekte svakako dobro usmjereni, ako su dobro ocijenjeni, ako su jako konkretni, onda definitivno i onaj ko je uložio u njegov proteklih nekih recimo 9 godina obrazovanja, ako to na neki način gledamo tako ili možda nešto manje, onda možemo očekivati da će nešto od takvoga naučnika i dobiti. Ova Vlada Kantona Sarajevo je očigledno odlučila da je vrijeme da se sa takvom praksom prestane, i mislim da je ovo što je izdvojila i što planira da izdvoji za znanstveno istraživački rad u budućnosti jedna prekretnica koja i te kako može ohrabriti mlade ljude da umjesto u neke nepopularne prostorije na koje će trošiti novac, kladiće se na neke druge stvari, ipak uloži u svoje obrazovanje i da bude siguran da će im se vratiti kroz taj naučno istraživački rad. Ja sam slušao dobro što su pojedinci rekli, izuzetno mi je drago, presretan sam što je mladi kolega Zahiragić, ja sam to i rekao, ja sam primijetio u njegovom javnu objavu vezano za Zlatne značke, i podržao sam taj koncept vjerovatno nisam imao pretjerano medijskog prostora, nisam ni očekivao da nešto medijski to plasiramo. Kolega Zahiragić je to medijski dobro plasirao i ima tu punu moju podršku na njegovom Fejsbuk profilu zvanične profesionalne stranice sam podržao jer mi je izuzetno drago da nešto što smo već 2012 i 2013 počeli u nekim mandatima kada smo obezbijedili besplatne doktorate Zlatnim značkama pa smo zajedno sa jednim hrabrim čovjekom i odličnim ministrom tada iz te Vlade uvaženim kolegom Muamerom Bandićem tada smo već 2013 počeli zapošljavanje Zlatnih značaka na UNSA i znam da je čak i uvaženi ministar Kazazović dao potporu 2016, 17, da se nastavi to upošljavanje. Ali znam da su dobri dekani pojedinih fakulteta

Predsjedavajući:

Kolega Marjanoviću samo da vas upozorim na vrijeme.

Poslanik/zastupnik Damir Marjanović.

Prva diskusija, evo govorim u ime Kluba ja vjerujem da se neće niko naljutiti. Dakle, evo i završiti ću vrlo brzo. Znam da su (smetnje) Ministarstvo najavilo da će i te kako obratiti pažnju i na Zlatne značke, kao što pronalazimo rješenje i za ove momke i djevojke (nerazumljivo) uvaženi (smetnje). Prosjeka koji su opet neki čudni (smetnje). Što Ministarstvo i Vlada odlučili ove godine da uložile čini mi se čak i do 3 miliona KM je bila neka osnovna ideja (smetnje).

Predsjedavajući:

Kolega Marjanoviću imate tehničkih problema ne čujemo vas jasno. Na žalost ništa vas ne čujemo.

Poslanik/zastupnik Damir Marjanović:
Da li me sada čujete?

Predsjedavajući:
Sada vas čujemo. Ponovite ove zadnje dvije tri minute.

Poslanik/zastupnik Damir Marjanović:
(smetnje) zadnje dvije tri minute u krajnjem slučaju evo da skratim priču. Eh da ne opterećujem vas i gledatelje u svakom slučaju podržavam hrabru odluku Vlade Kantona Sarajevo da ohrabri znanstveno istraživački rad u Kantonu Sarajevo. I s time su pokazali da definitivno polako se svrstavamo u sve one države koje razmišljaju o budućnosti. Jedan od stubova svakog jakog društva jesu mladi i pametni ljudi a to definitivno nauka kreira. Hvala velika.

Predsjedavajući:
Hvala kolega Marjanoviću. Replika zastupnik Mahir Dević replika Marjanoviću.

Poslanik/zastupnik Mahir Dević:
Da li se čujemo predsjedavajući? Zahvaljujem. Naravno dobronamjerna replika kolegi Marjanoviću. Mi se u suštini slažemo naravno sa izdvajanjem sredstava za nauku, međutim ovo malo izgleda tendenciozno zaista. Ako se pogleda u ogledalo i kaže ko danas sve čini parlamentarnu većinu u ovoj Skupštini Kantona Sarajevo i postavlja se pitanja da li je ovo zaista, ovaj koncept kakav je primijenjen prošle i prethodne godine, razumijemo da je u nekim povojima. Da li je ovo finansiranje zdravstveno istraživačkog rada? Ja sam postavio pitanje da li mi imamo efekte kao Skupština Kantona Sarajevo odnosno kao Vlada da li smo dobili odgovore na goruće probleme u Kantonu Sarajevo? Čini mi se da je ovo još uvijek podrazumijeva dodatne finansijske izvore za pojedine profesore i kolege i kolegice, političke prije svega, koji u okviru svojih 40 časovnih normi imaju skoro pola radnog vremena koje moraju koristiti već za naučno istraživački rad. Skoro pola tog vremena je za njihovo stručno usavršavanje i za naučno istraživački rad. E sada povećamo tu stavku na 3 miliona a sve ove stavke o kojim sam kazao apsolutno ih zanemarujemo. Ne trebamo zatvarati oči pred ovim zlatnim značkama. Evo predlažem da taj milion od tog koji je povećan preusmjerimo i da primimo ove Zlatne značke. Evo neka kolega odustane i ministrica pa nek predloži Vlada takav amandman. Za taj milion primimo u nastavni proces sve Zlatne značke na UNSA. Da vidimo tu vrstu dobronamjernosti. Te mlade ljude kada dobijemo dobit ćemo i s njima novi naučno istraživački rad. A nisam baš siguran s ovim koji imaju plate pa da im je još malo nekih projekata, nekih rođaćkih veza, prijateljskih, političkih pa ćemo to malo verifikirati sve kroz Skupštinu Kantona Sarajevo. Efektnije je da primimo te ljude. Evo odustanite od toga primite te Zlatne značke predvidite ta sredstva u Kantonu Sarajevo. Hvala.

Predsjedavajući:
Hvala kolega Deviću. Replika Damir Marjanović pretpostavljam Deviću.

Poslanik/zastupnik Mahir Dević:
Da, da zahvaljujem se. Ja uvijek volim te dobronamjerne prijedloge kolege Devića. Malo me čudi, dobro se sjećam negdje 2019 kada su se obrazlagali neki budžeti bivše Vlade, znači prije šestorke, pa smo pričali o nekim institutima koji su se tada predstavljali možda kao budući Ruđer Bošković, tada je kolega Dević to jako podržavao i puno mi je to imponiralo na neki način. Bilo mi je drago što mnogi ljudi su se na neki način zalagali a nauku. A kolega Deviću možda ću vam nešto malo pojasniti proces evolucije je uvijek prisutan pa čak i u ocjenjivanju određenih znanstveno istraživačkih projekata. I upravo recimo od ono malo novca što je bilo

protekle godine znači u ovoj 2020 što je na žalost spušteno sa 2,8 miliona na pola miliona KM, prilikom raspodjele toga, sticajem okolnosti znam nisu bili u okviru projekata podržane nikakvi honorari itd. Tako da se ja u potpunosti slažem sa vama, ovaj novac koji se izdvaja za te projekte mora biti usmjeren ka naučno istraživačkom radu, a ne kao nekome dodatnom honoraru kojim ćete platiti nekoga ko je već plaćen da se bavi naukom. Možda niste znali to pa vam je na neki način to počelo provejavati. U svakom slučaju nauka definitivno je već 20 godina na ovim prostorima nekako tretirana vruće hladno bez nekih sistemskih rješenja i mislim da je vrijeme da se ta rješenja polako pokažu pa čak i možda kroz neku fondaciju budućnosti, a vezano za Zlatne značke, nemojte mi zamjeriti ne možete biti intimnije i na neki način emotivnije vezani od mene za njih. Jednostavno te 2012, 13, mislim da je tada bio zastupnik gospodin Ademović koji je sugerirao neke stvari. Uveli smo ih u sistem. Dali smo ta prava zapošljavanja. Dali smo te prve besplatne doktorate. Baš tada smo od ovoga novca koji vi govorite preusmjerili ka njima i to vrlo brzo, te 2012 godine, pa smo čak i prilikom bodovanja pri zapošljavanju u osnovnim i srednjim školama davali neke ekstra poene. Tako da u potpunosti se slažem sa vama i siguran sam da će ministrica i kroz ovaj novac pa zajedno sa ministricom za rad i socijalna pitanja pronaći načina da damo mogućnost našim najboljim dječacima i djevojčicama da ostanu u UNSA. Evo radujem se sastanku sa vama. Svaki vaš konkretan prijedlog vrlo rado ću podržati. Hvala velika.

Predsjedavajući:

Hvala kolega Marjanoviću. Replika Mahir Dević Marjanoviću.

Poslanik/zastupnik Mahir Dević.

Zahvaljujem predsjedavajući. Imamo problem sa onim što pričamo i onim što radimo. Jedno govorimo drugo radimo u praksi. Ne znam da li nam je to namjera ili nije ali je to ono što se dešava. Sve ovo što smo čuli da kolega podržava sada to se ne nalazi u ovom prijedlogu Budžeta. Toga nema. Mi predlažemo da to Vlada napravi pauzu i da stavi takve stvari u Budžet. Kada je u pitanju Institut za razvoj naprednih tehnologija koji je prebačen u Ministarstvo privrede, mi smo tada govorili ispred Kluba SDA da ćemo na takav način ugasiti takav institut. To se i pokazalo malte ne u praksi da se tako i desilo. Mi smo insistirali da on ostane u okviru Ministarstva za obrazovanje, nauku i mlade Kantona Sarajevo. To je bilo sigurno greška i to se danas pokazuje da je to greška. Ali evo, predlažemo, nemojte, konstantno nešto pričamo, držimo se nekih klišeja, držimo se nekih fraza, držimo se nekih programa, obećanja, Ekspozea, obećavamo ljudima a onda praktično to ne provodimo kroz prijedlog Budžeta Kantona Sarajevo. Evo ja sam naveo deset stvari koje mi kao Klub tražimo od Vlade da ona evo osmisli s koje stavki da prebaci. Jedna od tih stavki je sigurno i ova od tri miliona. Smatramo da je u ovom momentu to politički otišlo na tri miliona. Da je moglo sasvim dovoljno da bude 2 miliona u ovom momentu jer je vrijeme korone, pandemije, pa naravno ako bog da budemo živi i zdravi pa se ekonomski oporavimo, neka bude 50 miliona što se nas tiče. Ali nekako nam je to vrlo simptomatično. Pričamo o Zlatnim značkama a povećamo ovo za projekte. Puno je kontroverzi bilo oko dodjele tih projekata za naučno istraživačke radove, finansiranja, puno primjedbi. Ali evo sada možda nije tema ni mjesto da o tome govorimo.

Predsjedavajući:

Kolega Deviću zahvaljujem. Replika Marjanović Deviću. Imate riječ.

Poslanik/zastupnik Damir Marjanović.

Da da, da se ne bi ovo pretvorilo u jedan ping pong kolega Dević je jedan iskusen političar koji jako dobro zna to sve na neki način uokviriti, zaokružiti, pa možda čak vidjeti u tom budžetu za šta je planirano, ne bih se iznenadio da se on iznenadi kada se bude raspisivao

jedan takav konkurs kako će to sve ići. Da uvijek imate primjedbe vezano za raspisivanje projekata, dobro se sjećam da sam ja imao i te kakve primjedbe te 2019. pa vjerujem neke druge kolege imaju 2020. to je tako kako jeste. Dobro je da ljudi na neki način uvijek žele da se unaprijede ti projekti i te stvari koje trebaju da se unaprijede. I malo ću samo. Moram malo reći. Znaite obratite pažnju mnoge i najodgovornije države su baš u periodu pandemije i korone značajno pojačale i povećale izdvajanje za nauku. Vjerovatno sa razlogom. Ali stvarno nemam ništa da dodam ovoj cijeloj priči. Nekako imamo osjećaj da se kolega Dević i ja polako idemo paralelno pa jednostavno u nekim se diskusijama vjerovatno zbog različite pozadine i različitog profesionalnog bekgraunda ponekada se malo i ne razumijemo. U svakom slučaju kao što rekoh, hrabra odluka Vlade Kantona Sarajevo i koliko mi je poznato i koliko imam informacije ima jako veliku podršku iz akademske zajednice Kantona Sarajevo i naučne zajednice. U svakom slučaju vidjet ćemo šta je pred nama. Hvala velika.

Predsjedavajući:

Hvala kolega Marjanoviću. Replika Jasmina Bišćević-Tokić kolegi Marjanoviću.

Poslanik/zastupnik Jasmina Bišćević-Tokić:

Zahvaljujem predsjedavajući. Pa evo morala sam replicirati kolegi Marjanoviću., odluka nije hrabra nego politička. Evo podsjetit ću ga da u Ekspozeu koji je on pisao zajedno sa četvorkom prva stavka koja je vezana za Ministarstvo visokog obrazovanja jeste ulaganje sredstava u naučno istraživački rad. Ja shvatam kolegu Marjanovića da je to nešto za što smo mi učili i i zalagali se kroz akademsku zajednicu. Međutim mislim da sada nije vrijeme da vlada Kantona Sarajevo podrži ovakav projekt sa tri miliona. Ja i dalje ostajem i dajem prednost da milion sa ove tačke trebamo skinuti na porođilje i da damo stimulaciju za natalitet. Nema ni jedne prednosti kolega Marjanoviću koja može ići prije nataliteta. Sve podržavam, podržavam naučno istraživački rad, u tome sam i ja, ali ne može biti prioritet. I nije hrabra odluka. Još jednom kažem odluka je politička. U Ekspozeu imate isto ciljeve da bi stimulisati svaku novorođenu bebu u Kantonu Sarajevo. To može biti vaš prioritet i takva odluka će biti s moje strane da kažem hrabra i imat ćete svaku pohvalu i podršku vezano za to. Zahvaljujem.

Predsjedavajući:

Hvala kolegice Jasmina Bišćević-Tokić. Replika Damir Marjanović pretpostavljam zastupnici Bišćević -Tokić.

Poslanik/zastupnik Damir Marjanović:

Uopće nije replika. Kolegica Bišćević Tokić i ja često smo diskutovali i mislim da smo se u velikom broju slučajeva složili., imate punu moju potporu da povećamo milion KM upravo u ovom pravcu kojem ste rekli. Samo ja imam jedan malo bolji prijedlog. Skinite sa onog dijela koji se tiče finansiranje stranaka a neka ostane onda i nauka zadovoljna s jedne strane a onda neka sve stranke i svi koji sudjeluju u radu u ove Skupštine Kantona Sarajevo daju svoj doprinos u ovom što vi predlažete. Puna, puna potpora.

Predsjedavajući:

Replika Jasmina Bišćević-Tokić Marjanoviću.

Poslanik/zastupnik Jasmina Bišćević-Tokić:

Evo kratko ću ja samo kolegi Marjanoviću. Ako se sjećam mi smo i prošle godine kada je bila Vlada s Nenadićem upravo insistirali kolega Dević tačnije da se smanji 50% finansiranje svih političkih stranaka. Čak UO, NO stavova smo da se isplaćuje kao 1 KM. Danas smo isto pozvali za takve inicijative. Ja sam isto u svojoj prvoj diskusiji pozvala da se ukinu sve

reprezentacije, službena auta, mobilni telefoni, isplate sve za komisije i također sam navela da ću na sljedećoj redovnoj sjednici tražiti da se više komisije ovdje ne plaćaju. Imali smo to kolega Marjanović vrlo dobro zna, komisija za obrazovanje koje su bile jako dobro plaćene. Tražit ćemo da se to više ne finansira, i da ljudi rade naravno stručni ljudi da rade u korist građana Sarajeva volonterski.

Predsjedavajući:

replika Marjanović – Bišćević-Tokić.

Poslanik/zastupnik Damir Marjanović:

Kao što rekoh kolegica Bišćević-Tokić i ja se potpuno slažemo puna potpora tome. Evo jedan mali primjer. Sticajem okolnosti u proteklom periodu imao sam priliku da radim u jednoj komisiji i u samom startu sam se odrekao bilo kakvih primanja jer upravo zbog toga građani Sarajeva zaslužuju da se u tom dijelu barem svi oni koji su angažovani u komisiji volontiraju jer to je naš doprinos cijeloj toj priči. U potpunosti vas podržavam kolegice Tokić. I evo samo mala sugestija, vi i ja smo na istom fonu. Prioriteti su prioriteti. Još jednom ostajem ako idemo s tim milionom maraka, puna potpora iz ovoga što sam ja spomenuo. Hvala velika.

Predsjedavajući:

S obzirom da nema više prijavljenih zaključujem raspravu. Pozivam premijera da obrazloži dostavljene amandmane. Imamo li nekoga iz Vlade?

Premijer Edin Forto:

Predsjedavajući dobili ste materijal sa sjednice Vlade koju smo održali i gdje smo razmatrali amandmane. I dobili ste obrazloženja gdje se amandmani odbijaju, tačni je ne prihvataju ali isključivo u obrazloženju možete vidjeti da ustvari te stavke već postoje. Npr. nabavka frižidera za vakcine za DZ. Ti frižideri su već nabavljeni i zbog toga se ne prihvata amandman jer nema potrebe. Na isti način i druga dva amandmana gdje postoje već agregatne stavke gdje ćemo mi izvršiti ono što se traži u amandmanu. To je opremanje u studentskom centru učionice i zdravstveno osiguranje koje već postoji koje smo objasnili u obrazloženju. To bi bilo to što se tiče amandmana od zastupnika. Bio je jedan amandman Vlade, jer smo mi nakon što smo usvojili svoju verziju Budžeta, shvatili da je potrebno dodati još onu stavku za Memorijalni centar u Srebrenici u Potočarima i ta stavka je dodana zajedno agregatno sa još jednom stavkom za projekte u Srebrenici. 100.000. To je bio amandman Vlade. I to je to od nas.

Predsjedavajući:

Zahvaljujem premijeru. Obraćam se zastupnicima i zastupnicima koji su predložili amandmane. Da li ste zadovoljni odgovorom premijera i da li tražite izjašnjenje o svojim amandmanima? Kolegica Duraković Jasna, zatim Šahman Bilsena, Vedran Jakupović.

Poslanik/zastupnik Jasna Duraković:

Evo zahvaljujem predsjedavajući ako dozvolite riječ. Dakle ja sam već u diskusiji rekla da ću podržati naravno prijedlog Budžeta. Uz obrazloženje koje mi dato od strane premijera u samim odgovorima da će ova sredstva koja smo tražili da se alociraju, svakako jesu namijenjena pod tekućim transferima, tako da evo nije bilo potrebe za ovim amandmanom. Da će to biti usvojeno i da će to proći i da će ta namjenska sredstva biti zaista utrošena na onu namjenu za koju smo tražili. Eto toliko. Hvala vam. Tako da ne tražim dodatno izjašnjenje.

Predsjedavajući:

Zahvaljujem kolegice Duraković. Zastupnica Segmedina Srna Bajramović jeste li vi

zadovoljni prijedlog premijera i Vlade. Da li želite izjašnjenje o svom amandmanu?

Poslanik/zastupnik Segmedina Srna Bajramović.

Hvala predsjedavajući još jednom. Pa evo ja tražim izjašnjenje ne odustajem od amandmanima zato što ne prihvatam obrazloženje koje nam je Vlada ponudila jer nije tačno. I obrazloženje koje je izignoriralo mišljenje čak institucije Ombudsmana što zapravo ne treba da nas čudi u zemlji u kojoj se ne provode presude Ustavnog suda, kome su sada zaboga važni Ombudsmani. Meni jesi, i meni su važna ta djeca koja su mahom iz romske populacije. Zamolit ću da se izjašnjavamo o amandmanu koji sam predložila. Zahvaljujem.

Predsjedavajući.

Zahvaljujem kolegice Segmedina Srna Bajramović. Zamolio bih službu da pripremi anketu za glasanje. A zastupnice i zastupnike da se izjasne o amandmanu zastupnice Bajramović. Zaključujem glasanje. Molim službu da objavi rezultate.

Za je glasalo 25, protiv i suzdržanih nije bilo.

Konstatujem da je ovaj amandman zastupnice Segmedine Srne Bajramović prihvaćen. Skupština ga je usvojila.

Sljedeći amandman. Može premijeru izvolite.

Premijer Edin Forto:

Ako Skupština stvarno želi da osigura ovu populaciju koju je zastupnica Bajramović tražila i vi ste to sada izglasali, mislim da bi trebali napraviti drugi amandman, jer ovako kako je napravljen amandman sredstva se skidaju sa namjenskih sredstava. Sa Direkcije za ceste, što nije moguće. Ne možete sa namjenskih razgraničenih sredstava i razgraničenih sredstava. Možete samo sa budžetskih sredstava. Pa eto molim ako već želite ovaj amandman da usvojite da napišete novi i da izaberete neki izvor sa budžetskih sredstava. Hvala.

Predsjedavajući:

Hvala premijeru. Poslovnička intervencija, imali smo prvo zastupnika Mahira Devića pa onda imamo Elmedina Konakovića.

Poslanik/zastupnik Mahir Dević:

Zahvaljujem predsjedavajući. Mi smo naravno svjesni procedure kako se ulaži amandmani, ali pošto je ovo za nas nezakonita procedura, mi smo nabrojali nekih deset stvari koje su otprilike obećali premijer Forto i Vlada u Ekspozeu pa smo tražili da Vlada napravi pauzu i da ona sama uvaži neke od ovih amandmana. Ako to Vladu ne interesuje i ne želi to uradi meni je to OK. Nego nisam čuo premijer da on kaže da neće da to uradi već smo prešli na glasanje. Ukoliko ne želi da razmatra ono što su pisali u Ekspozeu. Mi zvanično nećemo predavati amandmane jer je za nas ovo nezakonita i nelegalna procedura ne želimo da je legaliziramo na bilo koji način. Zahvaljujem. Član 133 naravno poslovnika je povrijeđen.

Predsjedavajući.

Hvala kolega Deviću. Neophodno je podnijeti u skladu sa procedurama amandmane da bi se mogli zastupnici izjašnjavati o njima. Poslovnička intervencija Elmedin Konaković izvolite.

Poslanik/zastupnik Elmedin Konaković.

Hvala predsjedavajući. Dakle, mi smo poslovnički izglasali amandman kolegice Segmedine Srne

Predsjedavajući:

Ne čujemo vas molim vas, imate tehničkih smetnji.

Poslanik/zastupnik Elmedin Konaković:

Jel se čujemo predsjedavajući? Dobro, dakle ne postoji nova mogućnost da se mi vraćamo, brišemo. Mogao nam je to premijer reći prije nego što smo glasali o amandmanu kolegice Srne. Ja nisam da vam budem iskren gledao detaljno šta je i na kojoj je to poziciji. Vlada će to moći riješiti bez nas. Tako što će sama. Dobili ste stav. Kolegica Srna je vama ovim amandmanom vama otvorila stavku Budžetu, bit će to jedan mali operativni zahvat za vas, ne tako težak. Tako da vas molim da mi idemo dalje da se izjašnjavamo o Budžetu predsjedavajući. O ovoj proceduri sada ne možemo ići retroaktivno vraćat se. A ima rješenje ministar finansija da će ovo s premijerom ubijeđen sam riješiti vrlo lako. Hvala vam.

Predsjedavajući:

Hvala kolega Konakoviću. Poslovnička intervencija Mahir Dević.

Poslanik/zastupnik Mahir Dević.

Predsjedavajući uz svu dobru namjeru da se ova stvar razriješi kolega Konaković nije u pravu. Mi smo, bolje rečeno vi ste izglasali nezakonit amandman prema tome premijer je u pravu. Taj amandman trebate dovesti u zakonske okvire jer neće Vlada moći postupiti. Vlada treba da postupi u skladu sa zakonskim amandmanom. Prema tome ili napravite pauzu pa popravite ovaj amandman ili ga nema nikako. Ne može vlada improvizirati odluku Skupštine. Skupština je glasa za ovaj amandman, ako je on nezakonit nema ga nikako. Ako je zakonit Vlada je dužna da ga provede. Ne može Vlada tu improvizirati. Ne može on preko ovoga preći. Napravite pauzu onda iznađite ta sredstva ukoliko postoji politička volja da se taj amandman usvoji. A očigledno je da postoji jer je 25 zastupnika glasalo za. Zahvaljujem.

Predsjedavajući:

Hvala kolega Deviću idemo dalje. Kolegica Junuzović Kaljić je imala amandman. Da li ste vi saglasni, zadovoljni odgovorom premijera ili ostajete pri amandmanu?

Poslanik/zastupnik Amra Junuzović Kaljić:

Mislim da je samo došlo do nerazumijevanja. Poštovani premijeru kolege zastupnici moj amandmana se odnosio na činjenicu da je u Budžetu 2020 400.000 bilo predviđeno za obnovu, rekonstrukciju hladnog lanca za vakcine. To je uobičajeni normalni program imunizacije u kome te vakcine, za njihov smještaj, za njihovu distribuciju i sve ostalo. I za odgovarajuću veličinu komore hladne komore u Kantonu Sarajevo. Ove godine, u ovom Budžetu, te stavke nema, ta stavka je 0. projekcija za 22 je nula. I projekcija za 23 je nula. Ja nisam govorila o hladnom lancu za vakcine protiv covida. Tako da molim vas samo još jednom detaljno pročitajte. Radi se o hladnom lancu za uobičajeni obavezni program imunizacije po Zakonu o zdravstvenoj zaštiti stanovništva od zaraznih bolesti. Hvala lijepa.

Predsjedavajući:

Premijeru izvolite, imate riječ.

Premijer Edin Forto.

Zastupnice Junuzović po informacijama koje imam UNDP razvojni program UN iz sredstava Federalne Vlade nabavio je dovoljno skladišnog prostora za vakcine više nego što ćemo ih mi vjerovatno ikada kupiti. Ako se ispostavi da ta informacija nije tačna, u što čisto sumnjam, mi možemo reagovati problem sa vakcinama nećemo imati kada ih dobijemo. Evo to vam obećavamo. Nemojte se brinuti za hladni program za vakcine. Hvala.

Predsjedavajući:

Hvala premijeru. Zastupnice Kaljić da li ostajete pri svom amandmanu da se izjašnjavamo ili ste zadovoljni odgovorom premijera.

Poslanik/zastupnik Amra Junuzović Kaljić:

Ja ću biti u ovom trenutku zadovoljna sa ovim odgovorom jer u principu nisam informirana da je preko UNDP već nabavljena kompletna oprema koja je potrebna Higijensko epidemiološkoj službi DZ i hladna komora. Hvala lijepo.

Predsjedavajući.

Hvala lijepo.

MOLIM ZASTUPNIKE DA PRISTUPE IZJAŠNJAVANJU O PRIJEDLOGU BUDŽETA KANTONA SARAJEVO ZA 2021.GODINU.

Molim službu da pripremi anketu. Zaključujem glasanje. Molim službu da

ZA JE GLASALO 22 ZASTUPNIKA, PROTIV ništa I SUZDRŽANO 9.

KONSTATUJEM DA JE SKUPŠTINA DONIJELA BUDŽET KANTONA SARAJEVO ZA 2021.GODINU.

Prelazimo na drugu tačku dnevnog reda:

AD – 2.

PRIJEDLOG ZAKONA O IZVRŠAVANJU BUDŽETA KANTONA SARAJEVO ZA 2021.GODINU – HITNI POSTUPAK

Molim Predlagača da podnese uvodne napomene.

Premijer Edin Forto:

Čujete li predsjedavajući. Ima li smo neke tehničke probleme. Da li sada očekujete uvodne napomene za Zakon o izvršenju Budžeta?

Predsjedavajući:

Naravno evo iako zastupnici sugeriraju da nema potrebe.

Premijer Edin Forto:

Tako je upravo sam to htio sugerirati da nema potrebe jer je potpuno iste uvodne napomene. Hvala.

Predsjedavajući:

Da li predstavnici radnih tijela žele riječ? Ima li pitanja? Otvaram raspravu. S obzirom da se niko ne javlja za raspravu zaključujem raspravu.

MOLIM ZASTUPNIKE DA PRISTUPE IZJAŠNJAVANJU O PRIJEDLOGU ZAKONA O IZVRŠAVANJU BUDŽETA KANTONA SARAJEVO ZA 2021.GODINU.

Molim službu da pripremi anketu.

ZA JE GLASALO 22 ZASTUPNIKA, PROTIV 1 I SUZDRŽANO 9.

KONSTATUJEM DA JE SKUPŠTINA DONIJELA O IZVRŠAVANJU BUDŽETA KANTONA SARAJEVO ZA 2021.GODINU.

Prelazimo na tačku tri:

AD – 3.

PRIJEDLOG REZOLUCIJE O PREVENCIJI I SUZBIJANJU UZNEMIRAVANJA NA OSNOVU SPOLA I SEKSUALNOG UZNEMIRAVANJA I NASILJA U KANTONU SARAJEVO

Molim predstavnika Predlagača da podnese uvodne napomene. Zastupnica Neira Dizdarević.

Poslanik/zastupnik Neira Dizdarević:

Hvala predsjedavajući, izvinjavam se zbog činjenice da neću paliti kameru. Imam također problema sa konekcijom. Nadam se da se čujemo. Hvala vam za priliku da evo danas razmatramo ovu tačku dnevnog reda. Svjedoci smo da već sedmica cijelu regiju ali našu zemlju potresaju brojna svjedočanstva o spolnom i seksualnom uznemiravanju. Neformalna Fejsbuk stranica „Nisam tražila „ je u kratkom roku prenijela i još uvijek prenosi ogroman broj potresnih svjedočanstava o spolnom zlostavljanju, verbalnom i fizičkom. A Tužilaštvo BH je već zaprimilo određeni broj krivičnih prijava. Oglasile su se i pojedine visokoškolske ustanove, određena vijeća i Skupštine su već reagovala a zastupnici Naše stranke su u parlamentarne procedure u svojim skupštinama uputile rezoluciju koje danas dostavljamo pred vas poštovane kolegice i kolege sa nadom da ćemo zajednički, kao najviši zakonodavno tijelo poslati jasnu poruku žrtvama da problem nasilja nije problem pojedinca već svih nas i da obavezujemo institucije da uspostave prije svega adekvatne mehanizme prevencije nasilja i seksualnog uznemiravanja ali i adekvatne sisteme prijavljivanja počinitelja te zaštite žrtava. Rezolucija šalje nedvosmislenu poruku da Skupština Kantona Sarajevo ima nultu toleranciju na bilo koji oblik nasilja. I najavljuje korake odnosno zadatke koje stavljamo pred Vladu Kantona Sarajevo i sve relevantne institucije i naravno pozivam sve kolegice i kolege da daju podršku navedenoj. Uvaženi predsjedavajući da li da ja pročitam tekst same rezolucije ili ćete to vi da se ne ponavljamo s obzirom da je poprilično duga.

Predsjedavajući:

Možete vi kolegice pročitati.

Poslanik/zastupnik Neira Dizdarević:

U redu hvala. Ja sam i službama dostavila prijedlog rezolucije. Evo u nekom da kažem skraćenom obliku ću izložiti. Na usvajanje upućujemo Prijedlog rezolucije O PREVENCIJI I SUZBIJANJU UZNEMIRAVANJA NA OSNOVU SPOLA I SEKSUALNOG UZNEMIRAVANJA I NASILJA U KANTONU SARAJEVO

, oslanjajući se na odredbe Deklaracije o ljudskim pravima, Konvencije o ukidanju svih oblika diskriminacije žena, Konvencije o sprečavanju o borbe protiv nasilja nad ženama i nasilja u obitelji, Zakon o ravnopravnosti spolova, Krivičnog Zakona, Zakon o radu Federacije i Ustava Kantona Sarajevo, Svjesni da je spolno uslovljeno nasilje prisutno u svim zajednicama svijeta bez obzira na kulturu i vremensko razdoblje, Svjesni da je seksualno nasilje i uznemiravanje iz mnogobrojnih razloga manje prepoznato ili nevidljivo, obavijeno velom šutnje i predrasuda, stigmatizacijom i nepostojanjem odgovarajućih mehanizama zaštite žrtava i kažnjavanja počinitelja; Upoznati sa činjenicom da žrtve seksualnog nasilja i uznemiravanja nemaju adekvatnu medicinsku zaštitu i psihološku podršku; Prepoznavajući trend velikog broja anonimnih pritužbi na uposlenike kantonalnih obrazovnih institucija putem društvenih mreža mi, izabrani predstavnici građanki i građana Kantona Sarajevo, a kako bi podigli opću svijest o ovom problemu u našem društvu, pomogli potencijalnim žrtvama da prepoznaju navedene oblike uznemiravanja, te ohrabрили žrtve da prijave preživljena uznemiravanja u s v a j a m o

REZOLUCIJU O PREVENCIJI I SUZBIJANJU UZNEMIRAVANJA NA OSNOVU SPOLA I SEKSUALNOG UZNEMIRAVANJA I NASILJA U KANTONU SARAJEVO

U tom smislu mi, izabrani predstavnici građanki i građana Kantona Sarajevo obavezujemo Vladu Kantona Sarajevo da, u saradnji sa ekspertima iz relevantnih polja, izradi i u hitnoj proceduri Skupštini Kantona Sarajevo na usvajanje dostavi:

- Prijedlog zakona o sprečavanju i zabrani uznemiravanja na osnovu spola i seksualnog uznemiravanja i nasilja u Kantonu Sarajevo;
- Prijedlog pravilnika o pravilima ponašanja poslodavaca i radnika u vezi sa prevencijom i zaštitom od zlostavljanja na radu u Kantonu Sarajevo;
- Prijedlog protokola o postupanju u slučajevima prijavljenog uznemiravanja na osnovu spola i seksualnog uznemiravanja i nasilja u Kantonu Sarajevo;
- Prijedlog odluke o obaveznom donošenju unificiranih i sa Protokolom usklađenih etičkih kodeksa u svim javnim preduzećima, ustanovama, zavodima i fondovima koje su osnovali Kanton Sarajevo i/ili organi jedinica lokalne samouprave ili koji su u većinskom vlasništvu Kantona Sarajevo i/ili organa jedinica lokalne samouprave;
- Prijedlog akcionog plana za prevenciju i suzbijanje uznemiravanja na osnovu spola i seksualnog uznemiravanja i nasilja u Kantonu Sarajevo, čiji će primarni cilj biti podizanje javne i pojedinačne svijesti o uznemiravanju na osnovu spola i seksualnom uznemiravanju i nasilju, kao i edukacija o prepoznavanju i ranom suzbijanju ovakvih oblika uznemiravanja i nasilja;

Mi, izabrani predstavnici građanki i građana Kantona Sarajevo također obavezujemo Vladu Kantona Sarajevo da hitno preduzme korake ka:

- Uspostavljanju ekspertske radne grupe za izradu Akcionog plana za prevenciju i suzbijanje uznemiravanja na osnovu spola i seksualnog uznemiravanja i nasilja u Kantonu Sarajevo, koju će činiti predstavnici Ministarstva zdravstva, Ministarstva unutrašnjih poslova, Ministarstva za rad, socijalnu politiku, raseljena lica i izbjeglice, Ministarstva visokog obrazovanja, nauke i mladih, Ministarstva predškolskog, osnovnog i srednjeg obrazovanja, Univerziteta Sarajevo, Ministarstva pravde i uprave, Udruženja poslodavaca KS, nevladinih organizacija koje se bave prevencijom i suzbijanjem nasilja na osnovu spola i seksualnog uznemiravanja i nasilja i relevantnih radnih tijela Skupštine Kantona Sarajevo;
- Uspostavljanju „Hrabre linije“ za prijavljivanje uznemiravanja na osnovu spola i seksualnog uznemiravanja i nasilja.

Evo još jednom ću iskoristiti priliku da pozovem kolegice i kolege da jednoglasno podržimo ovu rezoluciju i pošaljemo nedvosmislenu poruku da Skupština Kantona Sarajevo ima apsolutno nultu toleranciju na bilo kakav oblik nasilja svim onim djevojčicama i dječacima, djevojkama, ženama muškarcima koji nas upravo gledaju pošaljemo poruku da nisu sami. Toliko hvala.

Predsjedavajući:

Hvala kolegice Dizdarević. Da li predstavnici radnih tijela žele riječ? Ima li pitanja? Zastupnik Mahir Dević je prijavljen ne znam da li je pitanje ili rasprava. Izvolite zastupniče Dević.

Poslanik/zastupnik Mahir Dević:

Zahvaljujem predsjedavajući. U pitanju je naravno jedna kratka diskusija. Mi kao Klub SDA podržavamo ovakvu vrstu aktivnosti da se osvijetli ova jedna jako prisutna tema ali koja je u proteklom periodu očigledno bila jedna tabu tema, u našem društvu. Cijenim da je dobro da Skupština Kantona Sarajevo podrži jednu ovakvu deklaraciju jednoglasno. Ja sam govorio to i na Kolegiju skupštine Kantona Sarajevo iako nije običaj da se deklaracije usvajaju na hitnim sjednicama, pristao sam evo i tada kao šef kluba da to uradimo da se na adekvatan način i u adekvatno vrijeme pošalje jasna i nedvosmislen poruka Skupštine Kantona Sarajevo i potpuno sam na neki način ubijeden da će cijela Skupština ovo jednoglasno podržati. Zahvaljujem predsjedavajući.

Predsjedavajući:

Hvala kolega Deviću. Ne vidim da više ima neko prijavljen za raspravu. Zaključujem raspravu. MOLIM ZASTUPNIKE DA PRISTUPE IZJAŠNJAVANJU O PRIJEDLOGU REZOLUCIJE O PREVENCIJI I SUZBIJANJU UZNEMIRAVANJA NA OSNOVU SPOLA I SEKSUALNOG UZNEMIRAVANJA I NASILJA U KANTONU SARAJEVO.

Molim službu da pripremi anketu za glasanje. Zaključujem glasanje. Molim službu da objavi rezultate glasanja.

ZA JE GLASALO 31 ZASTUPNIK, PROTIV I SUZDRŽANO NIŠTA.

KONSTATUJEM DA JE SKUPŠTINA DONIJELA OVU REZOLUCIJU.

Prelazimo na tačku četiri dnevnog reda.

AD-4.

INFORMACIJA O REALIZACIJI ŠKOLE SKIJANJA ZA ŠESTE RAZREDE OSNOVNIH ŠKOLA U KANTONU SARAJEVO.

Molim predstavnika predlagača da podnese uvodne napomene. Zastupnik Mirza Čelik je podnio inicijativu. Zastupniče Čelik izvolite, imate riječ.

Poslanik Mirza Čelik:

Zahvaljujem predsjedavajući. Pa vrlo kratko evo 4000 je naših učenika šestih razreda i ove godine ne bi trebali dopustiti da uskratimo školu skijanja. Ne bi trebalo da bude privilegovano oni koji sebi mogu priuštiti da skijaju na Bjelašnici i Igmanu i okolnim našim planinama. S tim u vezi ja sam podnio, i zahvaljujem se svakako što je uvršteno i ja u sklopu ove tačke imam prijedlog zaključka. Ja sam svoj zaključak proslijedio sekretaru skupštine. Pretpostavljam da je zaključak došao do svih zastupnika ali evo radi naših gledalaca ću pročitati prijedlog zaključka a molim svakako ukoliko ima potrebe da se dopuni ovaj prijedlog zaključka sve zastupnike da na kraju evo svakako ću zamoliti da podrže ovaj zaključak kako bi našim đacima omogućili da pohađaju i ovaj segment kroz nastavni plan i program. Zaključak:

Zadužuje se Ministarstvo za odgoj i obrazovanje KS

1. Da nastavi sa realizacijom nastavnog plana i programa iz predmeta Tjelesni i zdravstveni odgoj i realizuje u toku školovanja za učenike 6-tih razreda Osnovnih škola u zimskom periodu na uređenim skijalištima u Kantonu Sarajevu,
2. Realizaciju nastave uskladiti sa preporukama Kriznog štaba KS,
3. Škole će direktnim sporazumom, angažovati predviđeni broj autobusa za prevoz djece.

Zahvaljujem predsjedavajući. Ukoliko ima pitanja rado ću odgovoriti.

Predsjedavajući:

Hvala kolega Čelik. Molim službu da pripremi za glasanje i zastupnike i zastupnice da se izjasne. Prije izjašnjenja, oprostite zaboravio sam da li ima pitanja? Predstavnici radnih tijela da li imaju riječ? Otvaram raspravu. Zatvaram raspravu.

Molim zastupnice i zastupnike da se izjasne na anketu koju je pripremila služba. Zaključujem glasanje.

ZA JE 30 ZASTUPNIKA, PROTIV I SUZDRŽANIH NIJE BILO.

Molim službu da objavi rezultate.

KONSTATUJEM DA USVOJEN ZAKLJUČAK KOJI JE PREDLOŽIO ZASTUPNIK MIRZA ČELIK.

Također, konstatujem da je dnevni red 16. Hitne sjednice iscrpljen, zahvaljujem svim prisutnim i zaključujem rad na sjednici. Hvala prijatno.